







2004

339-112

S-29

Տ Ե Ա Ռ Ն

Handwritten signature

ՅՕՐ ԳԱԲՐԻԷԼԻ

ՎԱՐԴԱՊԵՏԻ ԱՒԵՏԻՔԵԱՆ

ԱԹՈՌԱԿԱԼԻ

ՈՒՆՏ ԿԻՒԹԱՐԵԱՆՅ

ԽՈՐՀՐԴԱԾՈՒԹԻՒՆՔ

ՀՈԳԵՒՈՐՔ



Ի ՎԵՆԵՏԻԿ

Ի ՏՊԵՐԱՆԻՍ - ՂԱԶԱՐՈՒ

1836

Printed in Turkey

Handwritten number 1245

Handwritten number 0250-57



ՅԻՇԱՏԱԿ ՀՈԳԻՈՅ

ԲԱՐԵՊԱՇՏԻ ՈՒՐՈՒՄՆ ՏԻԿՆՈՔ

ՅԱԻԵՏԻՔԵԱՆ ԶԱՐՄԷՆ

Printed in Turkey

Ի՛նչ հոգեւորաց ումանց յոր
 գորեաց զմեզ և զայս նոր ճա-
 րակ բարեւոյնութի տալ 'ի
 ձեռս անձանց 'ածարաշաու՛թե
 կարգացն առանձին օրինակաւ
 հպատակելոց : Հայր խորհրդա-
 ծու՛թեցս Գարրիէլ Արդապեա
 Աւետիքեան ծանօթ է ապաքէն
 համազգեացն և օտարաց 'ի
 ձեռն բազում Երկասիրութեց
 իւրոց : Նա ինքն , որ ոչ միայն
 'ածարանական և խնամատարա-
 կան հմտութիւն լի էր , այլ և
 ասպնջական հուլից առաքի-

նութէց, յառանձին մտածու-
թէց իւրոյ 'ի միայնութէ մե-
նարանին՝ մերթ ընդ մերթ հա-
նէր մասն և հաւասարակցաց
կոչմանն իւրոյ ըստ իւրաքան-
չիւր տարևոր տօնից աէրունա-
կանաց և սրբոցն՝ որ յայանի
ինչ հանդիսաւորութիւն հաչա-
կին 'ի Միաբանութեան Միւի-
թարեանցս, և այժմ հանդա-
մանք ժամանակիս կամեցան՝
զի այնպիսի և հասարակաց տա-
ցին 'ի վայելումն :

Ի բանքս առաւել տենչ սրտի
վառի, քան թէ հանճարիմա-
ցութիւն մտաց, կամ միօրինակ
տիպ բանից, զի ոչ ամենայնքն
միահետ 'ի միում ժամանակի

յօրինեալ են . այլ ոմն քան
զոմն կրօսեր է և երէց ժամա-
նակաւ , և յառանձին պէտս
հոգւոյ յօրինողին յերիւրեալ ,
և իւրոյ խոստովանութեն հա-
ղորդելոց . կարծելով թէ ոչ
արտաքս ելցեն քան զդրունս
անձուկ մենաստանին :

Թէսլէտ և մեծապէս ակն ու-
նելի է՝ զի ճօխութին հոգևոր
շայեկանութեան ամբարեալ ՚ի
նոսա յորդարեացէ զարս և զկա-
նայս յամենայն հասակէ և յա-
մենայն պայմանէ բաժանակից
լինել այնմ առ իւրաքանչիւր
վաճառաշահութի գովելի ա-
գահութի . քանզի և հոգեկա-
նացն միայն ագահութի չէ ե-

պերելի յամենայն աստիճանի :
Մէք ջանկամք միայն յա-
մենայն մտաց՝ զի այս դանձ
փոքրիկ հասցէ 'ի ձեռս ամենե-
ցուն՝ հողևոր ճանապարհին նա-
խանձաւորաց կամ այլազգ խոր-
հելեաց . զի երկաքանչիւր ան-
շուշտ ոչ ևս 'ի բաց թողցեն 'ի
ձեռաց , ոմն ղյառաջադխմութի
անձինն նովաւ ճարտարեալ . և
միւսն 'ի միտ առեալ զաւաղելի
հանգամանս իւր՝ ըւրադունացն
այնուհետե լիցի նախանձաւոր .
որով և կրկնակի փառաւորի ա-
նուն բարձրելոյն , յոր ուղղէրն
միայն , և արդ ուղղի ուշ նալա-
տակի յօրինողին և 'ի ըյս հա-
նաղացս :



Ի ԺՆՈՒՆԴ

ՍՐԲՈՅ ԿՈՒՍԻՆ

ՄԱՍՆ ԱՌԱՋԻՆ

ՍԵՆՍՄԱՅԵՐՆ Եւայ՝ կոյս
առաջին՝ անարատ ծննդեամբ
երևեցաւ յաշխարհի . այլ ոչ
եկաց և պահեաց ոչ զկուսու-
թին և ոչ զանարատութիւն :
Երջանիկ ՚ի նախկին կեալն . այլ
եղկելի գտեալ ՚ի կենացն ըն-
թացս :

Երկրորդի կուսին Մարիա-
մու ծնունդ եթէ ըստ սկսմանն
առաջնոյն նման , այլ ոչչափ
բարձրագոյն ըստ զօրութեանն ,

քանի՛ ըստ անկորուստ և շնորհազեղ սպասպանողութեն տարօրինակ: Աստ ոչ 'ի չմեղուցեալ մարմնոյ զաւակ արտադործեալ ձեռամբ արարչին՝ իբր Եւային յԱդամայ, այլ 'ի մեղապարտ մարմնոյ ծնունդ անմեղ, յարատաւորէ անարատ, յախտականէ անախտ: Այնչափ դերահրաշափառագոյն, որչափ զի առաւելապատիկ զօրութիւն է 'ի սղտորեալ՝ քան յանսղտոր ականէ ջուր բղկեցուցանել ականակիտ և ամենահամ:

Ծնունդ արդարեւ շնորհաց՝ դեր 'ի վերոյ ոչ միայն քան ըզհասարակածին մարդկանն, այլ չքնաղ ևս քան զայլ հրաշակերտս ինչ, որով արարչութեն նորոյ նոր սկզբնամայր հանդերձեցաւ՝ կազմել զնոր ազգատոհմ շնորհաց:

Աքանչացիր ընդ ի՞նչեղէն զօրութիւնն, օրհնեա՛ զառատու-

Թիւնն, երկրպագեալ անբաւ ի-
մաստու թեանն, խանդաղատեաց
ընդ շնորհազարդեալ զաւակն :

ՄԱՍՆ ԵՐԿՐՈՐԳ

ՊԱՐԳԵՒ առանձնաւոր եղև
Մարիամու ծնանել ՚ի շնորհս-
այլ ևս ընտելադոյն՝ կեալ ՚ի
շնորհս, ՚ի նոյնս ածել, կամացն
ընտրու թք լինել ոչ լակ ընդու-
նահան շնորհաց, այլ և մեծա-
ցուցիչ նմին իսկ շնորհատու ին-
որով և շնորհքն բարձրացան ՚ի
նմա իբրև յարժանաւոր գոր-
ծակից և ՚ի շահեցուցիչ, եղեալ
միանգամայն փոխաարու թիւն
վաստակոց :

Յառաջնու մն՝ Մարիամ պար-
տապան բովանդակ այն անզու-
գական առատաբաշխու թեանն,
իսկ երկրորդիւն՝ զնա ինքն պար-
գեատուն պարտապան իւրու մն
կացուցեալ հաւատարմու թե :
Ո՛վ, զխնդ գեղեցիկ սա իբրև

առաւօտ ծաղեալ շնորհաց, և
որչափ ընտիր իբրև զարեգակն
նշողեալ շնորհասփիռ ճառա-
գայթիցն ծաւալմամբ:

Եթէ յառաջին ստեղծանելն
գնա Ի՞յ ետես զի բարի է, ընդ
կամակարու թի նորա զուարճա-
ցեալ վկայէր՝ զի բարեգոյն եղև,
կերպարանակից դտեալ առաջ
նոյ լուսոյն անեղև՝ որչափ եղա-
կանի լուսոյն գոյր հնարաւոր:
Զորքանու թի շափոյն արդարև
անգիտանամք, այլ 'ի մասնէ
իմանամք զեղանակն, զի հաճե-
ցեալ Ի՞յ հօր, զիւրն անեղական
ճնունդ զմիակն և զկուսածին
կամեցաւ շնորհել յորդիու թի
այսմ շնորհափայլ զաւակի իբ-
րև մօր՝ կուսու թի նուիրելոյ
'ի հարսնու թիւն:

Մեծարեալ զգերակայու թիւն
շնորհացն, խնդա՛ ընդ փառս
մեծի տիրուհւոյս, մաաիր խո-
նարհեաց յանգիման աթուոյ
շնորհաց նորա:

ՄԱՍՆ ԵՐՐՈՐԴ

ԱՄԱՉԵ՛Ս, հաւատացեալդ
 գու. և զիանդ ո՛չ, զի մեղօք
 ծնօր. աւաղէս. և յիրաւի, զի
 աստաւոր գօար, և ատելի օն
 անգէն յերկելդ յաշխարհի :
 Եւ իբր ասլա ո՛չ առաւել ևս
 ամաչէս՝ զի յակօմայ մեղանչա-
 կանութին վերագրեցեր զկա-
 մաւորն՝ բազմապատիկ յանցա-
 ւորութիւն. զի յառաջնոյ անախ
 յանցմանէ սրբեալդ՝ դարձեալ
 ազանդացար. զի զառեալն շնորհ
 անգրէն կորուսեր ո՛չ միանգամ
 և ո՛չ երկիցս :

Մայրն Եւայ միանգամ և եթ
 յանցեաւ ՚ի քեզ. անախ լուաց
 զքեզ նորն Եւայ Մարիամ, որդ-
 ւոյ իւր աւազանաւն : Իսկ քո
 անասատեալ առ մաքրագործն՝
 առաւել յանցուցելոյ մօրն ցու-
 ցար որդի՝ քան սրբագործողին :
 Եւ ո՛չ արդեօք երկիւղ մեծ է՝

Թէ ապաշնորհից քեզ նման եր-
դիցի ելն յաշխարհէ իբրև ըզ-
մուան՝ ՚ի մեղս անարբելի . մե-
ղօք ծնեալ, մեղօք մեռեալ,
մեղօք տանջեալ անսպառ :

Ի միտ առ զվաանգոք ահա-
գին . ժամ քեզ ընդունելի զայս
օրոք համարեաց . ապաշաւեա՛
գոնէ անագան ՚ի չարեացոք գոր-
ծելոց, և զիմօք պատկառե-
ցելովք անկիր լալագին յոսս
անյիշաչար տիրուհւոյն՝ բնա-
ւից մաքրութեան ընդունողին .
Ժտեա՛ ՚ի նմանէ ընդ Թողու-
թեան անցելոց մեղանացո՛ք և
զառ ՚ի յապագայիցն զգուշու-
թիւն :

Այս քեզ անգուլ աղաղակ
սրտի եզիցի առ նա կողկողա-
գին : Ա՛վ սրբութեց օթեան և
պարգևիչ, մայր ինձ կենաց գու-
բարձրացիր իսկու.թք՝ փոխանակ
կարծեցեալ կոչմանն Եւայի,
կրկնակի ծննդեամբ անմահա-
կանաւ ՚ի շնորհս և ՚ի փառս զիս

ընդունելով: Չի քե երկեցայց
 սրբեալ, քե պահպանեալ, քե
 փառաւորեալ, և յաւիտեան
 քեզ փառաւորիչ ընդ որդւոյ
 քում:



Ի ԾՆՈՒՆԴ

ՏԻՐԱՄՕՐ ՍՈՒՐԲ ԿՈՒՍԻՆ



ԾԱՍՆ ԱՌԱՋԻՆ

Ո՞չ ոք 'ի մարդկանէ յարդարոց կամ 'ի թագաւորաց այնչափ օգտամատոյց դտաւ աշխարհի կամ եկեղեցւոյ յամենայն 'ի կեանս իւրում, որչափ սուրբ կոյսն Մարիամ եղևանդէն 'ի ծնանել իւր յաշխարհ:

Եթէ կացին երբէք յիւրաքանչիւր դարս արք բարեգործողք և աշխարհաշէնք, այլ ոչ բնաւ եղև ոք 'ի նոցանէ աշխարհի նորոգութե պատճառ: Սամիայն կոյս նորածին հիմն արկ

Նորոյ աշխարհի : Ծնունդ նորա
 ըստ մարմնոյ եղև ոչինչ պակաս
 ծնունդ իմն շնորհաց, ոչ ինքեան
 միայնոյ, այլ համօրէն մարդ-
 կան :

Ա՛չ բնաւ երևէր յաշխար-
 հի փրկիչ մարդկան Քրիստոս,
 թէ ոչ նախ երևեալ էր մայր
 նմին արժանաւոր : Եւ ոչ մայր
 այնպիսի արժանաւոր լեալ էր,
 թէ ոչ ըստ մարմնոյ սկսանէր և
 զկեանս շնորհաց, որով միտե-
 լակ ծնանէր յաշխարհ և յիսժ,
 և լինէր բաւական ընծայել յաշ-
 խարհի զիսծային ծնունդն 'ի
 ժամու :

Ա՛ շնորհազարդ ծնունդ կու-
 սիս, նախաշաւիղ լծայնոյ ծնըն-
 դեանն, ընդ որ երկնայինքն ա-
 ռաւել քան զերկրաւորքս հիս-
 ցեալք՝ ցնծութեան կատարեն
 տօնս . թէպէտ և երկրաւորացս
 յաւէտ իրաւամբք անկ է աղա-
 զակել, մանուկ ծնաւ մեզ,
 գուտոր տուաւ մեզ :

ՄԱՍՆ ԵՐԿՐՈՐԳ

ԷՐԱՆՆԵԼԻ ԵՂԼ սուրբ կոյն, զի խանձարրապատեցաւ 'ի շքնորհս, այլ երանագոյն ևս՝ զի եկեաց շնորհօք: Աւարջինն պարգևս առատութեանն այ, երկրորդն՝ ցոյցք մտերմութե կուսին: Ա՛չ կատարեալ էին պարծանք նորս, եթէ զգեղունի շնորհաց ընկալեալ անգստին 'ի ծննդենէ, [Ժողոյր զայն անգործ իբր 'ի ծրարի. կամ չար ևս, եթէ հակառակ գործովք մնայր շնորհազիրի: Ասան որոյ երկօքումք ևս գտաւ նա բազմերջանիկ, երջանիկ 'ի ծնանիլ շնորհօք, երջանկագոյն 'ի կեալ ըստ շնորհաց, 'ի պահել և յաճեցուցանել զշնորհս. առաւել պանծագոյն 'ի պահելն՝ քան յառնուլն զշնորհս:

Աւսո՛ղ, որչափ այլանման է մերս վիճակ, որք ցնծալք ընդ

Ծնունդ կուսին հրաշալի . երա-
նեմք զայն և մեծարեմք , և ոչ
սգամք զմեր ախտաւոր ծնունդ .
ոչ աւաղեմք զանձինս՝ զի մեղօք
ծնեալք , 'ի նոյնս կեալ ախոր-
ժեմք : Սրբեալք միանգամ
չնորհօք սուրբ աւաղանին , բազ-
մադոյն ևս աղտեղանամք նորա-
նոր յանցանօք :

Այ կարգամ անձինս՝ զի
մեղօք եկի յաշխարհ . և ոչ զայն
ողբամ՝ զի մեղօք կեցի յերկար
ժամանակս , զընկալեալ շնորհս
կրկին կորուսի , և եղէ որդի յան-
ցանաց և կորստեան :

Այլ դու , ո՞վ կոյս գերա-
մաքուր , պարզ և ես ինձ այնպէս
տօնախմբել զծնունդ քո , զի
աւաղեցից և լացից զիմ ծնունդ
և զկեանս ախտաւոր :

ՄԱՍՆ ԵՐԲՈՐԴ

Ի ՄԻՏ առեալ զայ մեծա-
պարգևութի առ սուրբ կոյսն ,
վասան եմք թէ ոչ զլանայցէ
ինչ և մեզ նորին միջնորդու-
թք : Եթէ առատացոյց 'ի նմա
զգանձս իւրոցն շնորհաց 'ի ծնըն-
դենէ անախ մինչև 'ի կատա-
րած , զիսորդ խնայիցէ 'ի մէնջ
զմասն ինչ շնորհաց , որ կարևոր
իցէ յանձարաշառութի և 'ի փրկ-
կութի յաւիտենից :

Արդարև ոչ ևս մեզ յուսա-
լի է ' թէ ծնանիցիմք անարատ ,
բայց գոյ յոյս ' թէ սրբոյ կու-
սին միջնորդելոյն կեայցեմք ան-
արատ , զի յաղթիցեմք 'ի փոր-
ձութիս , զի վշտաց համբերի-
ցեմք , զի արխանայցեմք 'ի գրժ-
ուարին վաստակս : որով կա-
տարումն կենաց մեր սրատուա-
կան լիցի առաջի տեառն :

Ո՛տայր , թէ որք խնդամքս

Հոգևով ընդ անարատ մուտ
 կուսին յաշխարհ, ընկալցուք
 փոխարէն՝ զի և նա խնդացէ
 ընդ անարատ ելա մեր յաշխար-
 հէ : Այսմ ցանկամք, ո՛վ շնոր-
 հածին կոյս, քոյով մայրախը-
 նամ պաշտպանութեամք, այսմ
 հանգիպել ակն ունիմք : Աէր
 մեզ մայր շնորհաց 'ի բազմա-
 վտանդ կեանս մեր. զի քե խնա-
 մեալքս և ապրեալքս ընկիցիմք
 յերանաւէա կայանան որդիք
 քո բերկրեալք յանլուծի օրհ-
 նութիւնս :



Ի ՎԵՐԱՅ

ՀՐԱՇԱԿԻ ԱՆՈՒԱՆ

ԱՄԷՆՕՐՀՆԵՍԼ

ԱՅՏՈՒԱԾԱՄՕՐՆ

ՄԱՍՆ ԱՌԱՋԻՆ

ՆՈՔԻՆ սուրբ զգերազան-
ցութիւն հրաշալի անուան ա-
մէնօրհնեալ կուսին յայանա-
բանեաց մեզ 'ի ձեռն Սողոմոնի՝
յասելն . « Իւղ թափեալ է ա-
նուն քո . վասն այնորիկ օրիորդք
սիրեցին զքեզ » : Յայտ արարեալ
թէ անունն Մարիամու գեր 'ի
վերոյ կայ քան զամենայն անուն
յես անուանն Յիսուսի : Վասն
զի զոր օրինակ իւղ յայլ հեղա-
նիւթս արկեալ առ երեսօք կայ :

նոյնպէս անուէն Մարիամու
քան զամենայն անուանս սոսկ
ստեղծուածոց՝ որ յերկինս և
որ յերկրի, բարձրագոյն է և
վսեմական :

Եթէ 'ի գալուստիւն կի՛նացն
հայեացիս տեսանել, յառաջին
տեղւոջն սա կայ գրեալ : Եթէ
զգորութիւն խնդրիցես, ուր այ-
լոց սրբոց անուանք տկարանան,
սա անդ զօրանայ : Եթէ զխոր-
հուրդսն որ 'ի նմա քննել կա-
միցիս, խոստովան լիցիս՝ թէ 'ի
վեր է քան զամենայն անուէն :

Ասան զի Մարիամ ասելով
խմանամք զճնուէդ ոմն շնոր-
հաց, և զգանձարան փառաց .
խմանամք զգուստր ոմն Ագամայ
'ի մայրութի հրաւիրեալ ան-
սահման Բանին . խմանամք զթա-
գուհի ոմն երկրածին՝ որոյ թա-
գաւորութիւն մինչ առ երկնայ-
լինսն ձգի իրաւամբք Թժամայ-
րութեն :

Եւ գու մի՛ ինչ զարմացիս,

ՄԱՍՆ ԵՐԿՐՈՐԴ

Մ ԵՍ է զօրութի անուանն
 Մարիամու, և բազումք են՝ որք
 ճանաչեն զնա. բայց որք սի-
 րենն՝ սակաւք են. վասն զի
 օրիորդք միայն սիրեն զնա: Աւ-
 'ի սիրել զնա պարտ է մերկա-
 նալ զհին մարդն և զգենուլ
 զնորն. պարտ է 'ի բաց թօթա-
 փել զծերութի մեղաց, և նո-
 րոգիլ մանկութեամբ շնորհաց.
 պարտ է լինել առոյգ հաւա-
 տով, ջերմեռանդն սիրով, յօ-
 ժարակամ 'ի հնազանդութի,
 և սիրող պարկեշտութեան:

Թէ կորացեալ է ոք 'ի սէր
 երկրաւորաց, զառամեալ է հոգ-
 ւով. պարտ է նմա զխորհուրդս
 և զեղծս 'ի վեր յերկինս ուղ-
 զել. որով լիցի օրիորդ հոգւով,
 և սիրող Մարիամու: Արդ գու-
 յորո՞ց սակի իցես արդեօք,
 Գուցէ զթերութիւնս հոգւոր

5-0526

զառամու թեանն յանձին կրես .
 վասն այսորիկ ոչ սիրես զՄա-
 րիամ . վասն այսորիկ կարդաս
 առ նա, և ոչ օգտիս : Ասլա ջանա
 նախ զէջ նորա ունել 'ի սրտի, և
 ապա զանուն նորա 'ի բերանի :

ՄԱՍՆ ԵՐՐՈՐԴ

ՅՈՐԺԱՄ ընթեռնում, թէ
 « Յանուն Յիսուսի քրիստոսի
 ամենայն ծունր կրկնեսցի » ,
 ընդ նմին իմանամ, թէ և յանուն
 Մարիամու ամենայն ծունր
 կրկնեսցի . վասն զի հաւասարմ,
 թէ որով ինքն Յիսուս փառա-
 ւորի, նովմաք և զմայր իւր փա-
 ռաւորէ : Յիսուս և Մարիամ
 'ի կոչմանն այո՝ տարբերին, այլ
 'ի զօրութեն քաջ միաբանին :
 Յն է կատարիչ փրկութե, և
 Մարիամ 'ի նոյն գործակից :
 Յն է քառութե սրտաճառ . և
 Մարիամ քառութե առիթ : Յն
 է վշտացելոց սարաւէն . և Մա-

րիամ տառապեւոց ձեռնառու :
 Յս է նաւապետ յաշխարհի նաւ-
 լողացս, և Մարիամ աստղ ա-
 ռաջնորդական : Յս է ճրագ ար-
 քայութեան, և Մարիամ զարդ
 արքայութեան :

Ասան այսորիկ 'ի յիշատակ
 անուանն Մարիամու փառաւո-
 ըի ամենասուրբ Երրորդութի .
 խնդայ համօրէն եկեղեցին յաղ-
 թական, պատերազմի քաջու-
 թք եկեղեցիս զինուորեալ . մխի-
 թարին յուսով արգելեալքն
 'ի քաւարանի . և գեք փորձիչք՝
 իբրև գողք գիշերի գողան փախ-
 չին 'ի ծագել լուսապայծառ
 անուանն Մարիամու :

Ապա կարգա՛ զՄարիամ 'ի
 փորձութե քում, և յաղթեա-
 ցես . 'ի հիւանդութե, և համ-
 բերեսցես . յանկանիլն, և կանգ-
 նեսցիս . 'ի մահուն քում, և
 մեռցիս 'ի շնորհս, և եղիցի բա-
 ժին քո ընդ ընտրեալան 'ի սկզբ-
 բանէ : Բայց կարգացես մի

լեզուաւ և եթ, որով զօղս մի-
այն բաղխես. այլ և սրաիւ, ո-
րով զիշխանութիւնս օգոյ փա-
խուցես :

Եւ անուն կուսին Մարիամ :
Ղ. 27 :

Լաւ է անուն բարի քան ըզ-
մեծութի բազում : Ա. 1. 17. 1 :

Օրհնեալ ես դու դուստր՝
յոյ բարձրելոյ քան զամենայն
կանայս 'ի վերայ երկրի . . . զի
ոչ սրահասեսցի անուն քո 'ի
մարդկանէ : Յ. 7. 24. 23. 25 :



Ի ՏՕՆԻ ԸՆԾԱՅՄԱՆ

ՍՐԲՈՅ ԿՈՒՍԻՆ

ՄԵՍՆ ԱՌԱՋԻՆ

ԸՆԾԱՅԻՑ խակութի և անուան
 ոչ որպէս առ մարդիկ նոյնօրի-
 նակ և առ լոծ խմանի: Ընծայէ
 մարդ այլում մարդոյ ոչ զնո-
 րայն ինչ, այլ զիւրն՝ ձրիական
 յօժարութի: Բայց առ լոծ
 զինչ ընծայել կարիցէ մարդ՝ որ
 ոչ լայ իցէ տիրաբար: Զլայն լայ
 տալ՝ ըստ ճշգրիտ սահմանի տրի-
 տուր միայն է: Սակայն առ ա-
 մէնառատ գթութին լայ իբրև
 ընծայ պատուեցաւ սակս հա-
 լատարմութե առողին՝ խոստո-
 վանելով թէ ոյր է շնորհ:

Այսու օրինակաւ ընծայա-
 բերք առ լոծ գովեցան համօրէն

ընտրելոցն դասք • բայց զանա-
 զանու թի է 'ի նոսա ըստ չափու
 հաւտտարմու թեանն : Առ ինչ
 արդեօք զտիրամօրն ընծայու մն՝
 քան զայլոց սրբոց յանուանէ
 տօնախմբել : Այսն զի քան զբը-
 նաւնն առաւելաւ նա 'ի հաւա-
 տարմու թէ, վաղ ընծայելով,
 բովանդակ ընծայելով, յաւէ-
 ժաբար ընծայելով : Ընդ բա-
 նաւօր կեանս նորա և ընդ
 ընծայումնն ոչ միջնորդեաց ժա-
 մանակ • անդէն 'ի ճանաչել
 զանձն՝ ծանեաւ թէ ոյր է, և
 ում պարտի • այն է՝ Իյ, և նմին
 խկ ընծայաբերեցաւ : Ա՛ մա-
 տաղատունկ սիրաչի, անդէն 'ի
 բուսանելն պաղաբերող :

Իսկ գու եղեր արդեօք ըն-
 ծայաբեր Իյ, այլ քան թի անա-
 գան, գուցէ և թշնամու ոյն Իյ
 նախընծայ գտեալ : Ա՛ վառունկ
 անհաւատ, ոչ պաղաբերեալ
 անկողին՝ բայց կամ անագան,
 որ ահամայու թէ է նշանակ, և

կամ թշնամեայն ևս, անդգա-
մաւ թեան ցոյցք :

ՄԱՍՆ ԵՐԿՐՈՐԴ

Ո՛ր բաժին արար կոյսն հա-
ւատարիմ 'ի մատուցումն ըն-
ծայլցն : Չոր յից ունէր՝ ըն-
ծայեաց բովանդակարար . և զի
զամենայն յից ծանեաւ, զա-
մենայն նուիրեաց . ո՛չ պա-
հեալ անձին՝ բայց զչունելն ինչ :
Որ ինչ էր 'ի նմա ըստ բնութե
և ըստ շնորհի, որ մարմնոյ և
որ հոգւոյ, կարողութի իւրա-
քանչիւր և կիրառութի նոցա,
կնիք զայս կրէր թէ ցոյ եմ ես :
Ո՛չ երբէք երևեցաւ յՆրուսա-
դէմ ընծայ այսպիսի լիաձեռն և
ամենապատիկ իբրև զմատու-
ցեալն 'ի թագազարմ օրիորդէս :

Ո՛վ, երանի՛ էր՝ եթէ և մեր
ընծայումն առ Խժ՝ զոր արա-
րաքն անագան, լինէր գոնէ բո-
լորական . ոչ ըստ մասնեայ, ո՛չ

խարանօք, զանարգն տալով իջ,
 և զլաւն անձանց պահելով: Ո՛ր
 ամօթ ոչ իցէ, զմեծ մասն մեր
 նուիրել ունայնութե՛ն, և առ
 իծ ճշգել գուզնաբեայ տրովք:
 Խորհուրդք մեր և յօժարու-
 թիք և դործք և ժամանակ կէ-
 նաց առաւելագոյն մատամբ ընդ
 երկիր յածին, և սակաւն մնա-
 ցեալ աննուիրելի իջ լինի սակս
 անարգութե՛ն: Ո՛ր արարն զքեզ
 բովանդակ, պահանջէ զքեզ
 բովանդակ:

ՄԱՍՆ ԵՐՐՈՐԴ

Էթէ զևտական քահանայ-
 ութիւնն ժամանակաւ սահմա-
 նեալ էր օտար պատարագաց
 նուիրագործող, ո՛չ այնպիսի է
 անձնանուէրն: Կոր այս քահա-
 նայուհի եղև մշանջենաւոր,
 ինքն մատուցող և մատուցեալ:
 Սկիզբն և կատարած կենաց նո-
 րա մի պատարագ և նուիրումն

անընդհատ : Արչափ յաճախէին
 'ի նա պարգևք ից , նովին չա-
 փով գառնային առ իծ . եր-
 կաքանչիւրն անզեղջ 'ի պար-
 գևան . իծ 'ի տալ , կոյսն յըն-
 ծայել :

Կամեցաւ ից առատութիւնն
 յաղթել հաւատարմութեան օ-
 բիորդիս , մեծարելով զնա ոչ
 սոսկ արարածական ձրիւք , այլ
 զիւրն անստեղծ մեծութի՛ն զիս-
 կակից Արդի ընտանեցուցեալ
 նմա : Այլ բա՛րէ . փութացաւ
 և կոյսն նախանձաւոր ից առա-
 տութեանն երևել՝ զնոյն Արդի
 ընծայաարեալ ից 'ի տաճարին
 ցնծութի՛ք , 'ի խաչին ցաւօք , և
 յերկինս փառօք :

Իսկ արդ եղա՛ք և մեք անզեղջք
 'ի նուիրման մերում առ իծ . ո՛չ
 ահա բազում անգամ զփոքրն
 իսկ , զոր տուաք ից , անգրէն
 յետս առաք՝ յոչ հաճոյս նորա
 վարելով : Իսոստացաք ից զկամս
 մեր , այլ ըստ մերում մօտի 'ի

կիր առաք . խոստացաք զմարմին
մեր , այլ յանձնդիւրութիւն
տուաք . զինչս և զպատիւ խոս-
տացաք , այլ զի մի' այնք մեզ
պակասիցեն , հնարիմք վաստա-
կիմք : Մի' ապա զարմանար' թէ
'ի տրոց ւոյ թերի գտանիս . զի
Ճշգով սերմանողն՝ Ճշգով և
հնձէ :

ԱՂՕԹԲ

ԱՅՆ արդ պատկառեալ ան-
ձամբք ողբամք յանգիման զար-
մանահրաշ քում օրինակի զան-
չնորհութիւնս մեր , ո՛վ կոյս
մեծարեալ առ յւոյ , և մեծա-
ցուցիչ նորա հաւատարիմ ըն-
ծայատրութիւն : Ընկալ և վասն
մեր գոյզն ինչ 'ի քումմէ առա-
տութէ , զի լինիցիմք և մեք հա-
ւատարիմք պարգեւացն ւոյ : Ե-
թէ ցարդ անադան եղաք ւոյ և
կամ թերակատար , գոնէ յայսմ
հետէ լիցուք բովանդակ ւոյ , և
միշտ ւոյ :

Եւ զի անսխալ կատարեցին
 ինդիրքս, ահա զանձինս մեր
 ընծայեմք բովանդակ քումդ
 մայրագորով ընդունելու թեան,
 որով և ից լինիցիմք բովան-
 դակ. քանզի գիտեմք հաւաս-
 սի՝ զի որ ինչ միանգամ քո լի-
 նի, զամենայն վերընծայես ից.
 Իմա սգահես առանց յետս դառ-
 նալոյ, և փոխարէն առնուես վասն
 նորա զփառան յաւիտենից:



Ի ՏՕՆԻ

ԱՒԵՏԵԱՅ

ՄԱՍՆ ԱՌԵՋԻՆ

ՊԱՏԳԱՄ հրաշանորոգ յեր-
 բորդականն աթուոյ հասանէ
 առ հրեշտակապետն Գաբրիէլ
 աւետաւորել յունկն օրիորդ
 հուսի Մարիամու : Խորհրդոյն
 յաւիտենից ծածկեցելոյ առ
 ւնյ՝ եկեալ հասեալ ժամանակ
 յայտնութեն, բանայ այնու-
 հետե կնիք երկնաւոր խորհրդա-
 բանին : Աճութեանն հրովար-
 տակ անտեսութեան մերկանայ
 սու վերնական իշխանութիւնս .
 ձայն բառնան երկինք հիաց-
 մամբ, և զսպառօքամաւորն՝ ի կա-

տարուսն հրամանին փութա-
ցուցանեն :

Արագէ սրանայ հրեշտակն
Թեօքն զուարթացելովք . և ող-
ջոյն բերկրաձայն 'ի բերանի'
դայ մեծարանաց դիմօք՝ յան-
դիման լինի ընտրեցելոյ կուսին :
Ահաւասիկ ան խօսեցաւ 'ի բար-
ձանց , և երկնագուստ ատեանն
բովանդակ յակճիւս կայ՝ զպատ-
դամին առնուլ պատասխանի :

Իսկ առ 'ի կուսէն զի՞նչ : Ոչ
բարբառ . ոչ ցնծութեան ինչ
նշանակ . այլ բերան լռեալ,
միտք 'ի վարանա : Բայքէ , յա-
ռաջագոյն երկինք լռէին ըզ-
խորհրդոյս . և արդ 'ի բարբա-
ռել երկնից՝ կոյսն լռեալ կայ :
Լռութիւն ոչ անխորհուրդ , ոչ
վայրապար երկիւղիւ . այլ ըզ-
բանան կշռէ զողջունին , և ընդ
այն խռովի կուսականն նորա
սրբասիրութի , որ քան զհրեշ-
տակի պատգամախօսութի ար-
դոյ ևս էր նմա :

Հանդարտել փութայ հրեշտակն զերկեղական խորհուրդս հուսին, եղեալ առաջի՝ թէ վիճակ սահմանեալ է նմա գերօրինակ շնորհօք՝ լինել ծնող Արդւոյ բարձրելոյն, որում կայ թաղաւորել յաւիտեան : Այլ կոչսն իմաստուն ոչ ՚ի թագաւորութի ակն եղեալ, ընդ ծնողութեանն ձայն վարանի խառվեալ : Չխորհ. եթէ մայր լինիցիմ, ասէ, առանց հուսութե, այդ չէ ինձ ընտրելի. այլում պահեսցի և մայրութիւնն և զընտրութիւն :

ՄԱՍՆ ԵՐԿՐՈՐԴ

ԱՐԴԱՐԵՒ՚ի վերջան զհիացունն է բանս, հուսի դեռահասի խորհրդակից կոչել անութեանն գաղտնեաց : Սքանչանայ և հրեշտակն պատգամաբեր ընդ հուսականն վէհ իմաստութիւն, և զյեղանակ անտեսու-

Թեանն բանայ ըստ հարցմանն .
 լինել նմա մայր ոչ մարմնապէս
 'ի կամաց առն , այլ հոգւոյն
 սրբոյ ներգործելովն ըստ անտը-
 կար զօրութեան բարձրելոյն :

Ընդ բանիս խաղաղացաւ ա-
 պաքէն հանգարտեաց կուսա-
 կանն ամօթխածութիւն . բայց
 նոր յուզումն հարեալ յամենա-
 խոնարհ սգին , տատանէր վարա-
 նէր՝ եթէ անհամեմատ բարձ-
 րութեանն յանձնառօղ սրպէս
 եղիցի : Այլ արագ 'ի վերայ
 հասեալ ամենանուէրն հնազան-
 դութիւն , ետ նմա զհաւանու-
 թէն պատասխանել . Եղիցի ,
 սակ , ինձ , աղախնոյ տեառն ,
 ըստ քումդ բանի , լինել ինձ
 մայր , մնալով որպիսի եմս կոյս
 և խոնարհ աղախին :

Այսպէս 'ի գլուխ ելանելով
 պատգամաւորութեն , 'ի բաց
 գնայ հրեշտակն պատկառանօք ,
 տեսեալ զի ընդ բանալ կուսա-
 կան բերանոյն , տաղաւարեցաւ

յարգանդի նորա թագաւորն ,
որում եղեն յառաջընթաց ա-
ւետաւոր :

Ո՛վ , զի՞նչ է զոր լսեմքս և
զոր խօսիմք առանց խմանալոյ :
Մատեան արդարեւ կնքեալ .
զոր ոչ և գրագէտն երկնից
հրեշտակն ընթեռնուլ կարող
է , թող թէ մարդ երկրաւոր
անգրագէտ : Ո՛վ անքննին խոր-
հըրդոյն , որ այսօր ոչ յայանե-
ցաւ միայն , այլ արդեամբք ա-
ւարտեցաւ 'ի կոյս մատաղ ,
յաննչան քաղաքի 'ի Նազա-
րէթ , որպիսի և ոչ յերկինս
անգամ երևեալ բնաւ հրաշա-
կերտութի , բայց յիծային ևեթ
'ի ծոց հայրական :

Սա կոյս մատաղ ցուցաւ ար-
դարեւ անժամանակն արգանդի
ծանուցող ծննդեանն , կուսու-
թք իբրև զնա , զնոյն Արդի միա-
ծին՝ բանիւ լոկով ծննդագոր-
ծեալ : Եղիցի սակրոյն . եղեալ
իծամայր առանց իւրն փոփո-

խելոյ . որպէս և ի՞ծ Հայր ան-
յեղապէս ծնեալ : Բարձրանայ
յանչափա , ոչինչ մեկնեալ յիւր-
մէ խոնարհութենէ . խոստովա-
նի զմեծամեծսն հզօրին յոյ ընդ
ինքն ներգործեալ . այլ զորքա-
նութին ոչ և ինքն իմանայ :

ՄԱՍՆ ԵՐՐՈՐԻ

Եթէ ընդ անզուգական մե-
ծութի ի՞ծամօրն հիանալ մի-
այն կար է մեզ և պատուարա-
նել , այլ ոչ հասանել , և ոչ
նախանձել , բայց է յուսալի՝
եթէ կամիցիմք նախանձ բերել
ընդ հրեշտակականն պատիւ ,
կցորդ նորա պաշտօնակալու-
թեանն լինել :

Աղէ՛ առեալ և մեր զառ ՚ի
նմանէ երգեալն ողջունաբեր ա-
ւետիս , մատիցուք նայապէս
պատկառանօք առ գերապա-
տուեալ տիրամայրն , աւետաւո-
րելօրհնաբան ցնծութի՛ ոչ թէ

մայր երկնից արքային լինիցի,
այլ թէ եղեալ իսկ է, և բարձ-
րացեալ վերոյ քան զերկինս :
Մանաւանդ զի և համարձակա-
գոյն քան զհրեշտակա ունիմք
պատճառս պատուասիրելոյ զա-
մէնօրհնեալն օրամայր . որչափ
զի նորա մեծարեն իբրև պաշ-
տօնեայք, իսկ մեք նա և որդիա-
բար, եղեալք ՚ի ձեռն միածնի
իւրոյ որդիք ոչ լոկ աւետեաց,
այլ ցաւագին երկանց :

Երգարանեցուք առ նա
պատկառեալ գիտօք իբրև առ
Թագուհի երկնաւոր, և սրտիւ
բերկրեցելով իբրև առ մայր
բարեխնամ : Բայց վայ, եթէ
անպատկառասպէս և անմար-
դու թք ՚ի բերան անուցումք
զօրհնութիւն նորա . զի ոչ ասպա-
քէն օտար խոտութե պատ-
ճառս ասմք նմա անմեծար ող-
ջունիւն, և ՚ի բաց վարիմք յե-
րեւաց նորա իբրև անարգուք
փառացն և սիրոյն :

Ո՛ր ընտրեալք 'ի մարդկային
 զարմէ, կոյս ամէներջանիկ, որ
 անճառաշնորհ սարգևօք ամ-
 բարձար այսօր յանհաս բարձ-
 րութի անճային ազգակցութիւն :
 Ահաւասիկ ցնծացեալքս յօր
 մեծի աւետեաց քոց կամք ա-
 ռաջի մեծութիւն քո, և հայցեմք
 թախանձանօք մասն բարեաց 'ի
 քումմէ լրութենէ, ոչ զանհա-
 զորդականն մեզ բարձրութիւն,
 այլ յանխախտելի քո կուսու-
 թենէդ զմաքրութիւն սրտի, և
 յանայլայլակ խոնարհութենէդ
 միտս անհպարտս : Ասան զի
 յուսացեալ ակն ունիմք թէ եր-
 կոքումքք այսու լինիցիմք ար-
 ժանի օրհնաբանել զքեզ և փա-
 ռաւորել ընդ միածնի Որդւոյ
 քո յաւիտեան :

ԿԱԹՈՂՈՍՈՒՆ ՍԷՐ

Տ Ի Ր Ա Մ Մ Օ Ր Ն

Ա Ռ Մ Ա Ն Կ Ա Յ Ե Ա Լ Ն

Յ Ի Ս ՈՒ Ս

Մ Ա Ս Ն Ա Ռ Ա Ջ Ի Ն

Եթէ հրաշափառագոյնն 'ի սքանչելիս անխոստովանիմք կուսի անփորձականի լինել մայր Ճշմարիտ, զոյգ նմին հրաշալի արդարե կրել 'ի կուսական սրաի զգորով մայրական. և գորով այնչափ ևս եռանդուն քան զմարցն առ 'ի մարդկանէ, որչափ քան զբնաւորն՝ գերազանցեալ է անժագործն այն մայրուԹի անախտական :

Մինչ չև յղացեալ զմանուկն
 յարգանդի, նկարեաց զնա 'ի
 միտան հաւատովք. ընտրեաց
 զնա փափաքմամբ. 'ի սիրտ իւր
 հրաւիրեաց. ընդարձակեաց ըզ-
 քերանն՝ եղիցի կարգալուին :
 Եկն էջ ցանկացեալն, ընկալաւ
 զնա, ծրարեաց յարգանդին .
 կերպարանեցաւ ծնունդն ան-
 նման :

Ահա ոչ ըստ բարբառոյ այ-
 լոց մարց ունէր նա զՀամու-
 նեայն երկրորդել առ նորա-
 ծնեալ իւր. « Չգիտեմ ո՞րպէս
 երևեցար յիմում արգանդի » .
 ուր ինքն նախ գիտաց զնա,
 զորպէսն ծանեաւ, հաճեցաւ և
 ծնաւ :

Ո՛ւքանչեւ լահրաշ մայրութի
 կրկնակի՝ մտօք և մարմնով. և
 երկաքանչիւր անապական կու-
 սութիք. և երկոքին ոչ ժամա-
 նակաւ 'ի լրումն եկեալ, այլ
 ասաց և եղև :

Մի ապա 'ի խանձարուրան

հայեր, որովք 'ի մարի հանգոյց
զճնեալն, այլ թէ զհարգ յաղիս
գթոցն պարասանդեալ՝ առ սրբ-
տինն զնա հանգուցանէր : Ո՛վ,
որպիսի համբոյր գորովոյ, որ
գգուուին, որ փարելի խանդա-
ղատանք :

ՄԱՍՆ ԵՐԿՐՈՐԵ

ՀԱՅԵՐ տիրամայրն 'ի կու-
սածին իւր Որդի՝ իբր միակ
զուարճութի սրտի իւրոյ, իբր
միակ խորհուրդ մտացն, միակ
լոյս աչացն : Զինչ առ նովա-
արե միջօրէի, կամ բնաւ արա-
րածոց տեսութիւն, յանգիման
իւր ունելով զմիայն ծնունդն 'ի
միայնոյ արգանդէ : Որ իւր էր
բովանդակ, և ոչ այլում մար-
դոյ . նա միայն իւր, և եղբայր
այլ ոչ . յոր միայնում պահեալ
իւրն գոյութի, և ոյր վասն մի-
այն եկեալ էր յաշխարհ :

Զորդի մի այսպիսի զինչ այլ

ուներ նա ճանաչել և անուանել. բայց սէր իւր, որով հաւելին և լուծանէր համակ՝ կեալ զի կեանս սիրոյ: Աստեամբքն զնա հանգուցանէր, զգորովքան թէ կաթն ջամբելով, և փոխարէն զեռանդն առ ՚ի նմանէ յինքն ծծելով:

Ո՛վ, զհարգ գորովայր ՚ի խաղապատել որդւոյն, յորժամ փափկիկ մատամբքն ՚ի գէմս մօրն զհրճուանացն փթթեցուցանէր վարդս: Եթէ ննջէր նա քաղցրիկ առ ծոցին, մայրն հոգիագրկեալ զսիրոյն ննջէր քուն, որ միշտ է արթուն: Թէ լայր նա երբէք առ ՚ի պէտս տըղայութեն, ո՛վ, զհարգ աղետանայր մայրն առ ՚ի գիւրեւոյ անխօսուն վշտացն. թէ յօրոցի գնել, կամ թէ ՚ի դիրկա բանալ, և կամ այլ սփոսփումս տըղայական մատուցանել:

Չամենայն խնամս նմին արգահատէր, զամենայն հոգայր:

'ի նոյնս քաղցրանայր . ընդ
քաղցրանալն և քաղցնոյր . ան-
յազ 'ի փայտայել , կաթոգին
'ի սչնուլ , անմեկնելի միշտ ,
որպէս թէ շունչ իւր է :

Կալայ զնա և ոչ թողից . այս
նորա մըմուռնջ 'ի սրտին . և գու-
խմա՛ սովիմք զխորհուրդ աւե-
տարանագիր բանին յաղագս մո-
գուցն երկրագագուաց ասել ,
թէ մտեալ 'ի տուն՝ տեսին ըզ-
մանուկն Մարեմաւ հանգերձ
մարբն . վասն զի չէր և չէր հնար
վայրիկ մի բացեայ զմայրն գտա-
նել 'ի անարից որդւոյն :

ՄԱՍՆ ԵՐԲՈՐԴ

Եթէ 'ի հնոց անդր մայրա-
գորով սիրոյ տիրամօրն հպա-
գոյն ևս մատչել ըղձանաս , կացն
զուշ մտացդ 'ի սրտի նորա խոր-
հրդարան , և ահա տեսանիցես
բոց բարձրացեալ վերոյ քան
զամենայն երկինս : Մանուկ այս .

օրածինն 'ի գիրկա իւր տանի ,
այլ գիտէ՝ զի սա այն է , որ
յանքնին ծոց յաւիտենից հօր
խնուածեամբ կայ հանգուցեալ ,
իւր և նորա համարուն Որդի
միակ - անդ Բան մշտնջենաւոր ,
և առ ինքեան՝ տղայ անխօ-
սուն :

Ձոր ձեռօք ինքն շոշափէ և
իննամարկէ այն է՝ որ զտիւզերս
ամենայն և զմայրն ինքնին 'ի
բռին տանի զօրուծիք : Ար տղայ-
աբարն լայ , նա 'ի սրովքէից
պաշտի սրբաբանեալ : Նուաս-
տացեալ՝ և անչափ 'ի բարձրու-
թէ . կաթնասուն՝ և հրեշտա-
կաց կերակրիչ :

Այսպիսում գաղտնեաց գո-
լով նա տեսող , ո՞ր սիրոյ բըռ-
նուծի ոչ տիրէր նմին՝ 'ի բնու-
թէ ներգործեալ և 'ի շնորհաց-
զի յորմէ պատկառելն հարկ էր
սարսափմամբ , փարիլ զնովաւ-
սախտի . ընդ ծունր կրկնելոյն՝
համբոյր տալ սիրասպասար . ԸՂ

տէրն ԿԳՈՒԷԼ որդիաբար, զա-
մենախնամիչն յանձանձէլ. ա-
ղախին ինքն՝ մայրօրինակ հրա-
մայել:

Արդարեւ ոչ բաւեաց և տի-
րամայրն հանդարտել ցնծութե-
սրտին, աղաղակ օրհնառաք յեր-
կինս արձակեալ. « Զնծացաւ
հոգի իմ յի՛ծ փրկիչ իմ. քան-
զի մեծամեծս, ասէ, արար ընդ
իս » . և այնչափ մեծամեծս,
որչափ փոքրկացեալ յարդան-
դի, եղև առաւել սիրելի նը-
ւատուի՛ն՝ քան մեծութեանքն
ահաւոր. առաւել սիրուն իբր
մանուկ տկար քան ի՛ծ հզօր:

ԱՂՕԹԻ

Ե՛ւ արդ պաղատիմք՝ և առ-
մեզ դարձուցես, ո՛վ մայրդ
սիրոյ, զգթոյ քո հայեցուածս.
առ մեզ՝ բնաւին անարժանքս,
բայց առաւել կարօտեալք մայ-
րենի քու՛մ խնամարկութեան:

Պատկերակիցս լինել արժանա-
 ցաք ամենափափաքելի քոյոյ
 Որդւոյդ . ոչ խնայեաց նա 'ի
 մէնջ զկնիք իւր և զանուան,
 գրեալ զմեզ յիւր եղբարս և
 քեզ որդիացեալս . միթէ խնայի-
 ցե՞ս դու 'ի մէնջ զառ նա սէրն .
 զի գթալդ 'ի մեզ՝ նմին խակ
 համարեալ է . եթէ խնամար-
 կես , եթէ սփոփես , եթէ հան-
 դուցանես զմեզ , նմա առնես
 զամենայն :

Ազէ սիրեա՛ զՈրդիդ քո և 'ի
 մեզ որդէգրեալքս կուսական
 քո մայրութե՛դ , և շնորհես՛ մեզ
 սիրելանարատու թեամբ զմայրդ
 երկնաւոր հանդերձ Որդւովդ
 սիրելեալ այժմ և յաւիտեան :

Ի ՏՕՆԻ

Պ Ա Հ Տ Պ Ա Ն Ո Ի Թ Ե Ա Ն Տ Ի Ր Ա Մ Օ Ր Ն

Մ Ա Ս Ն Ա Ռ Ա Ջ Ի Ն

Օ ի՞ դու, զի՞ քեզ, անձն
 իմ. հիմ կաս վշտագնեալ.
 ուստի՞ քեզ տագնապք իցեն:
 Հանգիստ ապաքէն խնդրես և
 սրտի գիւր և կեանս աներկե-
 լան. այլ փոխանակ՝ հոգք և
 հեծուիք և երկիւղ անհանգիստ
 զքեզ առնեն: Ասես, և զիարդ
 ոչ. եթէ իցէ՞ մարթ անգորր
 գտանել՝ ի բազմապատար կեանս
 աղցաւոր, ուր ամէնուստեք յա-
 ճախուածի վտանգաց՝ ի հոգի և
 ի մարմին, բարեաց նուազու-
 թի, չարիք կարևորք ընդաբոյսք,
 թշնամուծի երևելի և աներև-
 ոյթ, արկածք գժպատեհք:

վիշտք և ցաւք՝ ի բնէ և ՚ի մարդ-
կանէ . իսկ այսր ամենայնի կա-
տարած՝ անյայտ և կասկածելի :

Այլ մի բեկանիր ոգւով,
տարակուսեալ դու . կայ քո ա-
պաւէն զօրութի : Չաչսդ տա-
տանեալ կառն ՚ի ձեռս տիկնոջ
քո՝ որ ՚ի դրանց երկնից հասեալ
կայ սրաշտպան քեզ յամենայնի :
Ահա երկնաւոր թագուհին , ա-
հա մայրն ւայ , ահա տարողն զօ-
րութի բարձրելոյն , ահա որ
առատն է գթովք յինքն առեալ
զքո խնամս՝ գիտէ զինչ պէտք
իցեն քեզ . զօրաւոր է առ ամե-
նայն , կամեցող առնել զամե-
նայն :

Եթէ վհատիցիս այլ ևս , եթէ
երկիցե՞ս ՚ի չարէ՝ առննթեր ու-
նելով զամենայն բարեաց վե-
րածնողն : Խոստացաւ քեզ
զիւրն սրաշտպանութիւն , մի թէ
երկբայիցիս : Աչ պակասէ նա ՚ի
խնամոցն . մի և դու պակասիր
՚ի յոյսն :

ՄԱՍՆ ԵՐԿՐՈՐԴ

ՊԱՏԵՐԱԶՄ դժնեայ նիւթէ
քեզ սատանայ՝ մարտակցութիւն
աշխարհի և մարմնոյ . ներքոյ
աղէտք կարևորք , և արտաքոյ
պատճառք խոտորեցուցիչք նե-
ղեն զքեզ՝ իբրև զբանակ Սիա-
րայ : Բայց լքանիր մի . լեր դու
Բարակ . 'ի Դեբորայ 'ի մայրն
Իսրայէլի կայսն զաչսդ՝ յառաջ-
նորդ մարտին . և անդէն բանակն
դիւախու մք ընդ ռախլք խորտա-
կեսցի վասնեալ 'ի սպառ . և
ընդարձակեսցի բերանքոյերդս
օրհնութեան :

Եթէ չարիք մեծամեծք կա-
րեօք 'ի քո վերայ հասանիցեն՝
սովոյ և աղքատութիւն , նախա-
տանաց և հալածանաց , իբր 'ի
Հողովեռնեայ գողցես սաշա-
րու մն ամենավարան կրեչով , մի
խուճապիր , վստահ լեր 'ի Յու-
զիթ՝ 'ի բարձրութին Երուսա-

դէմի . բաւական է նորա ձեռն
միայն տալ յաղթութիւն տկա-
րիդ ընդդէմ հզօրաց բազմաց :

Որոգայթ քեզ 'ի մարդոց
Թշնամեաց գործեսցի արդեօք
'ի տուգանս կենաց , կամ համ-
բաւոյ , կամ ստացուածոց : Այլ
զի՞նչ ըմբռնել կարիցէ , ուր
մերձ անթուոյ երկնից արքային
կայ Եսթեր՝ բարեխօս քո և ա-
զատարար և վրէժխնդիր : Կամ
որոգայթն փշրեսցի , և կամ
ինքնին որոգայթագիրն 'ի նոյն
անկանիցի՝ զօրէն Համանայ :
Մեծազօր քան զԵսթեր ունիս
քեզ պաշտպան , որ ոչ հարսն
է միայն բարձրեալ արքային ,
այլ և մայր և յանձանձիչ : Նու-
րին աղերսարկութիւնք են մօր
սիրելւոյ հրաման առ որդի կա-
մակատար :

ՄԱՍՆ ԵՐՐՈՐԴ

ԲԱԶՄԱՄԵՂ գոլով 7 ու առ
եւծ , գիտեմ զի յերաւի տան-

Ջիս 'ի խղճէ . առաւել քան
յայլ պատճառաց՝ 'ի դատա-
տանաց ւոյ զարհուրիս . ընդ ան-
ցելոց մեղացդ և վասն առաջա-
կայիցն կասկածես . ընդ յա-
ճախ ասպաշնորհութեցդ անյոր-
ես ներողութե անգամ գտա-
նել ժամանակ , թող թէ ըզ-
գաստութե և բարեգործութե :

Ո՛հ , արդարեւ այդ քան զա-
մենայն դառնագոյն է և երկե-
ղագին . բայց մի թէ անյուսալի :
Ունիս քեզ աւասիկ առաւել
քան զԱբիգեա շնորհաբան յո-
ղոքել , առաւել քան զթեկուա-
ցին հանձարեզ 'ի ցածուցանել
զարդար զցասումն երկնից ար-
քային : Ո՛չ պիտոյ են քու՛մ
պաշտպանիդ բանք բազումք՝
արգահասել քեզ ողորմութի .
բաւական է զիւր վէրս սրտին
և զՈրդւոյն խոցուածս յանդի-
ման առնել ցասուցելոյ դատա-
ւորին , ողոք արկեալ . Յիս ահա
ընկալայ զձեանն , ես առ դորա

մեղացն վերաւորեցայ. մահու-
չափ երկամբք ստացայ զդա ինձ
որդի. մի՛թէ զբիցիմ ՚ի ժա-
ռանգութէս. ՚ի զո՛ւր ինչ լի-
նիցին իմ արտասուք, և արիւն
Որդւոյս վանն դորա փրկութե՛
հեղեալ:

Ա յապիտում ողորանաց ան-
հնար է բարեգթութենն ւոյ երեսս
դարձուցանել. այլ խոնարհի
յաթոռոյ անտի արդարութե՛,
դայ յողորմութեան դուռնն,
դիրկս արկանէ քեզ պարտաւո-
րիդ. զՏփանս մեղապարտ ող-
ւոյդ փոխարկէ յորդխականն
խաղաղութիւն:

Հանպա, թէ մեղաւոր ես դու,
քաջալերեաց. զի պաշտպան քո
ապաստան է մեղաւորաց. և ա-
ռաւել մեծանայ յարդարանալ
քում՝ քան ՚ի փառաւորիլ.
այնու եղև նա մայր ւոյ, զի լի-
նիցի մայր փրկողին. երկրոր-
դաւս՝ զփառս առաջնոյն յա-
ճախեաց:

ԱՂՕԹԻ

Եւ արդ ընդ հզօր քով պաշտ
պանու թեամբ հովանաւորեալ,
սիւ ախրածին մայր բարեխնա
մօղ, զինչ այլ իմիք հոգայցեմ
այսուհեակ, բայց միայն ՚ի քեզ
ընկենուլ զհօգս իմ զամենայն:
Շնորհ ունիմ բարեգորով քո սի
րոյդ, զի մտադիւր ՚ի քեզ ըն
կալար զխնամս անարժանիս .
մանաւանդ երկիր պագանեմ
անճառ գթութե փրկչին իմոյ
և տեառն, որ հաճեցաւ զիւր
զմիակ սիրելի զմայրդ կարգել
յիմ պաշտպանութի: Արդւոյդ
շնորհելովն, և քո յանձն առնը
լով զառ իս խնամատարութի,
առ քեզ պաղատիմ յուսացեալ,
ցոյց զզօրութի քո ՚ի ակարու
թես իմում. լուսաւորեա՛ զտգի
տութիւն իմ քոյով խնաստու
թբ. մաքրեա՛ զաղտս հոգւոյս
անարատութբ քով:

Ի վիշտս գո՛ւ շէր ինձ մխի-
թար. թէ անկանխմ, կանգ-
նեա՛. թէ կանգնիմ, պահպա-
նեա՛. 'ի պահպանելզ՝ խրախու-
սեա՛ յառաջել 'ի լաւագոյնան .
և զգնացս իմ կնքեա՛ յելա եր-
ջանիկ կենաց : Արպէս զի քե
պաշտպանեալ, և 'ի քէն առաջ-
նորդեալ 'ի բաղմա՛վտանգ կեն-
ցաղումս, երևեցայց քե վըր-
կեալ և փառաւորեալ յանվը-
տանգ յաւիտենին՝ 'ի գովեառ
փառաց Արգւոյ քո և քեզ՝ միա-
ձայն օրհներգու թի՛ր դասուցն
երկնաւորաց :



ՈՒԹ ՄՏԱԾՈՒԹՅՈՒՆՔ

Ի ՏՕՆՍ

Խ ԱՉ Վ Ե Ր Ա Յ Ի Ն

Ա

Ի ՆԱԻԱԿ ԱՏԻՍ

Ս Ր Բ Ո Յ Խ Ա Չ Ի Ն

ՄԱՍՆ . ԱՌԱՋԻՆ

Ի ԽՈՐՀՈՒՐԴ գան, հոգան վարանին հրէիցն գլխաւորք, զեւրդ հնարեսցեն արդեօք կորուսանել զՔրիստոս, որ կենօք և անուամբ անաշխարհիկ լինիցի ՚ի մարդկանէ, վատատոհմ և շեջեջափառ : Հանգա, մահու խայտառակու թէ, ասէն, դասես.

ցուք զնա . 'ի փայտ անիծից պըն-
գեսցի խաչեալ , որ առանց ջնջե-
լոյ բերէ վանարգութիւն :

Չայս խորհեցան և արարին ,
այլ խաբեցան . զի անիծիցն կար-
ծեցեալ գործի՝ զօրհնութեան
բուսոյց ողկոյղ . և անարգանացն
փայտ՝ ցուցաւ գահաւորակ ար-
քունի , արձանագրաւն՝ թէ սա-
է թագաւոր Հրէից . և բարձրա-
ցաւ յանզուգական փառս խա-
չեալն , և բարձուղ նմին խաչն :

Այլ ահա ստրջանաւոյն փո-
խան , գարձեալ խորհուրդ յետ-
սամիտ . զի զհաչ , զոր ինքեանք
կանգնեցին , անտես 'ի մարդկա-
նէ ծածկեսցեն 'ի սպառ . ան-
գիտացեալք կրկին 'ի նախա-
տինս իւրեանց՝ զի ակամայ սպա-
սաւորք լինէին խորհրդոյ մով-
սիական տապանակին , նայապէս
զԲժի խաչն յանծանօթ վայրս
ամփոփելով :

Բարէ . մի թէ լոյս 'ի խառա-
րի ծածկիցն : Ա՛ խորհուրդ մարգ-

կան շնչաւորաց . քանի՞ օտարա-
բար ՚ի խորհրդոց իմաստութիւն
ւոյ զուր ջանայ յայն ինչ՝ զոր
խնդրէ , և արբանեկէ այնմ զոր
խաւփանե ըն կարծէ :

Ահա զոր ստեցողքն թագու-
ցին , լուսաւորագոյն ևս յայն-
նեցաւ . ծածկեցաւ առ ժամա-
նակ մի , զի յաւիտեան բարձ-
րացի . իբր պարգև նորոգա-
տուր՝ տարեւոր նաւակասեօք
պատուեալ . մոխանակ երկց
հարիւրոց ամաց ծածկութեան՝
հազարամեայ և մշանջենաւոր
չըջանաւ աօն տարեկանի հաս-
տատեալ՝ իբր քրիստոսական
գարուն նոր արեւադարձ :

ՄԱՍՆ ԵՐԿՐՈՐԴ

ԱՄԵՆԵՑՈՒՆ յանդիման կանգ-
նեալ կայ արդ խաչն տէրունա-
կան . տեսանէ զայն Հրէայն ան-
հաւան , տեսանէ և հաւատա-
ցեալն . նա ամօթով կորանայ :

սա զուարճանայ պարծանօք . 'ի նմա կոծու մն անմխիթար , կատաղութիւն անյոյս և այժմ և յասպառնի դատաստանան . խակ 'ի հաւատացեալն՝ երեսաց զարդ , սրտի ընդարձակութիւն :

Այլ ցե՛րք արդեօք . իցէ թէ որպէս այժմ 'ի խաչն պարծի , նոյնպէս առ յասպա պարծեսցի : Աւա՛ղ , զի ոչ անկասկած էն ելքն : Աւան զի դոյ առնել նաւակատիս խաչին , այլ գործովք նախատինա նմին , և այսպիսիք 'ի հաւատացելոց սրբան , զի պատուասիրեն զխաչ առանց խաչի . 'ի դէմս տանին զխաչ , այլ ո՛չ 'ի սրտի . երգնուն 'ի խաչ , և անարդեն զխաչեալն , և ուր գեք առանց սրտի . հաւատալոյ սարսեն 'ի նմանէ , քրիստոնեայն հաւատայ , և յոլովակի ակնածէ ո՛չ բնաւ : Երկիր , ո՛վ հաւատացեալ , զի մի յայնպիսեաց ոմանց իցես և գու :

ՄԱՍՆ ԵՐՐՈՐԻ

Եթէ ցանկաւ արժանաւորաւ պէս մատչել 'ի նաւակաօխս սրբոց խաչին, պահեա՛ զանձն քո որպէս 'ի կերակրոց նոյնպէս 'ի շար գործոց : Աչտաց պատահելոց համբեր սիրով, փութա՛ 'ի կամաւոր ճգունս : Աչաց տուր զգուշութի յարատ տեսութեց . սանձ գիր լեզուի յանպատշաճ խօսից . յանարժան լուրս խցեա՛ զականջս . զձեռս և զոտս կապեա՛ 'ի սահման պարկեշտութե : Այսու օրինակաւ նկարագրես յանգամս քո զնմանութիւն խաչակրօն վարուց, որ է ճշգրիտ երևումն փառաց խաչին Քրի, յոր ունիցիս պարծել և 'ի հանգերձեալ ծագման նր :

Բ

Ի ԿԻՒՐԱԿԻ ԽԱՉԱԿՐԱՅԻ

ՄԱՍՆ ԱՌԱՋԻՆ

ՅՈՐԾԷ ՀԵՏԷ քարձրացաւ Որ
 դին Եյ 'ի խաչն քառաթև, ոչ
 ևս այլ մնաց նա գործի մահու,
 այլ կենաց եղև փայտ և անուա-
 նեցաւ: Եթէ արհամարհեաց
 Քս զամօթ՝ յանձն առեալ ըզ-
 խաչն, ապա ջնջեաց 'ի նմանէ
 զամօթն, ոչ ևս գոլ ամաչելի՝
 այլ պանծալի որոց 'ի Քս յարե-
 ցան: Զի՛նչ զարմանք՝ եթէ անդր
 վերանայցէ խաչն, ուր Քս նրս-
 աի. մինչ նա ինքն էջ, ուր խաչն
 էր՝ խոնարհեալ յանարգութի:

Հայեաց հաւատոցդ աչօք, և
 տեսանիցես զխաչն աթու քարձ-
 րութե և վերացելոյ. զՔս 'ի
 խաչի խոնարհեալ, և զխաչն 'ի

Քն բարձրացեալ . մանաւանդ
 իւրօ՞ւն խոնարհելով՝ Քն ինքն
 առաւել ևս բարձրացաւ ըստ Ա.
 ռաքելոյ . և զնա ընդ իւր բարձ-
 րացոյց . զի եղիցի խաչն այնքան
 երկրպագելի հսկմամբն , որքան
 է Քն բնութեամբն : Ո՛վ , քանի՞
 անկշռելի է այս բարձրութիւն՝
 ստուղ անճառելի խոնարհու-
 թե՛ Որդւոյն ւոյ :

ՄԱՍՆ ԵՐԿՐՈՐԴ

ԲՈՒՌՆ հար , ո՛վ հաւատա-
 ցեալ , զփայտէս կենաց , զի վե-
 րացուցէ զքեզ՝ ուր հասանել
 քեզ անկար է քոյով զօրութի՛ք :
 Տէ՛ս զի յերկրէ գօլով արմատ ,
 յերկինս անգր հաստատեալ ու-
 նի զվերաբարձակուէն գլուխ , իբրև
 երկնից և երկրի կապ ընտանե-
 ցուցիչ :

Եթէ սանգուզս զնա համա-
 րիցիս խմանալի ըստ խորհրդա-
 բեր տեսեան Յակովբայ , ոսն-

փոխեալ ընդ նա զփրկագործու-
 թէ խորհուրդս կշռադատելով :
 Տէս 'ի գաղաթան նորա զբարձ-
 րութի խնաստութենայ , զհարգ
 հակառակօք զհակառակսն ներ-
 գործեաց : Տէս 'ի բնի նորա ըզ-
 խորութի արդարութեանն այ ,
 զհարգ 'ի վրիժաւութի մեղաց
 յիւր Որդին անգամ ոչ խնայ-
 եաց : Տէս 'ի թևս նր զլայնու-
 թի սիրոյն այ , զհարգ հասարա-
 կաբար զհեռաւորս և զմերձա-
 ւորս առ ինքն ձգեաց յորդէգ-
 րութի : Խաչ էր , և եղև արձան
 հաստատութե ուխտին այ ընդ
 մարդկան :

ՄԱՍՆ ԵՐՐՈՐԴ

Այս մատիւր յայս արձան
 խորհրդոյ ակամբ , ընթեռնուլ
 մտաւորապէս զգրեալսն 'ի նմա
 ոչ մրով , այլ արեամբ Որդւոյն
 այ : Անդ ուսանիցիս որպէս ա-
 մէնարուեստ է ԾԾ 'ի փրկել .

Տրպէս արգար 'ի դատել . Տրպէս
առատ 'ի սիրել :

Պատուեալ զփրկագործ քո,
Երկիր 'ի դատողէն, սիրեալ զսի-
րող քո . և եղիցի խաչն, որ ան-
հաւանիցն յիմարութիւն է և
գայթակղութի, քեզ հաւա-
տացելոյդ՝ Ինչ զօրութիւն և Ինչ
իմաստութիւն :



Գ

ՅԵՐԿՈՒՀԱԲԱԹԻ ԽԱՉԻՆ

ՄԱՍՆ ԱՌԱՋԻՆ

Ո՛րքէք այնչափ մեծացաւ զօրութիւն ւայ, որչափ յորժամ տկարութիւն խաչին նուաճեաց զամենայն բռնութիւն աշխարհի և սատանայի : Ո՞րուաւ, կամ հաւանել կարող էր՝ թէ մահուամբ մահ լուծանիցի . փայտիւ փշրեացին կարծրակուռ դրօշէլոցն պատկերք . աղխեալ դրունք դժոխոց խորտակեացին . ընդ պատուանդանաւ խաչի անկանիցին թագաւորուիք երկրի . և որ անարդ էր քան զամենայն, փառօք լնուցու զամ անեղերս :

Մեծ է արգարե և հրաշագան մատամբ ւայ տարածանիլ երկնից և երկրի և համատարած

ծովու . մեծ՝ շատափայտիւն
 նոյեան կրկին հրաշակերտել
 զաշխարհ . մեծ՝ գաւազանաւ
 փայտեայ զծով սանձել և դար-
 ձեալ արձակել առ Մովսէսի :
 Այլ այս ամ օրինակք այնչափ
 փոքունք են առ ճշմարտութի
 խաչին , որչափ առաւել է զան-
 հնարինան առնել հնարաւորս .
 որչափ զմեղանչականն՝ դործի
 հաստել արդարութն . որչափ
 զարդարութիւնն ւնոյ ընդ ողոր-
 մութնն համբոյր կացուցանել .
 որպէս զի լինել ւնոյ այնքան ար-
 դար՝ որքան ողորմած . և այսմ
 օժանդակ ունել զխաչին դոր-
 ծարանս իբրև երկթևեան կշիռ
 սրբութեան :

ՄԱՍՆ ԵՐԿՐԱՐԴ

ՏԿՅՐ ես դու , ո՛վ հաւատա-
 ցեալ , և տկար՝ առաւել քան
 զոր գիտես և կարծես . տկար

'ի մարմինն և 'ի հոգի, ըստ բնութեան և արտաքոյ բնութեան, պատերազմեալ յաշխարհէ և 'ի սատանայէ: Բայց զինչ տկարանայցէ քեզ յորժամ զամենազօրն ունիցիս դաշնաւոր անդրստին 'ի ծննդենէ աւազանին, զայն՝ որ և Որդւոյն իւր զէն եղև զօրութեան առ 'ի քակելոյ զամենայն բռնութիւն:

Իսպին՝ որ տկարն էր առ մարդիկ, եղև զօրագոյն քան զամսուր երկասյրի: Սովաւ իբրև կարծիւ ըմբռնի սատանայ, մարմին սանձահարի, հոգի սպառազինի, նետք փորձութեանց անոյժ անկանին, վիշաք և պատահարք է զի նահանջին, է զի քաղցրանան:

Եթէ բնաւորեալ դառնութի Մեռային քաղցրացաւ փայտիւ, ոչ տաւել ևս դառնութիւնք աշխարհի անուշեցցին քրիստոսական խաչիւն: Զինչ աղգիցեն հիւանդութիւք և ցաւք սա զօ-

բուժի խաչին , որ զմահ գլխովին անպիտանացոյց :

ՄԱՍՆ ԵՐՐՈՐԴ

Մ'ն' ամօթ քեզ համարիր ,
 ո՛վ քրիստոնեայ , զնշան խաչին ,
 որ Ք.ՍԻ պարծանքն է , և ահար
 կուժի դիւայ : Ամբոյն զինովս
 այսու զհողի և զմարմին . դրոշմ
 խաչին տպացի յամենայն ան
 դամս քո : Յեւ և 'ի մուտս այն
 լիցի քեզ պահապան և ապա
 ւէն . 'ի սկսանել գործոց՝ զխաչն
 տեառնագրեա՛ , և 'ի կատարմանն
 զայն դիցես կնիք . եթէ ննջես ,
 եթէ յառնես , զխաչն պատկե
 րեա՛ . որով յառաւօտէ մինչև
 ցերեկոյ խաչանիչ երևեսցիս յա
 մենայն կողմանց :

Ո՛վ երջանիկ զինաւորիս , որ
 յամ ժամ կայ անպարտելի զե
 նոյն լծայնով , 'ի ձեռին ու
 նելով զանսխալ յազթուժիւն՝
 եթէ կեցցէ , և եթէ մեռանիցի :

Դ

ՅԵՐԵՔԱԲԱԹԻ ԵԿԵՂԵՑԻՈՑ

ՄԱՍՆ ԱՌԱՋԻՆ

Ո՛րք ըստ հանդիարման ինչ՝
այլ կարի յարմարութիւնք ընդ առ-
նական յիշատակս սրբոյ խաչին
կարգեցաւ խառնել և զեկեղեց-
ւոյ տօնախմբութիւնս : Եթէ առ
տեղեալն կառուցմունք տաճա-
րաց զոյգ ընդ յայտնութեւն տե-
րունական խաչին պատճառս
եառն տօնակցութեւն , այլ առ-
ի միտս մեծագունի ևս խորհրդ-
ոյ է ցուցակութիւն :

Ընդ Քն և ընդ եկեղեցի զինչ
այլ որոշումն կայցէ , բայց իբր
զլսոյ և մարմնոյ , իբրև փեսայի
և հարսին . յորս յաւէտ միու-
թի գոլով քան զանազանութի ,

որով քն՝ նովխաք և եկեղեցի
նշանակի :

Ի խաչի եղև քնի հանգիստ 'ի
ճննդենէ մինչ 'ի մահ . 'ի խաչին
և ճնունդ եկեղեցւոյ 'ի աիգա,
խոց կողէն : Խաչիւն քն պա-
կեալ 'ի փառս, խաչիւն և զե-
կեղեցի պատկեաց և պատկեա-
ցէ . խաչակիցք երկոքին, որով
և փառակիցք :

Ո՛չ այլով մատանեաւ խո-
սեցաւ քն ինքեան զեկեղեցի,
բայց խաչին . առանց խաչի ո՛չ
ճանաչէ զնա իւր մարմին . ինքն
Թագաւոր վշտակիր, ո՛չ հարս-
նացուցանէ իւր Թագուհի փափ-
կասուն : Մի աթու երկոցուն՝
խաչն . նոյն երկոցունց գաւա-
ղան . նոյն գրոշակ : Ասան որոյ
եկեղեցի կամ խաչիւ խմանի,
կամ ո՛չ է եկեղեցի :

ՄԱՍՆ ԵՐԿՐՈՐԻ

ԽԱՉԻԻ ծնաւ Քն յաշխարհ
անխնամ և 'ի վայրի . խաչիւ
սնաւ և աճեաց 'ի հալածանս և
յօտարութեան . խաչիւ եկեաց
նախատեալ և արհամարհեալ .
'ի խաչի կատարեաց զկեանս ա-
նիծապարտ մահուամբ : Միով
բանիւ . ձեռք նորա կաթեցու-
ցին զմուռս մշտակիր մեռելու-
թեան :

Եւ ահա նոյն ձեռք են , որ
կազմեցին զեկեղեցի՝ Քնի մար-
մին և հարսն . որով ծնաւ նա 'ի
լեառն զմուսոյ 'ի Գողգոթայ ցա-
ւօք և հեծութի . սնաւ և աճեաց
'ի հալածանս , 'ի ջարջարանս 'ի
մարդկանէ և 'ի դիւաց : Այս
միշտ նշաւակ եղեալ անօրինաց .
և մինչ 'ի կատարած զնեղութի
կրելով յաշխարհի , ըստ որում
և փեայն իւր կանխաւ պայմա-
նագրեաց :

Զ խորդ ապա օտարութի իմն
 կարծեսցի տեսանել զեկեղեցի
 ծանրաբեռնեալ հանապազ ընդ
 խաչիւ . որ զի այն է նորա գաշն
 և կնիք հարանութի . այն նորա
 զէն առ 'ի վանելոյ զամենայն
 բռնութի մոլորութի , մեղաց և
 մահու :

ՄԱՍՆ ԵՐԲՈՐԴ

ԵՎԵՂԵՑԻ Քնի ոչ յայլ ինչ
 պարծի , բայց միայն 'ի խաչն ան
 Յնի . և խաչն ոչ յայլ ինչ ունի
 պարծել՝ բայց 'ի Քս և յե-
 կեղեցի : Բազմօրինակք են յաշ-
 խարհի վեշտք , տառապանք ,
 ցաւք , տանջանք , անարդու թի ,
 մահ . ըստ նմին խաչք և խա-
 չեալք յուրվագոյնք և սէսպէսք :
 Սակայն ոչ մի յայնցանէ 'ի պար-
 ծանա է , բայց միայն որ յեկե-
 ղեցւոջ կատարի հաւատովք
 վասն ան :

Եղկելիք այնոքիկ՝ որք յու-

նայնութէ սակս կամ ապիրա-
տութէ 'ի խաչ ելանեն. անի-
ծեալ արգարե որ զայնպիսի փայ-
տէ կախեալ կայցէ, զի այն լի-
նիցի նմա հուր տանջողական :

Այլ դու հաւատացեալ, զոր
խաչ ընտրես տանել և պար-
ծել. զաշխարհի, թէ զՔրիստոս :
Խուսել 'ի միոյն կամ 'ի միւսոյն
անհնար է. ոչ որ առանց խաչի
ունիցի մուտ և ել յաշխարհ :

Եթէ եկեղեցւոյ ես անդամ,
զնորայն պարտիս տանել զխաչ
զկամաւորն՝ վասն ճշմարտութե
և արգարութեան : Հալածեցիր
վասն ւայ, կրեւ, աշխատեաց
վասն ւայ, կեաց, մեռիր վասն
ւայ : Այսպէս ունիցիս պարծել
'ի նեղութիւնս, որք զփառաց
պսակն յօրինեն քեզ՝ զպատե-
րազմողի և զթագաւորեցելոյ .
զի այնպէս պսակէ Քրիստոս
կեղեցի :

Ե

Ի ՉՈՐԵՔԱՅԻՆ ԵՎԵՂԵՑԻՈՅ

ՄԱՍՆ ԱՌԱՋԻՆ

Վ, ՈՐ արարած հրաշափառա-
գոյն քան զառաջինն հաստա-
տեաց Քն գեկեղեցի սուրբ՝ ՚ի
մարգկանէ առեալ, և ոչ ըստ
մարգոյ . յաշխարհի՝ այլ ոչ յաշ-
խարհէ . յերկրի՝ այլ վասն երկ-
նից : Ո՛չ ոք մտանէ ընդ սա ա-
ռանց ճշմարտութե . ոչ ոք կեաց
՚ի սմա առանց սրբութեան . ոչ
ոք երանանայ առանց համբե-
րութեան :

Ա յոգիկ սիւնք են երեք հաս-
տահիմն , յորս ամրացեալ բարձ-
րանայ եկեղեցի , և գերածայ-
րեալ յերկինս՝ միանայ յէապէս
ճշմարտան , ՚ի սուրբն և յերա-

նելին ԹՃ : Եթէ այսմ երկնա-
բերձ շինուածոյ հիմն է Քս,
նչ մի բանութի խախտել զայն
կարող է . եթէ լոյս նորա Քս
է , մուտքեցուցանել նչ ոք կա-
րէ . զօրագլուխ զՔս ունելով,
նվ յաղթահարել կարիցէ :

Արդարեւ յարեան 'ի վերայ
նորա հեղեղք ստութեց , մըրիկք
բանութեանց յուզեցան , պատ-
րանք գիւաց յաճախեցին , և
անօրէնութեանց խոհերք . այլ
նա եկաց անշարժելի , կայ և
կացցէ նոյնպէս . երկինք և եր-
կիր անցցեն , և բան Քսի՛ յոր
եկեղեցի հաստատեալ կայ՝ մի
անցցէ յաւիտեան :

ՄԱՍՆ ԵՐԿՐՈՐԴ

ԱՅԼ մի գու , որ կասգ յեկե-
ղեցւոջ , համարիցիս նոյնպէս
զանձնդ անշարժելի գու . երկիր
առաւել ևս՝ մի արդեօք յանա-
սան վիճիգ՝ սասանիցիս գու

կամ մոլորութիւն, կամ անօրէն-
 նութիւն: Մի պարծիր առ անկե-
 լովքն, մի արհամարհեր զար-
 տաքոյ եղեալն, զի և գու եր-
 բեմն կամ արտաքոյ էիր, կամ
 կարես լինել:

Եւ մի գարձեալ զհաւատովք
 կալն յեկեղեցւոջ շատ համա-
 բնցիս՝ առանց գործոց, զի նչ
 օգուտ քեզ ուղիղ հաւատալ
 և չարաչար գործել, զի թէ ա-
 ռաջնոմն վկայես ճշմարտութե-
 եկեղեցոյ, երկրորդիւն նախա-
 տինս գնես սրբութե նորա, իսկ
 անսուրբն իբրև զանհաւատն մի-
 օրինակ տանջի, և առաւել ևս՝
 որպէս ընտանի թշնամին քան
 զօտարն: Դիւրագոյն լիցի գա-
 տաստան այնմ՝ որ արտաքոյ ե-
 կեղեցւոյ է, քան որում չարա-
 չար կայ յեկեղեցւոջ:

ՄԱՍՆ ԵՐՐՈՐԴ

ՃՇՄԱՐԻՏ անդամոյ է ոչ
 զիւրն և եթ հոգալ զառանձնայ-
 ին օգուտ կամ զվնաս, այլ ըզ-
 մարմնոյն բովանդակ: Թէ եկե-
 ղեցւոյ իցես անդամ կենդանի,
 այնու ծանօցիս՝ յորժամ ընդ
 նորա բարիս խնդաս և ջանաս,
 յորժամ ՚ի վնասուէն զգուշա-
 նաս կամ վշտանաս:

Նախանձ տան քո կերիցէ զիս՝
 աղաղակէ հանապաղ որդի հա-
 րազատ եկեղեցւոյ: Թէ առաջ
 նորդ իցէ՝ հսկէ ՚ի վերայ հօտին,
 խնամէ, զանձն գնէ, զկորու-
 սեալն խնդրէ, մոլորելոյն ձայ-
 նէ, դարման տանի վերաւորե-
 լոյն, առողջիցն խրախոյս արկա-
 նէ, զանբժշկելին հասանէ: Իսկ
 եթէ առաջնորդեալ ոք իցէ,
 հրամանի հպատակ կայ. քան
 յիւր հանգիստ, առաւել ՚ի շե-
 նութի եղբորն ջանայ ուր բա-

րեաց օրինակօք, ուր խրատուք
 ուր աղօթիւք, ուր ձեռնառու-
 ութք. 'ի գայթակղութի գնե-
 լոյ Կառաւել քան 'ի մահուանէ
 երկնչի :

Այսպիսիք են որք զեկեղեցի
 զարդարեն, որք ցնծան ը փառս
 եկեղեցւոյ . ինքեանք զնա մե-
 ծարեն յերկրի, և 'ի նմանէ մե-
 ծարին յերկինս : Ահա դու ապա
 որդի արժանի այսպիսւոյ մօր զի
 քե բերկրեացի յաւիտեան :



2

Ի ՀԻՆԳՇԱԲԱԹԻ ԵԿԵՂԵՑԻՈՅ

ՄԱՍՆ ԱՌԱՋԻՆ

ՄԻ ռւսաբ գոլ զեկեղեցի
 ճշմարիտ, մի և սուրբ, տիեզե-
 րական և առաքելական : Քանի՞
 մեծ է և անճահարաշ 'ի մեջ բազ-
 մալեզու ազգաց զանազանելոց
 ըստ գաւառի և ժամանակի և
 օրինաց՝ տեսանել զանելոյժ մի-
 ութի յայն ինչ, յոր առաւել
 գժուարին է մարդկան զհաւա-
 նողականն միեղինութի յանձն
 աւնուլ . կապիլ 'ի մի գլուխ,
 'ի մի վարդապետութիւն, 'ի մի
 կրօնս, 'ի մի յոյս աներևոյթ :

Ընթա՛յ յարեւելից յարեմուտս,
 յածեանց շրջեա՛ ընդ հիւսիս և

մօրն . պինդ կալ զորքու թիւնն
 զոր 'ի նմանէն առեր . պաշտեա
 սրբապէս զամենայն կրօնս նորա .
 զի առաւել և ս օր ըստ օրէ սրբ
 բեացիս , և սուրբ արասցես զա
 նուն մօր քո , և զօրհնու թի նո
 րա ժառանգեացես՝ զօրագոյն
 քան զօրհնու թիս լերանց մըշ
 արնջենաւորաց :

ՄԵՍՆ ԵՐՐՈՐԴ

{12 սահմանեաց Քս զեկե
 զեցի իւր 'ի մի ազգ , 'ի մի տե
 զի , 'ի մի ժամանակ՝ ըստ հրէա
 կան եկեղեցւոյ կանոնափակ
 անձկու թէն . առ ընդարձակու
 թիւն սիրոյ նորա և փրկանացն
 կարի անձուկ է ըսնատարր
 ծոց ախեղերաց : Զքարոզս ե
 կեղեցւոյ իւրոյ զառաքեալն
 մերկոտն և թե թե ըն թաց գնա
 ցոյց ընդ աշխարհ ամենայն՝ քա
 ռողել ոչ միում ազգի և դաւա
 ոի , այլ ամենայն արարածոց :

Ձի ուր միանգամ հասանեն ըն-
թացք արևու ծագաց'ի ծագս,
անգր և աւետարանին ձայն լսե-
լի լինիցի յիւրաքանչիւր լեզուս :
Ընթացան ընդ տիեզերս ոտք ա-
ւետարանչացն, լուաւ ամենայն
երկիր, հաւատաց, և հիմնեցաւ
մի եկեղեցի ընդ հանրական :

Ո՞ր բնաւ ամփոփել կարիցէ
զխորան, զոր ւծ ձգեաց ընդ լայ-
նու թիւն երկրի. ո՞ր չարակնեացէ
ընդ առատ բաշխումն երկնաւոր
բարեացն՝ զոր անաչառ հասա-
րակաց սիրէ ւծ : Մի գներ,
սով դու, խտիր ազգի և ազգի,
զի մի զարգարն լիցես կշտամ-
բու թի. մի թէ այսմ ազգի և եթ
իցէ ւծ, և միւսումն ո՞չ : Այլ
ճշմարտու թեամբ ծանիցես՝ թէ
յամենայն ազգս, որ երկնչին
յոյ, ընդունելի է նմա : Չիք
ակնառու թի առ 'ի նմանէ. ա-
մենեցուն առաջի բանայ զփր-
կու թեն ճանասարհ : Եթէ դու
մտեալ իցես ընդ այն, մի հա-

մարիւր քեզ միայնակ գնալ, մի
զայլ արգելուր 'ի մտանելոյ.
ասպա թէ ոչ՝ զընդհանրականն
գործես առանձնականն. որ սչ
ևս մնայ եկեղեցի ճշմարիտ առ
յսոյ կանգնեալ, այլ 'ի մարդ-
կանէ : Այլ թէ առաքելոցն ես
աշակերտ, խնդա՛ և գոհացիր
զսոյ՝ թէ որպէս ընդ ամենայն
աշխարհ աճէ և պտղաբերէ ա-
ւետարանն սոյ :



Է

ՅՈՒՐԲԱԹՈՒ ԽԱԶԻ

ՄԱՍՆ ԱՌԱՋԻՆ

ՏԵՍԱՆԵՄ ընդ ճանապարհ
 լերինն Գողգոթայ զխաչն բար-
 ձեալ 'ի ԹիկուՆս անապարտ դա-
 ռինն Յիսի . այլ 'ի դլուխ լերինն
 տեսանեմ զգառնն ինքնին բար-
 ձեալ 'ի Թես խաչին . նախ Քս
 զխաչն յանձն առնու , և ապա
 խաչն զՔս : Ա՛՛վ տեսիլ , տեսիլ
 ահաւոր առ այնտիկ՝ որք աչօք
 հայէին , այլ սքանչելի որոց մը-
 աօք նկատիցեն :

Ա՞ արդեօք եբարձ 'ի ԹիկուՆս
 նորոյն իաահակայ զփայտ պա-
 տարագիս . մի՛թէ Հրէայք առ
 տեղեաւն , այլ խորհրդեամբ՝

ՄԱՍՆ ԵՐՐՈՐԴ

ՉԳԻՐ լինասու՛ւ ոչ զոր Պիղա-
տոան եղ, այլ զոր Հայրն երկ-
նաւոր, տեսանեմ 'ի գլուխ խա-
չիս: Իբր պարտաւոր մեզաց
մարդկան դատապարտեալ Քն,
զիմ զձեռագիր յանցանաց յան-
ձրն իւր կրէ. վասն իմ մտանի,
վասն իմ կապի և անարգի, վն
իմ չարչարի, վասն իմ թողա-
նայ, վասն իմ մեռանի:

Ո՛վ, շատ է արդ, մինչև ցերբ
ոչ դագարիցիս, սուրդ արդա-
րագատ, դարձիր, աղէ՛, 'ի յան-
ցաւորիս վրէժխնդրու[թի]. ես
մեղայ, ես անօրինեցայ, դա
գառնդ այ զն՛նչ մեղաւ. եղի-
ցի այսուհետև ձեռն քո յիս
յանիրաւեալս: Չխաչդ արդա-
րու[թե] ահա ես ընդգրկեմ ա-
խորժարար, տանիմ զնա 'ի սրախ
և 'ի մարմնի. տարածանեմ զան-
ձրն իմ 'ի վերայ նորա, բևե-

և ես, ատեր, որպէս և կամիս, ար-
 բո ինձ լեզի. թոյլ ՚ի տապնասլի՝
 այլ ոչ յօգնականու թէ. մինչե-
 ք զէջ արժանի աղաղակել. Հայր,
 ՚ի ձեռս քո աւանդեմ զոգի իմ :



վասն ձեր . եկայք մատերուք և
 դուք սատարագ փոխան որդւոյ
 իմոյ . խառնեցէք զձեր արիւնսդ
 ընդ արեան նորա , եթէ ցանկայք
 զորդիու թի նորա յանձինս ձեր
 ճշմարտել : Մի երկնչիք թէ մի-
 այնակ զձեզ թողուցում ՚ի կիրս
 խաչին . ես ինքնին խաչակից ձեզ
 լինիմ , որպէս միածնիս եղէ :
 Տեսէք զիարդ կորեաւ արդարն
 յիսմի՝ տէրն ձեր , և կորնչելով
 եգիտ զձեզ ից . դուք անար-
 դարքդ ոչ արդեօք ախորժիցէք
 կորուսանել վասն նորա զմար-
 մինս ձեր և զախտս , որով զյա-
 լիտենիցն գտանիցէք զփրկուի :

ՄԱՍՆ ԵՐԿՐՈՐԴ

Ո՞ՐԱՆԻՍԱՆԵՍՑԻ բնաւ ՚ի ձայն
 մայրագ որով հրաւիրանացս . մի-
 թէ ինայիցեմք ՚ի մեղանչական
 մարմինս մեր , ուր ի՞նչ հայր և
 մայրն անարատ չինայեցին յան-
 սարս միածին իւրեանց : Եկայք

փուլթասցուք և մէք ելանել ար-
տաքոյ մարմնաստիճան քանակին՝
յանձն առեալ զնախաասինս
խաչին, որ այժմ փառաց եղև
գործի և նշանակ :

Եթէ մայրն 'ի խոր խոցեցաւ
առ միածնին խաչելու թիւ, այլ
'ի մերումս բերկրեալ զուար-
ձանայ, տեսանելով զի որդիա-
ցելոց ւոյ լինի մայր բազմածին,
պսակ նմա յօրինեն խաչակ-
ցեալքն ընդ Քնի : Թագուհի
մարտիրոսաց նա գուրով, 'ի մար-
տիրոսացելոց խաչի պաշտօն առ-
նուլ ցանկայ . իւրեան իսկ ձե-
ռօք կամի կապել 'ի գլուխ նո-
ցա զպսակն՝ որով որդի իւր
պսակեցաւ :

Ծանր է նմա տեսանել ընդ
խաչապսակ գլխովն անդամս ա-
տեցողս խաչի : Փախուցեալքն
'ի խաչակցութենէ Քնի, առա-
ւել վշտացուցանեն զնա քան
զքուն խաչահանուսն : Հանրա-
ահա բազուկ խաչին կայ տարա-

ծեալ . որ ոք նախ անդր դիմեա-
ցէ , զառաջին յազթանակն տար-
ցէ անվրէպ :

ՄԱՍՆ ԵՐՐՈՐԻ

Եւ արդ զէ՛ խորհիս դու , անձն
խմ ամենապարտ , որ ընդ առաջ-
նոց յանցանացդ ունիս և զայժ-
մուս , և յապառնիան կաս միշտ
գիւրակործան : Ի՞նչ արդեօք
սրբեցիս 'ի գործեցելոցն և յա-
ռաջիկայիցն պահպանեցիս ,
եթէ հեռի 'ի խաչէ փրկչին քո
գնացես ընդ ճանապարհն լայն
և ընդարձակ : Զի՞նչ օգուտ
քեզ մեծարել տօնախմբութի
զխաչն տէրունական , և 'ի հա-
ղորդակցութենէ խաչին օտա-
րանալ անձնագիւրկենցաղավա-
րութի : Ոչ ամաչես տեսանել
զայն անբիծ արեամբ Քնի զան-
գեալ , և 'ի քո մեղանշական ա-
րիւնդ խնայել :

Մայրն առ խաչին զարիւն

սրտի խւրոյ ընդ աչան քամէ .
 խաչակից որդւոյն զքեզ հրա-
 ւիրէ . քեզ զամենայն խնամա-
 կալուծի խաչիւն խոստանայ .
 գուայսոցիկ անփոյթ արարեալ ,
 զիարդ և քուժ փրկուծէ ա-
 պախտ լինիս :

Ո՛չ , այդ մի լիցի : Ահա խա-
 չեցեւոյն առ սէր իմ երկիր պա-
 գանեմ . զխաչն ինձ ապաւէն
 ունիմ և հանգստարան . մայր
 ինձ սիրոյ և ցաւոց զմայր խա-
 չեցեւոյն ընտրեմ . ո՛չ ևս 'ի նո-
 ցին վշտակցուծէ մեկնեցայց .
 լամ ընդ նս վիմ չարիան , մինչև
 խնդացից՝ վայելեալ ողորմուծք
 'ի նոցա բարիան :



Ի ՏՕՆ

ՎԱՐԱԳԱՅ ՍՐԲՈՅ ԽԱՉԻՆ

ՄԱՍՆ ԱՌԱՋԻՆ

Եթէ դանձ անթաքչելի ա-
սաց՝ որ դաւանեացն զխաչն
փրկչական, ոչ այլաբանութիւնն
քան թէ իրօրէն զիսկն նշանա-
կեաց: Զխարդ ոչ անթաքչելի
խոստովանեսցի այն՝ որ թէ և
հարուստ ժամանակաւ յանձա-
նօթս ընդ հողով ծածկեալ, յե-
տոյ ուրեմն ինքներեակ գայ՝ ի
ցուցակուծի:

Գործօնեայք խաչին հրէիցն
դասք՝ անյայտացուցանել զնա
հնարեցին զառաջինն յանար-
ժան վայրի. այլ յեա երկոց հա-
րիւրոց ամաց վերերևեալ ծանու-

ցաւ նա փառօք առ Հեղինեալ
 գշխոյիւ : Երկրորդ անգամ գա-
 ւանողացն ձեռօք ամփոփեալ
 ծածկեցաւ յանձուկս լերինն
 Վարագայ : Եւ ահա այսօր իբր
 'ի լաման այլ ևս երից հարիւրոց
 ամաց՝ դարձեալ ինքնածագ
 փայլմամբ երևելանայ 'ի տեսու-
 թի հաւատացելոց :

Ո՛չ արդարեւ, ո՛չ հնար է
 թաքչել այնմ՝ որ զեկեղեցի
 լուսաւորէ՝ իբր արևակն զտիե-
 ղերս համայն . մտանէ՝ այլ առ
 'ի վերստին ծագելոյ . յար 'ի
 նորօգման կայ առանց մաշելոյ :

Մշանջեհաւոր թագաւորու-
 թեանն Քրիստոսի սա դաւա-
 ղան անփուս . հանապազ ընդ
 մեզ և 'ի մեզ Քրիստոս , ընդ
 նմին և խաչն : Ո՛չ կամի խաչե-
 լեալն Քրիստոս երկրպագութի
 'ի մէնջ ընդունել արտաքոյ խա-
 չի իւրոյ :

ՄԵՍՆ ԵՐԿՐՈՐԴ

ԱՍՏՈՒԾՈՅ տեսչութեանն
 առանձին խնամք են առ հաւա-
 տացեալս՝ զի ոչ շատ համարեալ
 զխաչին քարոզութի, որ միշտն
 սրաշտի յեկեղեցւոջ, 'ի կիր առ-
 նու երբեմն և զհրաշագործ երե-
 ւումն առ 'ի զարթուցանելոյ 'ի
 սիրտս հաւատացելոց զսպաւո-
 ըստոյն յիշատակ խաչակիր առ
 նորէնութե Գրիստոսի: Եթէ
 նմին իսկ Գրիստոսի խաչին գոր-
 ծարանաւ լինել սահմանեցաւ
 փրկիչ, ևս առաւել հաւատա-
 ցելոց նորա անհնար է 'ի փրկ-
 ութիւն անգր վերելակել ա-
 ռանց խաչին սանգղոց: Յայս
 իսկ համառօտեցաւ քարոզու-
 թի աւետարանին, գիտել զՅս
 Քս, և զնոյն 'ի խաչ ելեալ:

Աւսումն է այս դժուարն-
 գել, արագասահ յուշոյ յիշա-
 տակաց մարգոյ՝ որ հանգստեան
 և անցաւ կենաց է խնդրող միշտ:

Նմին իրի և սկիզբն, և ծայր
 գիտութե խաչն Քնի խնդրելի
 է առն հաւատացելոյ. սա այք
 նորա և քէ : Մտանալ զայն
 այնպէս է վտանգաւոր, որպէս
 բնաւ չգիտելն. նա՛ այս նուազ
 դատելի քան զայն՝ իբր յոչ
 կամաց անգիտութի քան զմո-
 ռացութի կամաւոր : Անճնգիւ-
 թութի, հրապոյրք աշխարհա-
 կանք, դիւաց խաբէութիք գո-
 ղանալ հնարին՝ ի մտաց մարդոյ
 զխաչին յիշատակ. և զինչ զար-
 մանք՝ եթէ նոյնպէս փոյթ իցէ
 ւոյ ստէպ յիշեցուցանել զայն
 հրաշանորոգ յայանութեամբ :

Նովին կանոնաւ և աւետա-
 րանին քարոզող Պօղոս՝ զոր ինչ
 նորահաւատ մարդկանն ուսու-
 ցանէր՝ աչաց առաջի զՔն նկա-
 րագրելով՝ ի խաչ ելեալ, զնոյն
 և բազմաւսումն վարդապետին
 աւանդէր Տիմոթեայ, «Յիշեա՛,
 ստելով, զՅն Քն յարուցեալ
 ՚ի մեռելոց » . և ամենեցուն առ

հասարակ երկրորդելով « Զայն
խորհեցցի իւրաքանչիւր ոք 'ի
ձէնջ որ 'ի Քս Զս » :

Աստ և դու հաւատացեալ,
Թէ աշակերտ իցես, Թէ վար-
դապետ, կանխեա՛ հանապազ
յուսումն խաչինն . դիր քեզ
յանդխման զգաւազանն դեր-
ծեալ նկարէն արեամբ, մինչև
'ի սիրտ և 'ի վարս քո նկարեցցի
սրտակեր խաչեցելոյն՝ լինել քեզ
խաչազգեաց հաւատովք և մե-
ռելուծք կարեաց մարմնոյ :

ՄԱՍՆ ԵՐՐՈՐԴ

ԿՆԱՆՔ քրիստոնէին ոչ ըստ
արևու բերման չափին՝ որչափ
աւուրս կեայ 'ի վերայ երկրի,
այլ ըստ կրից հաճոյականաց
ոյ, որովք կեայ 'ի խաչի :
« Ըստ աւուրց փայտին կենաց,
ասէ Եսայի, եղիցին աւուրք ժո-
ղովրդեան խնոյ » : Խորհրդածեա՛
ըստ այլաբանութե՛ն, և տեսա՛

նիցես՝ զի այնչափ աւուրս համարէ ԿՅԻ ԽԵՐՈՒՄ Ժողովրդեան հաճոյացելոյ, որչափ կեան ՚ի վիշտս չարչարանաց վասն ԿՅԻ :

Ամբ Թագաւորի սակ արկեալ են՝ որչափ աւուրս տիրէ մարդկան, այլ քրիստոնէի կեանք համարեալ են ցորչափ տիրէ մարմնոյ, ախտիցն, կամաց իւրոց և գիւաց : Խաչն է նորա գիր աղգահամարի : Եթէ հարիւրեմեան ես ալեօք հասակի՝ այլ ոչ ալեօք վշտաց, մանուկ գիտեալ զքեզ ՚ի քրիստոնէութեան :

Ո՛վ, քանի՛ մեծ են սխարանքդ, եթէ կարծիցես հաւատալ ՚ի Քն անձնդիւր վարուք : ուր ինքնին հաւատք սահմանեն՝ Թէ քնեանք խաչել ունին ըզմարմին կարեօքն և ցանկութի : Մի խարիր անխայելով ՚ի մեզանչականդ քո մարմին, ուր Քն ոչ յիւրն խնայեաց յանմեզն և ՚ի սրբարար :

ԴԱՐՁԵԱԼ

Ի ՍՈՒՐԲ ԽԱՉՆ ՎԱՐԱԳԱՅ

ՄԱՍՆ ԱՌԱՋԻՆ

ՍԵՆԱՅՆ փայտ ծածկեալ
 երբեմն 'ի լեառն վարագայ' արդ
 հանգչի լուսածագ յայտնու
 թք 'ի վերայ սբյ սեղանոյն : Ոչ
 ըստ գիտման ինչ՝ քան թէ խոր
 հրրդեամբ 'ի լեռնէ 'ի լեառն է
 փոխադրու թիս :

Զ ինչ այլ համարիցիա խ
 կու թք զսեղանն նք , բայց զնոյն
 ինքն Գողգոթա՝ լեառն պատա
 րագի Որդւոյն իոյ : Անգ ա
 րեամբ պատարագեցաւ Քրիս
 տոս , և աստ անարիւն • բայց
 պատարագիչ նոյն , պատարա
 գեալ նոյն • նոյն ընդ ունոզ պա
 տարագին , նոյն և արգիւնք մա
 տուցմանն :

Ապաքէն բազումք 'ի հաւա-
տացելոց 'ի մոռացոնա ունին.
Կի՛ք բնաւ անգիտանան, թէ սե-
ղանն սք՝ զենարան է Որդւոյն
այ. նմին իրի այ տեսչու թեանն
հոգացեալ, խաչի երևմամբն
իրր մատամբ ցուցանել կամի
հաւատացելոց, թէ Գողգոթա
է սեղանն՝ յորում խաչն կանգ-
նի. և որ որ առ սեղան անգր
մատչի, ունի հաւատով կալ 'ի
Գողգոթա առ խաչին: Քննեա
զխորհուրդս քո, ուրանօր կաս
արդեօք 'ի մատչել սքյ սլատա-
րագին:

ՄԱՍՆ ԵՐԿՐՈՐԴ

ԱՇԽԱՐՀԻ կենցաղք վշտալից
են անգաստին 'ի ծնէ. վասն որոյ
ոչ բնաւ 'ի գաղարման կայ
խաչն քրիստոսական, այլ յար
'ի թռանիլ է յաջ և յահեակ՝
գտանել զարժանաւորս իւր:
Եթէ հարկանին 'ի քեզ ցաւք

մարմնոյ, հիւանդութիւնք, պա-
տահարք տան և ստացուածոց,
ահա այսոքիկ խաչք են թու-
ցեալք ՚ի քեզ կամաւն Քրիս-
տոսի, որք յիշեցուցանեն զնո-
րա կրեալն վասն քո. ապա
բուռն հար սիրով, ընդգրկեա
համբուրիւ :

Բան նախատանաց լուար,
զրպարտեցար, յանիրաւի զրկե-
ցար, փոխան ընդ բարեաց չա-
րիս կրեցեր. խաչին են թախք
այսոքիկ՝ յիշեցուցիչք Քրիս-
տոսի նախատանացն. տար և
դու համբերութիւնք : Զնիւն մեծ
է վշտանալ քեզ առ սեղանին
Քրիստոսի, ուր Բահաղու պաշ-
տօնեայք զմարմինս իւրեանց
ցաէին յարիւն առ նորա պիղծ
սեղանովն :

ՄԱՍՆ ԵՐԻՈՐԴ

ՈՉարժան է վհատել յոր-
ժամ յաճախութի վշտաց խա-

չին քեզ վիճակեացի : Թէ և
 ծանրանալ 'ի վերայ քո թուի
 զառաջինն , այլ որպէս թե-
 թեաթուիչ է նա , է և թեթեա-
 ցուցիչ : Թէ յօժարութիւն զայն
 բառնաս , և նա բառնայ զքեզ
 վերայ ամենայն վշտաց , արիու-
 թի քեզ պարգևէ , տայ պար-
 ծել 'ի նեղութիւնս , խնդալ և
 դոհանալ . որով ոչ ևս մնաս
 դու խաչեալ , այլ խաչահանու-
 կրից քոց , բեւոտղ մարմնոյ
 անդամոցդ , ջաղխիչ գլխոյ հին
 օձին . և 'ի կատարածին խաչիւն
 պահեալ՝ թաղաւորեացես ընդ
 Գրիստոսի յերկինս :

Ի ՏՕՆԻ

ԵՐԵՒՄԱՆ ՍՈՒՐԲ ԽԱՉԻՆ

«Երևեսցի նշան Որդւոյ
մարդոյ յերկինս»

ՄԱՍՆ ԱՌԱՋԻՆ

Ո՞ր իցէ արդեօք նշանս յա-
մենայնէ որք երևեսցուցիչքն են
գերազանցութեան Քնի թաղա-
ւորին մերոյ : Ապաքէն երկինք
երևեսցանեն տեսլեամբ և ընդ-
արձակութիւն իւրեանց զմեծու-
թի և զփառս նորա . արեգակն
զսրայծառութի նորա . լուսա-
ւորք ամենայն զբարեբաշխ ա-
ռասութիւն սարգեաց նորա .
հաւր զահաւորութի և զսասա-
կութիւն զօրութի նորա . օգք

զամէնրն թաց անօսրու ՚ի նորա :

Այլ սակայն ոչ այսք և ոչ այլքն ամենայն արժանացան արձակարար նշան կոչելոյ : Նըշանք են սոքա ըստմասնեայ և թերակատար, յայտնիչք ասանձին իմիք գերազանցու թեան Քսի : Խաչն միայն է նշան արձակարար, նշան ընդհանրական և ամենատեսիլ. իբր սահման համառօտ և տառ փակագիծ ամենայնի՝ որ ինչ ՚ի Քս և ՚ի Քսէ :

Ասան զի ցուցանէ զայն՝ որ ըստ յօժու թէն, և որ ըստ անտեսու թէն. ցուցանէ զփառս նորա ընդ անարգու թէն. զգորու թին ընդ տկարու թէն. զխմաստու թիւնն ընդ կարծեցեալ յիմարու թէն. զբարու թին ընդ խրատու թէն. զողորմու թին ընդ արգարու թէն : Նրեկցուցանէ զնա պարտաւոր և անպարա, դատեալ և դատող, մեռեալ և կենսատու :

Այս նշան երևեսցի ոչ ևս
 յերկրի՝ իբր յառաջնուամն, այլ
 յերկինս՝ իբր երկին գերազանց
 քան զերկինս, և յերևել նորա
 լուեսցեն այլ ամենայն նշանք :

ՄԱՍՆ ԵՐԿՐՈՐԴ

ՆԱԸՆՔ կամայականք երևե-
 սուցիչք են այլոյ և այլոյ ըստ
 այլ և այլ հաճոյից : Յորժամ
 հեթանոսն տեսանէր զխաչ, ի-
 մանայր զխաչեալն վատանուն
 տամբ և հայրենեօք, յորժամ
 հրէայն տեսանէր զխաչ, իմա-
 նայր զխաչեալն անիծապարտ
 յոյ : Յորժամ քրիստոնեայն
 տեսանէ զխաչն՝ իմանայ զխա-
 չեալն տուող ազնուութե մարդ-
 կան, և բարձող անիծից : Այս-
 չափ այլազգի են խորհուրդք
 մարդկան ՚ի խորհրդոցն յոյ-
 այսպէս այլ ընդ այլ տեսանեն
 աչք մարդկան, և աչք հաւա-
 սոյ :

Թէ հաւատով ակնարկես 'ի խաչն ակրունական, ակամենս զնա մատեան արիւնագիծ՝ գըրեալ ներքոյ և արտաքոյ, 'ի վեր և 'ի խոնարհ : Ներքոյ ընթեռնուս զնա գործի վրկութեան, զէն յաղթութէ, սասկարքայական : Իսկ արտաքոյ՝ անիծից գատապարտարան, փայտ սառսահասի, աղգակից ծառոյն յանցանաց :

Տեսանես 'ի վեր գծագրեալ զբարձրու թի մեծ վայելչու թէն ւոյ, և 'ի խոնարհ՝ զխորս խմատու թէ նորա . իսկ 'ի թեան՝ ըզլայնու թի և զընգարձակու թիւն սիրոյն ւոյ :

Ո՞վ արդեօք կարող իցէ բանալ զմատեանս, և մտառել զան ճառելիան որ 'ի նմա . բայց միայն զէնեալն 'ի նմա գառն, և որ զհետ երթայ գառինն խաչակցու թեամբ, նա ակողե կասցի ըստ չափու աշակերտու թեանն :

ՄԱՍՆ ԵՐՐՈՐԴ

ԱՌ մարդիկ սովորութիւնն է զգործիս անարդանաց բառնալ 'ի միջոյ անյայտութիւն, զի մի անարդեալն և ևս անպատուեացի, և մի անարդութիւն կամ թշնամիք յաւէտ խնդայցեն, և մի սիրելիքն ամօթով կորացին:

Զինչ այլ անարդագոյն յաշխարհի քան զգործարան խաջին: Եւ սակայն ոչ միայն զնոյն զթաղեալն և զանյայտեալն 'ի մարդկանէ 'ի վեր եհան Քն, և ոչ միայն 'ի գլուխս սրահաւորս աշխարհակալ իշխանաց վերացոյց զնա, այլ և 'ի տեսիլ ամենայն աշխարհի երևեցուցէ զնա յերես երկնից սրանձանօք:

Եթէ նիստ երկրաւոր թագաւորի 'ի տեղի անարգ՝ ազնուացուցանէ զնա քան զբեհեղեայ առագաստս, զինչ ապա առնիցէ հանգիստ փառաց թա-

գաւորին ՚ի խաչն անարգանաց :
 Ապաքէն փոխեալ զանունն՝ ոչ
 ևս խաչ, այլ աթոռ փառաց
 արար զնա, անմատչելի ամենայն
 երկրաւորաց :

Ասն այսորիկ ընդ երևումն
 նորա՝ փառք Քրի խաչեցելոյն և
 ևս բացափայլեացէ. հրեշտակք
 պատկառեացին, արգարք զուար-
 ճացին, մեղաւորք ամաչեցեն,
 անհաւատք ապաշարեցեն, խա-
 չահանութիւն բաղխեցեն զկուր-
 ծրս յանօգուտ, և գործու-
 նեայք չարին դեք՝ սարսեցին
 հարեալք ՚ի նշուլից նորա :

Իսկ արդ ընդ խնդացողսն լի-
 նել կրօմիս, թէ ընդ լացողս. ե-
 թէ այժմէն կրեցես զխաչն ՚ի
 սրտի, երևոյթ նորա զուարճա-
 լի գիպեացի քեզ յաւուրն յետ-
 նում :

ՈՒԹ

ՄՏԱԾՈՒԹՒՆՆԻՔ

ՎԱՍՆ ԱՒԱԳ ՀԱԲԱԹՈՒՆ



Ի ՀԱԲԱԹ ՕՐՆ ՅԱՌԱՋԸՆ
ԹԱՅ ԵՆՂԿԱՋԱՐԴԻՆ

ՅԻՇԱՏԱԿ

ՅԱՐՈՒԹԵԱՆ ՂԱՋԱՐՈՒ



ՄԱՍՆ ԱՌԱՋԻՆ

ՅԱՌՏ մարմնոյ ըմբռնեալ
դնի Ղազարոս՝ սիրելին Յնի
տեառն : Քորքն սգաւորք 'ի
սիրտումն ցաւագին սրտից իւ-
րեանց սրտագամաւոր առաքե-
ն առ ամենահնար բժիշկն , սիրե-
լութեանն յիշատակաւ զար-
թուցանելով զփոյթ խնամոցն :

Լսէ զայն Յիսուս . անկասկած
 առնէ 'ի վտանգէ մահուն . յա-
 մէ գնալ անգր աւուրս երկուս,
 և Ղազարոս մեռանի :

Ո՛վ մահ՝ դառնագոյն առ-
 քորսն կենդանիս քան առ մե-
 ռեալն Ղազար : Լսել թէ կեց-
 ցէ, և տեսանել զի մեռաւ, ո՞չ
 ասլաքէն զառժամայն յոյս նո-
 ցա փոխարկէր 'ի սուգ անփա-
 րատելի : Այլ ո՛վ ամենահնար
 իմաստու թէ բժշկին, որ կրկնա-
 կի կամեցաւ 'ի վար արկանել
 զցոյցս սիրոյ և զօրու թէ իւրոյ,
 'ի կենդանացուցանել միանգա-
 մայն զսիրտ քերցն, և զմարմին
 եղբօր նոցա :

Ոչ պարգեւէ յօժ 'ի ժամու
 բազում անգամ զոր խնդրեմքն,
 որպէս զի առաւելագոյն շնոր-
 հեսցէ մեզ տարաժամու : Թո-
 զացուցանէ անկանել քեզ 'ի
 ցաւս ինչ . ոչ փարատէ զեկեալ
 հասեալ տառապանս . այլ է
 երբէք զի սաստկացուցանէ և

ևս : Այսպէս յամենայն ի դաւ,
 զի կրկին առատացուցէ ՚ի բեզ
 զնորհն՝ նախ զհամբերութենն,
 ապա զազատութենն ՚ի վշտաց :
 Ապա մի լքանիր ՚ի խրատու
 տեառն . ստացիր համբերութի
 քով զիրաւունս միտիթարութե
 առ ՚ի յայ :

ՄԱՍՆ ԵՐԿՐՈՐԴ

ՀԱՐՑԱՆԷ ՅՄ, ո՛ր եղեք ըզ
 սիրելին իմ զՂազար . և կայ
 տեսանէ ՚ի բացէ յայբի միում
 վիմով ամրափակեալ : Այլ ան
 գէն քաղցր արտասուս յաչացն
 ծորելով, ցուցանէ թէ ՚ի սրտին
 կենդանի ունի զսիրեցեալն, և
 ՚ի վկայութի անհաւանիցն՝ ա
 զազակէ առ երիզասպինգ մե
 ուեալ մարմինն . Ե՛կ արտաքս :
 Տեսին զնա անհաւանքն և ՚ի
 միտ առին՝ թէ որ զմարմինն կեն
 դանացոյց, կարող էր առնել զի
 և մեռցի մի :

Ահաւասիկ քանզի յոյժ սիրէր զնա, կամեցաւ և ինքն վշտանալ արտասուելոյն, և զարտասուան մատոյց դեղ կենագործող, և զսէրն եցոյց գրաւական անմահութեան, ճանաչել թէ ցայն վայր կենդանի է մարգ, ցորչափ է սիրեցեալ: Այսու 'ի միտ առնում և ես քանի՞ կսկը ծագին ևս արտասուեաց բարեգորոյն Յս ընդ մեռելութի հողւոյս մեղօք, որ դառնագոյն է նմա քան զմարմնոյ մեռելութի. որչափ ազաղակեաց՝ առ կենդանութի զիս վերակոչելով. և ուր Ազգար զոյգ ընդ ձայնէն եկաց յանդիման՝ զի սիրէր, ես անյարիր մնամ և անլուր, զի օտար 'ի սիրոյ եմ:

Այն ինձ 'ի կրկնակի մեռելութեանս՝ հողւոյ և մարմնոյ. զիսորդ ոչ արտասուեմ, իբր ոչ սղբամ զանձն իմ: Բայց զի կենդանի թերևս զիս առգնեմ, ոչ զգալով նեխոյ հոտոյն գարշու-

Թէ, որ զգուելի առնէ առ ԿՅԺ
 և առ մարդիկ : Այլք հոգան
 խնամ կենդանութե, և ես իբր
 կենդանի գոլ զանձնս խաբեմ :

ՄԱՍՆ ԵՐՐՈՐԴ

ԲԱՐԵ, յարուցիչն Յիսուս և
 Ղազարոս յարուցեալն կան մի-
 մեանց խրատակիցք յընթրիս
 սիրոյ . և զն՛նչ պէտք անդ խոր-
 ակաց համագամոց, ուրախօր սի-
 րելութիւնն էր նոցա և կերա-
 կուր և ըմպելի և երգ ցնծու-
 թեան : Այք նոցա ՚ի միմեանս
 խանդաղաակին անթարթափ,
 ՚ի միմեանց լսել, առ միմեանս
 խօսել, զիրերաց խորհել . այս
 էր բովանդակ նոցայն սեղանա-
 կցութիւն :

Լսեն զայս ամենայն և տե-
 սանեն իսկ հրէայքն մերձաւորք
 և հեռաւորք . են որք շահեալք՝
 հաւատան ՚ի Քն, և են որ ընդ
 Ղազարոս խնդակից լինին : Իսկ

ատեան նոցա զլինչ . մահ խորհի երկոցունց . միումն՝ զի կեցոյց , և միւսումն՝ զի եկեաց . յանցանք նոցա այս միայն էր :

Տեսանենս , թէ զխորհ խորհի , և զլինչ հատուցանէ աշխարհ . և դու սիրես զնա տակաւին , որ այսպէս անիրաւ է 'ի դատել , անագորոյն 'ի սպանանել : Կամ ընդ այն զի՞ զարմանաս՝ եթէ փոքու քոյ երախտեաց անշնորհակալու լինիցին մարդիկ , կամ հատուցանիցեն ինչ չար : Բարեգործութի յածուստ միայն պաակի . իսկ առ 'ի մարդկանէ կամ ոչ ճանաչի , կամ ընդ չարեաց գնի համարի :

ԵՂՕԹՔ

Ա՛ր քեզ ազազակեմ , ո՛վ բարեխնամող Յս , և հեղում զսրախ պաղատանս միաձայնու . թի՛ք ընդ պաշտօնասէր քերցն Ղազարու : Գթա՛ ըստ անբաւ

մարգասիրութեանդ յանձն իմ
 օխտացեալ և ՚ի մահ մերձե-
 ցեալ . մատո՛ց ցօղեա՛ զկեցուցա-
 նողդ կաթուած ամենահայեցիկ
 աչացդ առ հոգւոյս իմ անօխ-
 տութի . լոյ՛ծ զկապանս մեռ-
 օրինակ օխտից իմոց . և շնորհեա՛
 ընթանալ անսայթաքելի ընդ
 շաւիղս հրամանաց քոց . որով
 կարող լինիցիմ մատչել համար-
 ձակ յերկրագոյնելի ոսոս կեն-
 դանացուցչիդ իմոյ , փարեւ ըզ-
 նոքօք ոգւոյ համբուրիւ , թա-
 նալ աղի ցօղով զըջման՝ փոխա-
 նակ քաղցրաբուխ արտասուացն՝
 զոր վասն իմ լացեր , ո՛վ ա-
 մէնողորմ : Չեմ՝ արժանի խառ-
 նիլ ՚ի բազմական քոյոյ սե-
 ղանոյդ նման Ղազարու . բայց
 գոնէ ՚ի նշխարաց քո ողորմու-
 թե՛դ մի գտայց սովեալ , տէր
 անօխակալ . և եթէ ոչ ծառայ-
 եցի քեզ և ոչ ծանուցայ որպէս
 սիրելի , մի աղաչեմ իբրև ՚ի թըշ-
 նամւոյ երեսս դարձուցանիցես :

Ի ԿԻՐԱԿԷԻ

Ծ ԱՂԿ ԱԶ ԱՐԴԻ

ԾԱՍՆ ԱՌԱԶԻՆ

Ի ԽՆԴԻՐ ԵՆ ՀՐԷԻԳՆ ԳՎԽԱ-
 ԼՈՐՔ՝ յԳԱՍՈՒԽՐԱԿԱ ԼԱ ԿԱՐԳԵՈՂ
 ՎՊԱՆ ՅՆԻ, Ե ԽՆԳՐԵՆ ԳՆՈ՝ ՈՂ
 ԳԼ ԵՂԱՆՈՔՆ Ի ՎԱՐԳԱՎԵՍՈՒ-
 ԹԻՆ ԱՂԱԿԵՐՈՒՆԵՈՂՔ ՀԱՐԱՍՈՍՅ-
 ԳԵՆ, ԱՂ ՎՊԱՆ ԵՂԱՆՈՍԳՆ Ե ՎԱՐ-
 ԳԱՎԵՍՈՒԹԵՆ ԱՆԿԵՍԳ ՎԱԽ-
 ՃԱՆՈՒՐ ՔՈՒՆՈՍՅԵՆ ԳՆԱ յՈՂ-
 ԽԱՐՀԷ, ԸՈՒ ՀՈՒՄԱՐԵՈՂ ՔԱՆ
 ԿՈՐՆՆԷԼ ՀՈՒՄՈՐԷՆ ԱՂԳԻՆ՝ ՄԻՈՅ
 ՈՒՆ ԵԵԹ ՄԵՈՒՆԵԼ:

ԵԹԷ ՅՆ ԽՈՅՍ ՍՈՍՐ ԵՐԲԷՔ
 յԵՐԵՍԱԳ ԹՆՆԱՄԵՍԳ՝ ՈՂ ՍՈ-
 ԵՐԿԻԸԳԻ, ԱՂ ՍԱԳԱՆԸՈՎ ԺԱ-
 ՄՈՒՆ ՍԱՀՄԱՆԵԼՈՅ, ԱՂՆ ԱՀԱ

եկն եհաս : Ո՛չ ևս դադրագո-
ղի յանշէն անապատս շրջի նա ,
կամ յանծանօթ գիւղս և յօ-
տար գաւառս , այլ աւանիկ ամ-
բարձեալ փառօք , շուրջանակի
մեծարեալ յամբօխից բազմաց ,
իրր խայտաւով 'ի վերայ բլրոց ,
չքով արքայականաւ գիմեալ
դայ 'ի մայրաքաղաքն երրայա-
կան : Ոչ փողք առաջի նորա և տա-
ւիղք և քնարք արուեստականք ,
այլ մեծահնչիւն ևս միաձայ-
նութիւն ժողովրդոց առաջի և
զկնի՝ ովսաննա երգովք զեկեալ
Թագաւորն պատուասիրեն՝ ան-
երկիւղաբար դաւանութք :

Ի դրդի Երուսաղէմ՝ բովան-
դակ . իշխանք և օրինագէտք
յապուշ հարեալք՝ Ո՞վ է սա ,
հարցանեն . և լսեն յաննախանձ
ժողովրդենէն . Մարգարէն է սա ,
ԅս՝ 'ի Նազարեթէ : Ուր առ հար-
ցողացն շարուի ասել 'ի դէսլ էր .
Սա նա է՝ զոր սպանանելն խրն-
դրէք . արգ 'ի ձեռս եկեալ կայ :

Բարեկէ, ո՞վ 'ի միտ առնուցու
 զառակս իմաստութեն քնի .
 նա որ յամենայն կեանս իւր
 յանձին տարաւ զանփառ ունակ
 նուաստութիւն . զինորդ մերձ 'ի
 կատարած արքայակերպ եկա-
 ւորի, իբր այն թէ 'ի թագա-
 ւորել գայցէ . ուր ըստ ար-
 դեանցն կատարման յառաւելա-
 գոյն անարդութի իւր յարգա-
 րէր զամենայն . զի անդ ուր
 հնչէր այսօր՝ Ովսաննա 'ի բար-
 ձունս, յետ սակաւուց որո-
 տայցէ՝ Խաչեացի ընդ անօրէնս :
 Որպիսի՞ այս թագաւոր, որոյ
 գահոյք խաչն է պատրաստեալ :

Հասկա ելցուք և մեք նմին ընդ
 առաջ՝ երկիր պագանել և օրհ-
 նել ընդ բարձրութե նորա և
 զխոնարհուի, ընդ մեծութեն և
 զսէրն . զի ճոխաբար գայ՝ ցըն-
 ծալից բերանովք 'ի Ժողովրդոցն
 բարեբանեալ, և ինքն արտասուս
 կաթեցուցանէ յաչացն 'ի վե-
 րայ քաղաքին անշնորհակալուի :

ՄԱՍՆ ԵՐԿՐՈՐԵ

Ահա թագաւոր՝ քո գայ՝ յառաջաձայնէ մարգարէն . թագաւոր տիրապէս , այլ հեզ , այլ արդար և փրկիչ : Եթէ յահաւորուէն սրտկառիս , վստահացիր՝ ի հեզու թինն . ՚ի սաստէն երկնչիս՝ զի արդար է , ողորեա՛քանզի փրկիչ է : Իբրև թագաւոր հզօր յաղթող է ամենայն թշնամեաց իւրոց . բայց հեզու թինն ներող առ ամենեսին . արդարու թք զամենեցուն սարսուհատուցանել գայ , զամենեսին փրկել ՚ի կորստենէ :

Ազէ մի յետնիր և գու լինել հանգիսակից . անգր ասա ընթանան ծերք և տղայք , կոյրք և կաղք , աղքատք և մաքսաւորք : Ընդ ծերսն մանկաբարխայտա՛ յօրհներգութիս . ծերունաբար ընդ տղայսն խորհրդարանեա՛ . լուսաւորեցիր ընդ

կուրաց . ընդ կաղան վազեա՛ կայ .
 Թե՛լով : Լէ՛ր Չաքէօս՝ ՚ի գլխոյ
 ծառոյն զՅի՛ս խնդրե՛լով . զի ար-
 ժանասցիս վանատուր լինե՛լար .
 դարացուցիչ քու՛մ Թագաւորի :

Ալքատ ես ՚ի գոյից . այլ
 ահա առանց արծաթոյ ունիս
 ձիթենիս և արմաւենիս , մատո՛
 ղոստս ծաղկեալս հաւաստով .
 քաղցրացո՛ զօրհնաբանութիւն
 յերկինս . տարածեա՛ արկ ընդ
 ոտիւք նորս զսրախ քո ախոր-
 ժակս փոխանակ հանգերձից :
 Ընդ աշակերտացն միաձայնե-
 լով քարոզեա՛ զեկեալ Թագա-
 ւորն . Թող լուիցեն՝ անհա-
 ւանքն , հաշեացին և զայրանայ-
 ցեն . զի ո՛րպէս լուել կարեն՝ հա-
 ւատացեալք , ուր քարինք ան-
 գամ յաղաղակել պատրաստ են :

ՄԱՍՆ ԵՐՐՈՐԴ

ՄՏԱՆԷ փառօք Յի՛ Թագա-
 ւոր . յերուսաղէմ իբրև յիւր

արքայարան . այլ զի մի յափըշ
տակու թի իմն կարծեսցի թագ
առնուլ , 'ի տաճար անդր մատ
չի աղերսարկու և նախանձաւոր
փառացն ւոյ : Անդ իշխանարար
զտուենն ւոյ սրբէ յանտեղի վա
ճառացն . անդ 'ի մանկուոյն
օրհնի իբրև արքայ երկնաւոր .
անդ կուրացն բժշկու թիւն , և
կաղաց վերաքարողէ զգորու թն
բարեգործին :

Իսկ ուր է ապա սպասահար
կու թի սլաշտօնէից տաճարին :
Այլ նոքա 'ի համաշխարհական
բարեմասնու թեն կուրացան կա
ղացան 'ի շաւղաց իւրեանց . ոչ
նախանձն ւոյ , այլ բելիարայ եկեր
զնոսա 'ի թշնամանել և յանտես
առնել զեկեալ փրկիչն . որ և յի
րաւի ե թող լիք զնոսա , ել գնաց
սիրադին . վասն զի ոչ ծանեան
զժամանակ յերկնից այցելու թն
իւրեանց :

Տէս 'ի միտ առ , անձն իմ .
ուր միանգամ նախանձ չար

զօրանայ, և իշխանասիրութիւն
 և անձնայարգութի, անդ տկա-
 րանայ գոգցես բարեգործական
 զօրութիւն ւոյ . ոչ ևս երևի անդ
 Քս թագաւոր հեզ և փրկիչ,
 այլ դատաւոր խիստ անողո-
 քելի :

ԱՂՕԹԳ

ՆԱՅԵԱՑ և յիս, բարէխնամ
 Յս, ոգւոյս իմ թագաւոր . հայ
 եաց քաղցրութեամբ որպէս 'ի
 կոյրն բազմասպառառ, որ ոչ իբրև
 զնա որդի սոսկ Դաւթի զքեզ
 դաւանեմ, այլ 'ի վեր ևս Դաւ-
 թի տէր և Արդի ւոյ : Փարատեա
 'ի հոգւոյս աչաց զանտեսութի
 խորհրդոց քոց . պարգևեա՛ կա-
 ղացելոյ ոգւոյս ընթացս ուղիս
 զկնի հետոց քոց . բայց զբերան
 իմ և զլեզու յօրհնութիւնս քո
 ընեւ փառաբանակից զուար-
 ճացելոցն ընդ առաջ քո ման-
 կանց տղայոց : Ահա կամ տա-

բաժեալ ընդ ոտիւք մարգասի-
 րու թէքօ. մի գարշիբ, աղաչեմ,
 դալ ագանել 'ի տան հոգւոյս.
 կարող ես սրբել զայն յանմաք-
 րութեց, և տաճարացուցանել
 հօր քում, զի եղիցի քեզ 'ի
 բնակութի յաւիտեան :



ՅԱԽԱԳ

Ե Ր Կ Ո Ւ Շ Ա Բ Ա Ր Ի

Ի ԽՈՐՀՈՒՐԴ ԵՐԵՐՉՈՒԹԵԱՆ
ԵՒ ԵՆԿՄԵՆ ԱԴԱՄԵՅ

ՄԱՍՆ ԵՌԵՂԻՆ

Եթէ յարարչագործ զօրութեն հրաշայոյց անձ զարուեստախերոյ խմաստութեանն, 'ի հաստատել զմարդն եղանութեամբ վերջին, այլ սպասկերակցութիւն գերիվերոյ համայն արարածոց, 'ի վեր ևս արտափայլեաց զսէրն նախախնամական, զուարճութի յանձն ցուցանելով 'ի բովանդակել անդ մարդոջն զարարածս, և 'ի մարդկանն ազգութիւն վնեցող, Բայն զարմա,

նալեացն . զիարդ որ ինքն միայն
երանելին է իսկութիւն , 'ի մար-
դումն ուրախ լինիցի՝ յաղօտա-
գիծ իւրում պատկերի , առա-
ւել զարմանահրաշ երևեալ
մարդասիրութիւն՝ քան աշխար-
հագործութեամբ :

Արաքս ձեռագէտ ճարտար՝
խնամով արուեստակեաց զմար-
դըն . հոգացաւ նմա օգնական
համարնակից . կայան բնակու-
թէ անկագործեաց դրախտ ա-
մենազուարճ . խնաստութեամբ
և տիրական իրաւամբք մեծա-
ցոյց զնա 'ի վերայ ամենայն
ձեռակերտաց իւրոց : Եւ զինչ
այլ . երկու գոգցես ի՞նչս ցու-
ցանելով 'ի տիեզերքս , ի՞նչս եղա-
կան զմարդն՝ անեղին ի՞նչս փո-
խանորդ և գործած սիրոյ . ա-
րարուած ուն խոնարհ քան զնա ,
այլ սիրով հաւատարմորդ . մի-
մեամբք բերկրեալք , յիրեարս
հանդուցեալք . ի՞նչս մար-
դասէր , և մարդ միայն ի՞նչս ասէր :

ԱՅ որպէս միշտ արարիչ, նոյն պէս միշտ սիրող - բայց եղև արդեօք ըստ 'անդրադարձի միշտ սիրեցեալ: Յիւրմէ՞ն, այո՛ միշտ սիրելի, և միշտ սիրեցեալ: Իսկ ապա 'ի մարդոյն - աւանդ, զի Ադամ ոչ ևս յանդիման երևի:

ՄԱՍՆ ԵՐԿՐՈՐԴ

Ո՛ր ես, Ադամ, հոգալով իմն ձայնէ արարիչն՝ շուրջ եկեալ 'ի վայրս դրախափն: Ո՛ր ես, Ադամ - հիմ շերեխ որպէս միշտն՝ ընդ առաջ քո սիրողիդ - ահա զոր սիրեցիդ՝ խնդրեմ, ըզհանդուցիչդ իմ՝ յոր զուարճանայի՝ որոնեմ, 'ի համբոյր սիրոյ եկեալ կամ. ո՛ր ես, զի՞ յամենաս, մի արդեօք փոխեցար յընտանութենէդ:

Այլ Ադամ քողարկեալ յաւէտ ամօթով քան ընդ ծառովք՝ յամենատես սիրողէն, ոչ ևս բարբառ սիրողի արձակէ առ

սիրեցեալն, այլ յանցաւորի և
երկուցելոյ և ինքնադատ ամ-
բաստանողի: Ի ճայնէ քուսմէ,
ասէ, որ յառաջն ասորթալուր
առ իս հնչէր, այժմ զարհու-
րեալ թաքեայ, մերկանդամ
զիս ինքն գտանելով:

Ո՛ր ամենաթշուառ փոփո-
խումն. զի՞ նչ և ուստի՞ քեզ այդ
մերկութիւն: Ի հանդերձից
նչ բնաւ. զի և յառաջն անվեր-
արկու էիր, և նչ թաքչէիր:
Այո՛ արդարեւ յխմէ սիրոյս մեր
կացար. զիմ զթշնամի սիրեցեր-
բանի կողածնիդ լուար՝ և նչ
խնում գիւրադործ հրամանի:
Միթէ այս է վեհ խնաստութիւն՝
որով զքեզն սրատուցի. զայդ
հատուցեր սիրոյն իմ արխաուր՝
որով ընդ քեզ հաճեցայ: Ո՛ր
ես, Ագամ. այն՝ զոր ես ուղիղ
ստեղծի, իսկ գու Ագամ այլ
երևիս օտարաստեսիլ, խոտորեալ
և կորակոր:

Ահ՛ հ խնայինս արարչախնամ

սիրոյ . վայ կորստականգ ապե-
 րախտութե . եղնկ քեզ , և որ
 զկնի քոյինդ զարմի : Մերկա-
 ցար 'ի սպառ համօրէն սերըն-
 դ 'լքդ զան Տեղութեն անպատ-
 կառացոյց տեսիլ . ծածկոյթ
 քեզ ամօթոյ զթզենիդ ունիս
 դժնդակ կենօք . անէծք այսու-
 հետե , ցաւք և քրտունք և
 մահ քեզ բաժին՝ փոխանակ
 բարեբաւտիկ անմահութեանն :
 Ա՛չ ևս կայ քեզ տեղի 'ի յարա-
 զուարճ դարաստանիս . ոչոտա-
 քոյ լեր 'ի քաղէլ քեզ փուշ
 խոցոտիչս , թէ կարիցես հան-
 գիստ գտանել :

ՄԱՍՆ ԵՐՐՈՐԴ

ԱՐԱԳԱԳԷՍ 'ի գործ եգաւ-
 տարագրութեանն դատակնիք .
 պատժաւորն Ագամ համազու-
 դաւն Եւայիւ անգարձ վտարե-
 ցաւ . առան փակեցան ճանա-

պարհք գրախափն 'ի հրազինեալ
պահապանաց :

Ո՛վ աղէտիցն . զինչ այդ ող
բոց պատահումն , ո՛ր նախա-
հայրդ Ագամ . յորմէ՞ բարձրու-
թեանէ յոր խորս սահեալ ան-
կար , յամենապատիկն երջան-
կութէ 'ի բոլոր հեքուես վայր-
անկեալ քոյինազարմ ծննդովք :
Զո՛վ որ առաւել լացցուք ող
բացուք թշուառական որդիքս .
զքե՛զ՝ որ կամաւ յանցեար , թէ
զմե՛զ՝ զորս դու յանցուցեր :

Այլ ահա ողբակիցք և արքա
մահադորդք ընդ հօրդ մերում՝
լամք միաձայն զհասարակաց մեր
կործանումն անկանգնելի . ոչ
զայն սոսկ՝ զի փափկութեանցն
գրախափ անճաշակք եղաք և
սնմատչելիք , այլ զմեծն զան-
մխիթարելին սոյժ , զի յաճային
'ի քաղցր երեսաց օտարացաք
ապաշնորհ ստացուածք ան , ոչ
ևս անխնայք՝ այլ ծառայա-
ցեալք ցաւոց և ախափց , առ 'ի

չարն հակամիտեալք և անհամբոյրք բարւոյ : Աւան յոգի վերաւորելոցս . իցէ թէ բժշկու . թիւն գոնէ մասամբ գտանիցեմք կարևոր չարեացս , կամ սրտի գիւր 'ի գժնդակակիրն հոգոց :

Այդ ձեր լալիւն է , որդեակէ իմ , ասէ կողկողելով նախա . հայրն Ագամ . զի՞ ճմլեցուցանէք զսիրտ իմ հանդերձ անթով , և յաւելուք ողբս հեղձամղձուկ վտանգաւ : Ողբալ յիրաւի է ձեզ , բայց ինձ կրկին և բազմապատիկ ևս . զի մեղայ և մեղուցի , զրկեցայ և զրկեցի , և փոխանակ կելոյ՝ մահու եղէ ձեզ սրտածառ , ո՞վ զաւակք իմ :

Այլ օ՛ն . իսրախոյս առեալ ձեր ընդ իս , փոխան առաջին անախտութեն զառաջխարութի կալարուք յանձինս . զարարին ողորբեցէք այսուհետև իբրև փրկիչ և քաւիչ : Եդ բնակեցոյց զիս յանդիման դրախտին , ոչ հեռի յարարչական իւրոց ինա .

մօցն . կայ յոյս արտաքոյ գրախ-
տին ևս հաճոյանալ նմա , ըստ
որում և խոստացաւն իակ . մի-
այն զի յորմէ եան անկայ՝ զգու-
շանայցէք գուք . մի անաալ , մի
ունկնգրել շողումարար բանից ,
որպէս ես ունկն մատուցի Ե-
ւայի , և նա օձին : Քան զքնա-
կանալ ՚ի գրախաի , զգաստու-
թք կալ արտաքոյ ըստ ևս է :

ԵՂՕԹԻՔ

Ար և՛ այլ ապաստանեացուք
մերժեալքս և տարակուսեալքս ,
ով նորոգողք բնութեան մերոյ
Յն : Զի Ագամն առաջինն ոչ
ևս ճանաչէ զմեզ իւր որդիս
սրարգեաց , այլ ցաւոց և ամօ-
թոյ : Գու միայն , նորդ Ագամ ,
հայր հանգերձեւոյ աշխարհին ,
գու կարօղ ես նորոգել զմեզ
՚ի հնութենէ առաջնոյն . գու
միայն բժշկել յանցեւոց մեզաց ,
պահել յառաջիկայէն , և կե-

ցուցանել մինչ 'ի վախճան : Ա
նիծից առաջնոյն բարձող գու
ես , միայն օրհնութե ասուող . և
յայդ խորհուրդ զանիծադրու
թինն փոխեցեր այսօր յանպաղա
բեր թղենին . զի մեզ պահեսցի
օրհնութի քաղցր սիրոյ քոյ՝ առ
'ի պաղարերս առնելոյ զմեզ օյ ,
զի լինիցիմք դրախտ իմանալի
անձատուենկ՝ բարեգործութիք
զարդարեալ , յորում զուարձա
նայցես զգնալով՝ առաւել քան
յեդեմահանին , զոր կորուսաք :



ՅԱԻԱԳ

ԵՐ Ե Ք Շ Ա Բ Ա Թ Ի

ՅԱՌԱԿ ՏԱՍՆ ԿՈՒՍԱՆԱՑ

ՄԱՍՆ ԱՌԱՋԻՆ

Մ ԱՐԴՈՅ մահկանացուի չեք
ինչ, չեք ուրեք աներկեւանու թի
'ի բարւոյն սահմանի : Եթէ եր
կինք ոչ կարացին 'ի հրեշտակա
կան սգիան անախտակիրս յա
ւերժացուցանել զբարեմասնու
թեն վիճակ, եթէ շնորհազար
դելոյ մարդոյն առաջնոյ ոչ գը
րախտին ապաստանարան բա
ւահանացաւ, և ոչ բնութիւնն
անախտիդ՝ պահել զնա յակաս
տանի, որ այն վատահութի իցե
ախտաւորացս և բնաւ տկարա
ցելոց չտայթաքելոյ 'ի շաւիղս
իւծ պաշտութեան :

Գերազանց յառաքինակրօն վաստակս համարեալ է կուսու թի՛ յօժանուէր, որ գիտէ ընդ յօժ համազուգել զմարդ պնդա սէս, իբր հարանական կասով անլուծանելու : Այլ բարէ, ազգ առնէ մեզ փրկիչն և ոչ յայն վաստակն՝ յայանաբան առակաւ կուսանաց թուով տասանց, այլ կիսով ևեթ ընտրելոց :

Ի տասուես անդ նմանատիպ փայլէր կուսականն մաքրութի, հաւասար ջերմութի՛ ի պաշտօն երկնաւոր փեսային, միակրօն ճգնութիւն, հսկել միաբան, հանգչել միաբան : Իսկ ասրա՛ ի կատարածին զինչ այն տարակարծ անհաւասարութի, մինչև կալ արգելուլ հնգից նոցա արտաքոյ հարանարանին, թէպէտ և թախանձանօք զբացումն զըրանն Տակին :

Ողորմելի՛ արկած սրբանելոցն, սակաւիկ իւզոյ ոչ նա-

խաճողակ գորով անխմաստա-
բար, 'ի վարձուցն ժամու ու-
նայնաձեռն յամենայն վաստակոց
վրիպեալ գտան : Աոյսք, ճգնա-
սուհք, աշխարհատեացք, երկ-
նահանդէսք խոտան եղեալք՝
ընդ բուն անօրէնս ընկալան բա-
ժին կորստեան :

Եւ դու, ո՞վ անձն զաղփաղ-
փուն, յո՞ր ամբու թիւն վարուց
պնդեալ կայցես անկործանելի-
ուր մայրք հաստարմատք 'ի
հրեշտակաց և 'ի մարդկանէ զիւ-
րեանցն անկումն օղորմելի հա-
ռաչեն :

ՄԱՍՆ ԵՐԿՐՈՐԴ

ՉԱՐՄԱՆԱՄԳ արդեօք, և
զվասն էրն հարցաքննեմք աւա-
ղելի պատահմանն. զի արդ կու-
տանքն հնդէքին միակրօնութիւն
ընդ այլոցն առաքինացեալ՝ ին-
քեանք յիմարեցան անխրատք
յիմասանոցն օրինակէ : Ա՛չ ար-

տաքին փորձութիք, ոչ թշնամիք դաւաճանք, ոչ ախտակիր սովորութիք օտարացուցին զնոսա յիմաստութի, այլ կարծելն ըսկ' թէ զոր ունինն, այն բաւական է նոցա :

Յայսմ յիմարեցան սոքա, ուր ընդ հակառակն՝ այլոց հնգիցն իմաստութի եղև երկնչելն, գուցէ զոր յաւելուածոյն ունէին՝ չիցէ և ինքեանց բաւական, թող թէ այլոց ևս : Անմիտք շատ համարեցան առ 'ի վայելումն հարսնարանին՝ զի կուտութիք զհետ երթան փեսային, իբր այն թէ հասեալք իցեն, և ի բաւամբք ունիցին անվրէպ տեղի փառաւոր՝ վերոյ քան զայլ արդարոց կամ ասպաշխարողաց : Ահա զոր կարծեցինն թէ բաւական է, կշռեցաւ և գտաւ պակասեալ : Լաւ ևս էր նոցա զամուսնութի ունել երկիւղածութիք, քան զկուտութի յանձնապաստանութեամբ :

Բազում այնք էն 'ի մաքրա-
կրօնիցն, որք կորնչին վատահե-
լով յանձինս՝ քան որք յայլ
ծանունս յանցանելով: Ձիննչ
ամբուծի իցէ պատկերի ոսկւոյ
կանգնելոյ 'ի վերայ ստից խեցե-
ղինաց: Այսուհետև որ համա-
րիցի հաստատուն կալ, զգոյ՞
լիցի գուցէ անկանիցի:

ՄԱՍՆ ԵՐՐՈՐԴ

ԲԱԶՈՒԾ-երկիւղի և զցու-
շուծէ է յայտարարող զուգա-
ծիւ որոշումն առակաւոր կու-
սանացն, հնգիցն յիմարս ելով,
և հնգիցն իմաստուն: Եթէ ըստ
միւսում տէրունական բանին՝
բազումք էն կոչեցեալք, և սա-
կաւք ընտրեալքն, ահա և 'ի
սակաւուց ընտրելոյ անտի՝ ըստ
յարացուցի կուսանացն կիսով
չափ ընդ խոտանս անկեալ հա-
մարեցան: Ա՛չ տպաքէն հնգից
և եթ մտանել յառագաստ անդր

զերկիւղ առաւել քան թէ խրա-
խոյս արկանէ :

Աւաղ յեղեղուն վիճակի
մարդկայնոյ, զոր աներկեւանու-
թի խոստանայցէ ոք հասարա-
կական վարուց քրիստոնէու-
թէ, ուր գերաշխարհիկ կրօնից
անգամ կայ խախտումն և ան-
պիտանութիւն : Մի՞թէ ես յա-
պաշխարողաց գոչով սակի ու-
նիցիմ աներկիւղութի, զոր կու-
սանն սրբակենցաղ ունել ոչ կա-
րէ : Յիւրմէ ակարութի առա-
ւել քան յարտաքնոցն բռնու-
թի բազում անգամ կործանի
մարդ : Եթէ յօտարէ միանգամ
խաբի, յանձնէ տանիցս և
քսանիցս, և մեծ ևս վտանգաւ,
որ զի անխաբ զանձն կարծէ :

Կամիս մեալ անպտաիր, մի
անձին քում հաւատար բնաւ :
Կուսան ես, կալ զքեզ խոնարհ
քան զամուսնաւոր, պահացօղ
ես, կանոն քեզ արբեցողի հաս-
տատեալ, աղքատացոր վն այ,

ողբա՛ իբրև զաւելատացու . վըշ-
տանց բազմաց համբերեցեր , հա-
մարեանց թեթև քան զոր մե-
ղարդ՝ տանջեալ : Միով բանիւ ,
ցանկան լինել աներկիւղ՝ ի կեն-
ցաղս քո , յերկիւղի հաստատի-
լիւր միշտ . մի՛ երկնչիւր՝ բայց մի-
այն յաներկիւղութի՛ն . վստա-
հութի՛ քեզ կալլիւր չվստահել
բնաւ յանձնդ : Յո՛ւշ լիցի քեզ
հանապաղ , զի և կուսանք զոյդ
ընդ զազրագործս արտաքոյ գը-
տան արքայութի՛ն :

ԱՂՕԲԻՔ

Ո՞վ որ այսուհետև անհոգա-
բար ընթանայցէ ընդ շաւիղս
արդարութի՛ն , ո՞վ աէր Յս՝ ազդ-
արարող բարէխնամ , որ ՚ի քում-
մէ գթութենէ՛ն բանաս զսկան-
ջըս մեր առակաւ և կանխադե-
կոյց վարդապետութեամբ՝ ար-
թուն լինել ընդ առաջ քո : Ե-
թէ բազմավաստակքն յառաքի-
նութեան չունին վստահանալ .

զինչ ինձ նուազելումս 'ի վա-
տակոց բարեաց ակն ունիցիմ
պտուղ փառսուր :

Դու միայն ապաւէն իմ և
զօրութի . զոր անկեցերն յիս
խորհուրդ բարեաց , աճեցուցիչ
դու ես . եղեր զիս 'ի քում ճա-
նապարհի , առաջնորդ դու ես .
եթէ ընթանամ առ քեզ , խրա-
խուսիչ դու ես . թէ անկանիմ ,
կանգնես . թմրեալ՝ զարթուցիչ
ես . ճոխանամ պարգևօք՝ ըզ-
դուչացուցանես 'ի գողոց :

Զոր ունիմս , ամենայն 'ի քէն
է , քե սոհստանի , 'ի քեզ պա-
կի , եթէ յիս չպահասիցի ըզ-
գասաութեն լաստեր : Մի լիցի
ինձ , Կժ իմ , ըստ յիմարաց կու-
սիցն ուղևորիլ յառ քեզ ճա-
նապարհն , և ապաժաման ան-
կանել 'ի մտից առագաստին , մի
զահագինն լուսոյց՝ Ոչ գիտեմ
զքեզ . որ այժմէն աղաղակեմ ,
բաց ինձ , զի փրկեալ քո եմ ,
ստացուած քո , և ծառայ յաւի-
տեան :

ՅԱՒԱԳ

ՉՈՐԵՔՆԵՐ ԱԹԻ

Ի ՄԱՏՆՈՒԹՅՈՒՆՆ ՅԻՍՈՒՍԻ

ՄԱՍՆ ԱՌԱՋԻՆ

ՍԵՆԱՆ Ժողովեն հրէիցն ա-
 աջնորդք և իշխանք . գան
 խորհել ՚ի միասին վասն տեառն ,
 այլ ոչ տերամք : Տաւն միգա-
 պատ արդարև խորհրդանոց նո-
 ցա , մըրկայոյզ և յոգնատա-
 տան , զպատկեր նախանձու կա-
 լեալ իբր տախտակ օրինաց , և
 ամենեցուն գէմք թխացել դա-
 նամաղձութիւն , յուզին տագնա-
 պին յանհնարս մտեալք : Չի՞նչ
 արացուք , խորհեցարուք , ա-
 սեն , առնս այսմիկ Յիսուսի :

Եւ ահա յանկարծ ՚ի Ժողո-

վարան անդր գայ մտանէ շա-
 պաւ Յուդաս յԻսկարիովայ,
 քաջալերս 'ի բերանի. Ձի՛ է
 ձեզ, պետք Իսրայէլի, զի՛ տագ-
 նապիլ յերեսաց առն միոյ տը-
 կարի. աւասիկ ես, ես միայնակ
 տաց զնա՛ի կամս ձեր: Դաւ ինչ
 առ յինէն նիւթել կասկածէք
 մի՛ բնաւ, զի ոչ ես նորա աշա-
 կերս եմ, այլ ձեր արքանեակ
 կամակատար. 'ի ձէնջ ընտրեմ
 շահել, զոր 'ի նմանէ շահել ոչ
 յաջողեաց: Ձի՛նչ կամիք տալ
 ինձ վարձս մատնութե՛ն:

Յայս ձայն լրջացաւ ատեանն
 առ հասարակ 'ի զուարթագէմս
 փոխարկեալք ընդ անկարծելի
 յաջողուած յոքնավարան խոր-
 հրրդոյն. հաւանեցան, բան ե-
 դին, արժաթ կշռեցին փոխա-
 նակ արեանն Յո՛ի՛ ում ծարա-
 ւէին:

Ա՛վ գազան արիւնասխանձ
 Յուդա, որ փոքր մի յառաջ 'ի
 թիւ աշակերտաց, և այժմ 'ի

գնդի սպանողաց . և ո՞նչ սար-
սափեացի : Երբեմն հիւանդաց
բուժիչ 'ի զօրութի վարդապե-
տին , և արդ վարդապետին կե-
նացն դաւանանող : Յառաջն
յանուն Յնի այսահալած , և այս-
օր ինքն իսկ սատանայ :

Զարհուրիմք ընդ իրոց , այլ
առաւել պատճառքն են սար-
սափելի . զի անձնամատն այն
յախտ արծաթ սիրութե այնպէս
թափեցաւ 'ի մտաց , մինչև որ
յառաջն յարկեղէն և եթ փոքր
գողանայր , արդ 'ի բուն տէրն
սգահեաց գողանալ , և տալ 'ի
վաճառ . և գնողքն խնդալ խըն-
գացին արդարեւ , բայց զարմա-
ցան ևս ընդ անզգամութին՝ ա-
ռաւել կատարի քան զիւրեանցն
ատելութիւն :

ՄԱՍՆ ԵՐԿՐԱՐԴ

ԱՆՕՐԷՆՆ Յուզաս 'ի Հրէկց
ձեռս մատնէ զանսգարան Յն :

Հրէայք առեալ մատնեն զնա՛ի
 ձեռս Պիղատոսի դատարորի. իսկ
 դատարորն անգրէն մատնէ զնա
 կամաց Հրէից, առեալ ՚ի ձեռս
 նոցա: Ահա ըստ բանից գրոյն՝
 ամենեքին սոքա մատնիչք միայն,
 իսկ դատիչ լինելիչն է և ոչ ոք:
 Բայէ, անպարտականին արգա-
 րութէն վկայք երևեցան նոքին
 իսկ մատնիչք:

Այլ ո՛վ գաղտնեաց այտե-
 չութէն. զայլ մատնիչս ոմանս
 լսեմք ՚ի գրոց՝ և գատիչս Յսի
 իրաւամբք մատնեցելոյ: Եսայի
 աղաղակէ. «Տէր մատնեաց զնա
 առ մեզս մեր»: Եւ ինքնին ան-
 քորբառի. «Ետու զսիրելին ան-
 ձին խնոյ ՚ի ձեռս թշնամեաց իւ-
 րոց»: Իսկ Առաքեալ ՚ի վերայ
 նորուն իսկ Յսի վկայէ՝ «Մատ-
 նեալ զանձն վասն մեր»:

Ահա ասիկ երկու գայք մատ-
 նողաց Յսի դէմընդ դէմ միմեանց
 կացեալք յատենի: Երկրաւ որքս
 մատնեն, և ՚ի ձեռս նոցա անս-

բէնուծի, չարուծի, նախանձ
գժոխոց : Իսկ երկնաւորք մատ-
նեն՝ և ՚ի նոսա արգարուծիւն,
սրբուծիւն, գծուծի անճառ
սիրոյ :

Եծէ ընդ աւաջինան զահի
հարեալ՝ վայս և անէծս ՚ի նոսա
կարգամք, սրչամի ևս հիացմամք
երկիր պագանել արժան է և
օրհնել զերկնայինն անոխակալ
բարեգծուծի, որ պարտաւո-
րացս փոխան՝ զանսպարտն ՅՍ
երաշխաւորեաց, և սա յանձն
առ մատնիլ ընդ մեր, և ՚ի մատ-
նուծեն սեղւոջ, ուր զՅուգայի
չարուծին աւաղեաց ՚ի համբու-
րիւ մատնէն, անդանօր զկամս
հօրն պատուեալ, բաժակին առ
՚ի նմանէ մատուակելոյ զբե-
րանն մերձեցոյց ախորժաբար-
այսմ մտադիւր հնազանդ, այնմ
ներող անյիշաչար :

ՄԱՍՆ ԵՐՐՈՐԻ

ԱՊԱՔԷՆ յուժմէ կատարե-
ցան Յնի անպարտ մատնու-
թին՝ զայն քննեմք և խօսիմք և
աւաղեմք . զիարդ ոչ զլս կա-
րևորն խնդրեմք, յուժմէ՞ ար-
դեօք նիւթեցաւ այն . ո՞, ասեմ,
ես պատճառս՝ զի Որդին ւոյ՝ ի
մարդկանէ մատնեացի յանիրա-
ւի, իսկ առ ՚ի յւոյ իրաւամբք:
Ո՞ այլ . բայց ես և դու, և այլք
նմանողք մեզ մեղուցեալք :

Բարէ, առ մեղս մեր մատնե-
ցաւ Յն . զանձն մատնեաց ՚ի մեր
աղատութիւն . մերոյ վրիժուն՝
նա եղև պարտաւոր՝ յասենի
արդարութեն ւոյ : Ապա ու-
րեմն Յուդաս և իւրն կամակիցք
արբանեկեցին մերում չարու-
թեն . նախ մեք եղաք մատնիչ
Յնի հատուցողին պարտեաց մե-
րոյ : Անդէն ՚ի զգե՛նուլ նորա
զնմանութի մարմնոյ մեղաց՝ ՚ի

նմա դատապարտեցան մեղք,
 զարթեալ սուր արդարութեն
 ւոյ յանձն նորա : Ո՛չ Պիղատոս
 և ո՛չ այլ ՚ի մարդկանէ ոք և ՚ի
 դիւացիշխէին ինչ առնել, թէ
 ո՛չ ՚ի վերուստ տուեալ էր նո-
 ցա. զայս ինքնին Յս յատենի
 զեկուցանէր :

Ահա եղո՛ւկ զիս, զի ես մե-
 զանչելով մատնեցի զՅս, իսկ
 արդարութին առ ՚ի սրբել զիմ
 մեղս մատնեաց զնա : Սքան-
 չացիր ընդ հանդէս արդարու-
 թեն ւոյ, և ողբա՛ դառնապէս
 զքոյդ յանցաւորութիւն :

ԱՂՕԹԻ

ԱՆԱԻՍՍԻԿ եմ, տէր. ահա
 ընդ Յուդայի՛ փոխանորդ եղե-
 լոյ իմում մատնութեանս՝ զնո-
 րայն առեալ զիղջ, այլ ո՛չ ըզ-
 յուսահատութի, դիմեմ ան-
 կանիմ յաթոռ արդար իրաւանց
 քոց, ո՛վ տէր երկայնամիտ. և

խոստովան լինիմ, զի մեղաց և
մասնեցի զարիւն արդար. մե-
ղաց յերկինս և առաջի քո. մե-
ղաց յօժեալդ քո՝ զոր քաւիչ
ինձ սահմանեցեր : Միթէ լտի-
ցեմ զոր հրէայք ասացին՝ Մեզ
չէ փոյթ, դու գիտես :

Ո՛չ այդպէս, տէր արդարա-
դատ, փոյթ լիցի քեզ մասն
օժեւոյ քո, որ բովանդակապէս
հատոյց քեզ զամենայն զմեր
պարտս : Այսուհետեւ յիս հաս-
տատեացի ձեռն քո՛ի հարկա-
նել և՛ի պատուհասել ըստ ար-
ժանի մեղաց իմոց : Աստ մատ-
նեցայց՛ի ձեռս արդարութեան
քո, զի ողորմութի քո ինձ գրաւ
պահեսցի՛ի հանդերձեալն :



ՅԱՒԱԳ

Հ Ի Ն Գ Շ Ա Բ Ա Թ Ի

Ի ՎԵՐԱՅ ԽՈՐՀՐԴԱԿԱՆ

ՎԵՐՆԱՏԱՆՆ

ՄԱՍՆ ԱՌԱՋԻՆ

ՆԱՄԱՌՕՏԵՑՄԱՒ պատքայն հրէական, և կատարիչ օրինացն Յն գայ ցանկանալով ուտել զյեօին զատիկն օրինական, զի սկիզբն առնիցէ նորոյ զատիկի իւրոյն զէնմամբ: Ո՛չ ևս ընդ աղքատին յարկաւ՝ որպէս էրն սովորեալ, այլ՝ ի վերնատուն ՚ի մեծ և յարդարուն մասնէ բազմի ընդ աշակերտան: Բազմի իբրև տէր նոցա և վարդապետ, և հարցանէ իսկ. Ո՞վ է մեծ, բազմեանն՝ եթէ սպասաւորն. ապա

քէն ասէք՝ բազմեալն : Այլ ես
 թէ և բազմեալ՝ կամ 'ի ձերում
 միջի իբրև սպասաւոր : Եւ անդ
 քէն զքանն արդիւնացուցանէր :
 Յառնէ յոտս կայ, զհանդերձսն
 դնէ 'ի բաց . ղէնջակ զմիջով
 սփածեալ՝ արկանէ ջուր 'ի կոնք .
 մի ըստ միոջէ զոտս աշակերտացն
 լուանայ, և ղէնջակաւն սրբէ .
 և ոչ բազմեցաւ դարձեալ, մինչև
 բովանդակասպէս զժառայականն
 սպասահարկութիւն տարաւ 'ի
 գլուխ :

Չարմանամք մեք, և զհարգ
 ոչ, ընդ այս անհամեմատ խո-
 նարհութի տեառն Յնի . զար-
 մացաւ և Պետրոս, և հրաժա-
 րեաց երկիւղիւ . բայց որպէս
 նա՝ և մեք լսեմք 'ի տեառնէ .

Չոր ինչ եսս գործեմ դուք այ-
 ժըմ ոչ գիտէք : Եւ երբ ար-
 դեօք, կամ թէ իցէ հնար, ով
 տէր, անհասանելի քո խոնար-
 հութեն լինել մեզ գիտօղ, ընդ
 որ և հրեշտակականն նրբատե-

տութի պակուցեալ 'ի հիացման
կայ : Իցէ՞ թէ միաբանիցի ծայ-
րագոյն մեծութի ընդ ծայրա-
գոյն նուաստութե : Տիրակա-
նիդ ծառայանալն կամ զտէրու-
թին բառնայ , կամ զծառայու-
թին վերամբառնայ :

Եւ այս ահա ճշմարտեալ է .
զի այնպէս սքանչելի ես 'ի խո-
նարհութեդ , որպէս 'ի բարձ-
րութե . երկրպագելի բազմեալդ
'ի քերոքէս . երկրպագելի և
անկեալդ յոտս աշակերտաց .
զենջակդ ծառայական մեծա-
գնի ևս է քան զպատմուճան ար-
քայական : Աերնատունն յոր
բազմեցար , ոչ կարէր ունել բը-
նաւ զարդս այսմ զուգական :

ՄԱՍՆ ԵՐՎՐՈՐԴ

ԱՅՆ պատկառելին սերով-
բէից ոչ շատ համարեալ զայս-
քան զիւր խոնարհիլ , յառա-
ւելագոյնն 'ի վար արկանէ զա-

րարչագործ զօրութիւն և զսէրն
 ամենահնար : Սիրեաց 'ի սպառ
 զիւրան՝ որ յաշխարհի աստ, ա-
 սէ վայելող սիրոյն Յովհաննէս :
 Եւ իւ սպաքէն սիրեաց : Ա-
 սարչական բանիւ . որոյ ասելոյն
 եղեալքն ամենայն հացան , նո-
 վին ասէ հացի , մարմին իւր լի-
 նել , և եղև . ետ զայն 'ի ճաշա-
 կումն , և կերան աշակերտք :
 Զբաժակն նոյնպէս արիւն իւր
 ստաց և եղև . արբին զայն և ար-
 բեցան աշակերտք : Աստանօր ոչ
 լոկ արարածք լինին բանիւ , այլ
 ինքն արարիչն եղեալ արարած
 նոր , ոչ ևս առ սոս աշակեր-
 տացն ցածուցեալ , այլ 'ի սիրտ
 նոցա կերակրողապէս ծածկել ,
 և լեալ իբր անձ անձանօթ :

Ա՛վ սիրոյն . արգարև 'ի սպառ
 արարչագործեաց , 'ի սպառ սի-
 րեաց : Ի լուանալ ստիցն զտի-
 րականն կերպարան ծառայա-
 կանաւն թագուցեալ , արգ կե-
 րակրոյ տեսակաւ և զծառայա-

կանն պատուակէ : Ո՛վ ամեն-
արուեստ սիրոյն : Խոնարհի
անշքանայ յանչափս , բայց զի
մի այնու վասն պատուեսցի ,
անյայտէ և զխոնարհութիւնն
վարագուրաւ սիրոյ :

Արդարեւ զոր նայն գործեաց
ո՛վ գիտիցէ , ո՞ հասանիցէ 'ի խոր
անդունդս խոնարհութե՛ն նորա .
ո՞ զբարձրութի սիրոյ նորա չա-
փել կարիցէ : Չայն ևեթ իմա-
նամք , թէ տաճարացաւ այսօր
վերնաատունն խորհրդոյ , գերա-
զանցեալ սրբութե՛ք քան զտա-
ճարն սողոմոնեան . քանզի սրբ-
բիչն ինքնին եղև անգանօր զա-
տիկ նոր , իւրով բանիւ և ձե-
ռամբ պատարագեալ :

ՄԱՍՆ ԵՐՐՈՐԴ

Ո՛վ հաւատացեալ դու , փու-
թա՛ մուտ 'ի վերնաատուն անդր
խորհրդական՝ տեսանել տեսիլ
զմեծ և զխոնարհ , զտեսիլ ան-

բաւ զօրու թէ և զանճառ սիրոյ :
 Հայեաց զի կերպարան անճառ
 տու թէն կայ ծառայապէս առ
 ոտս աշակերտացն . և ե թէ ան-
 տանօր և դու գտեալ էիր ոչ
 զանց առնէր և զքե , որպէս 'ի
 Յուդայէ չխորշեցաւ : Ինդրեա
 քեզ ապա տեղի , թէ գտանել
 կարիցես՝ ուր խոնարհեացիս ա-
 ռաւել քան զնա : Եւ մատոյց
 զանճն 'ի պատարագ , և 'ի կե-
 րակուր ոգւոց պարարիչ՝ ոչ
 խնայեալ և յանարժանէն :

Ե թէ առ քո ոտս ոչ անկաւ
 'ի լուանալ , այլ յանճն առ
 գալ մտանել 'ի սիրտ քո՝ մեծ
 ևս խոնարհու թք . ունիցիս ինչ
 արդեօք արժանաւոր սիրոյ նո-
 րա զնել առաջի : Աւաղ , քա-
 նիցս անգամ անմաքրու թքդ ե-
 դեր նմա արհամարհանա , ապա-
 ռում գտեալ առ սէր նորա և
 առ խոնարհու թի : Չի՞նչ այլ
 առնել էր նմա առ 'ի շահելոյ
 զսիրտ մեր : Յետ այսպէս 'ի սպառ

սիրելոյ նորա՝ եթէ այլ ևս ա-
ստատարք լինիցիմք, զսէր
նորա առեալ ձգեմք յատելու-
թիւն 'ի սպառ:

ԱՂՕԹԻՔ

ԱՆՆՈՍԻՒՄ Հասեալք յեր-
կրպագութի փառաց թագա-
ւորիդ՝ կամք և ազազակեմք
խնդրելով ո՛ւր ես տէր մեր, ո՛ւր
'ի պայծառազարդ վերնատանա
կանգնեալ կայցէ աթոռ բարձ-
րութե ըստ քումք մեծութե:
Ահա ո՛չ 'ի դահոյս տէր, ո՛չ 'ի
վայելահանն քեզ բազմոցի,
այլ տեսանեմք առ ոտս խոնար-
հեալ քոց ծառայից և աշակեր-
տաց. այլ 'ի սիրտս նոցա թա-
գուցեալ անփառունակ ծած-
կութեամբ:

Ո՛վ անձառելիդ քաղցրու-
թի, անչափահանդ 'ի բարձրու-
թե և 'ի խոնարհութե. եթէ
դու ցայդ վայր նուաստացար և

նուազանա միշտ, մէք յ՞ խո-
 նարհիցիմք 'ի բնէ նուաստքս :
 Ծառայացար յօրինակ մեր, զի
 մէք ամաչեսցուք յամբարտա-
 ւանութն մերում . եղեր հաց
 կենաց, զի ճաշակեալ՝ ընդ քեզ
 միասցուք : Պարգևեա՛ մեզ, բա-
 րերար, ընդ կենարար ճաշակ-
 մանդ և զփրկականդ քո խոնար-
 հութիւն . և զտարածեալքս առ
 օտս մարդասիրութն քո ժա-
 մանեցո՛ 'ի վայելումս սիրոյդ
 յանսպառ յաւիտեանս :



ՅԱՒԱԳ

ՈՒՐԲԱԹՈՒ

Ի ԽԱՉԵԼՈՒԹԻՒՆ ՏԵԱՌՆ

ՄԱՍՆ ԱՌԱՋԻՆ

Ո՛րդ զԳՈԹԱՅ . ո՛ր լեառնն ինչ .
 արդարեւ ինչ ո՛չ մեծ վայելչութիւն
 փառաւորեցելոյ , այլ անարդե-
 ցելոյ յեափն խայտառականօք :
 Ահա ՚ի քեզ կայ Որդին ինչ
 բարձրացեալ , և ոչ առ նովաւ
 քերովքէք . այլ յաջմէ աւա-
 զակք և յահեկէ : Աթոռ նորա
 խաչ մահու . պսակ ՚ի գլուխ
 փշանիւթ , պատմութեան՝ մեր-
 կութինն . յաղթանակաց երգք՝
 հայհոյանք . ջահից պայծառու-
 թիք՝ լուսաւորքն խաւարեալք :
 Ո՛ր լեառնն մածեալ , լեառնն պա-
 րարա՛ ոչ յերկնասեղաց ցօղոյ

արբեալ, այլ յանպարտ արենէ
Որդւոյն ինչ :

Անցեալ տեսից զտեսիլս զայս
զմեծ և սարսափելի . զի է՝ զի
Որդին ինչ մարմին զգեցեալ ան-
ախտ 'ի մեղաց, 'ի խաչի կայ
տարածեալ, ողջակէզ կենդա-
նախարոյկ : Ընդ ո՞ր յանցանաց,
ո՞ւմ մեղաւ նա, ո՞ւմ ընդդէմ
դարձաւ . միթէ աւազակեաց,
միթէ ամբոխս յարոյց : Իսկ ե-
թէ բարիս արար ամենեցուն, և
կաղաց և կուրաց և հիւանդաց
և մեռելոց գթասիրեաց, այսո՞ւ
յանցաւոր գտաւ նա : Հայիմ 'ի
գիր ինասու նորա՝ գիտել զոր
ինչ մեղաւն . և անդ վկայի թէ
թագաւոր է, և ոչ սլարաւոր :
Եթէ խաչակցելոյ աւազակին
հարցանեմ, տայ սլատասխանի .
Սա ապիրատ ինչ ոչ գործեաց .
և զիարդ սլատժակից մեզ գտա-
նի՝ չգիտեմ, որք արժանի ըստ
որոց գործեցաքն տանջիմք :

Դու արդ ասա՛, խաչեալ, դու

ասա՛, զի՞նչ գործ գործեալ է
 քո: Եւ ըսեմ զի կողկողագին
 աղօթէ. Ա՛՞ծ իմ, ընդէր թողեր
 զիս: Ապա ուրեմն յօ՞ծ ինքնին
 լքեալ թողու զնա՛ ՚ի կամս
 մարդկան յանարգանս, ՚ի ցաւս,
 ՚ի մահ, իբրև անիծապարտ ոք
 գրեալ, քան թէ Որդի: Ո՛վ
 արդարութի անհաս մտաց և
 ահագին ՚ի ճառս բանի:

ՄԱՍՆ ԵՐԿՐՈՐԴ

ԱՅԼ մօտ ևս ակն կառու-
 ցեալ ՚ի տեսիլս ահաւոր՝ տե-
 սանեմ ահա ՚ի թիկունս նորս
 բարձեալ զմեղս յօմ աշխարհի,
 և ՚ի վերայ ճակատուն գրեալ.
 Պատարագ վասն մեղաց: Բա՛րէ,
 առ մեղս իմ ուրեմն սնդեալ կայ
 ՚ի խաչի. վասն իմ հարաւ. վն
 իմ ՚ի փուշ պսակեցաւ. վասն
 իմ թուքն, ծարաւն և լեղին.
 զայս ամենայն վասն իմ կրէ նա:
 Ապա զիման յանձն առեալ ըզ-

պարտիս՝ հատուցանէ արդարութեան յոյ՛ի վեր քան զկշիռն . բայց իւրումն սիրոյ և ոչ զբաւականն :

Ո՛ սէր անկշռելի և անյագահան . իմում փրկութենն ծարաւեալ՝ ընդ իմ մեռանի , զի ես կեցից . յանէծս համարի՛ զի օրհնեցայց ես . ՚ի հօրէն թողեալ լինի՛ զի յորդէգրութի ես ընտանեցայց : Արախի՛ այս տեսարան սիրոյ . որախի՛ բարէխնամութիւն : Եթէ ունէր նա բազում այլ ևս մարմին և հոգի և կեանս , միթէ խնայէր տալ զամենայն առ իմ փրկանս :

Առաւել սքանչելի ցուցաւ նա ՚ի սիրել զմարդիկ , քան ՚ի ստեղծանել զաշխարհ , հզօր առաւել ՚ի փրկել՝ քան ՚ի դատապարտել . որով և առաւել յաղթող ՚ի խաչին , քան յաթոռ երկնից :

ՄԱՍՆ ԵՐԲՈՐԻ

ԻՍԿ արդ զի՞ այլ ևս կամ հիացեալ: Եթէ արս չարագործս խնդրեն հանել 'ի խաչ ընդ Որդւոյն իւր, ահաւասիկ ես, ես մեղայ, ես անօրինեցայ, ես ինքն եմ աւազակն ոգէսպան, դա անպարտդ ընդէր տանջիցի, և ես ոչ: Ահա ձեռք իմ և ոտք և անգամք ամենայն. ընդ փրկչին բեւեռեցայց, ընդ նմա ծարաւեցայց, դառնացայց լեղեաւ. ընդ նմա գոչեցից՝ ոչ զայն ընդէր թողեր զիս, այլ թէ մի անտես առներ, այլ ընկալ զիս խաչակից փրկչին իմոյ:

Ի կախելոց անտի չարագործաց մին ևեթ ապրեցաւ. այլ ես վստահ եմ, զի եթէ ընդ Քրիստոսի խաչ ելից, ընդ նմա և կեցից. առաւել քան զփառակցութիւն թաքոր, ընտրեմ մահակից Քրիստոսի անկանիլ 'ի Գողգոթա. զի

այս արդարութիւն է, և այն
չնորհ :

ԱՂՕԹԲ

ԱՅՈ այո, ո՛վ անսպարտական
փրկիչ իմ խաչելեալ, կամ ահա-
լասիկ առ սրտուանդանի խա-
չիդ՝ լցեալ ամօթով և սրտա-
սուօք և դողութեամբ : Դողամ
սարսափմամբ ընդ բովանդակ
երկրի սասանեցելոյ, զի բոլորից
տէրդ կաս նշաւակեալ՝ ի տեսիլ
աշխարհի : Ամօթասպարտ մած-
նում ընդ գետին, զի յիմէ յան-
ցաւորութէ զփայտ մահու քեզ
սրտորաստեցի . և հառաչեմ ար-
տասուալի՝ թէ զիա՞րդ ո՛չ զա-
րիւն իմ խառնեցի ընդ արեան
փրկչիդ իմոյ :

Ո՛վ որ բարձրացար յերկրէ
առ ՚ի զամենեսին ձգելոյ առ
քեզ, ձգեա՛ և զիս ՚ի քոյդ խա-
չակցութի . զօրացո՛ զիս ՚ի համ-
բերութի՝ վշտանալ ընդ քեզ և

վասն քո . զի թէ և արժանի ըստ
որոց մեզայն տանջիցիմ , այլ
քոյով աննիազ ողորմութեամբ
ակն ունիմ ըսել՝ այսօր ընդ իս
կցես 'ի գրախսին :



ՅԱՒՈՒՐ

ԱՒԱԳ ՀԱՐԱԹՈՒ

Ի ԹԱՂՈՒՄՆ ՔՐԻՍՏՈՍԻ

ՄԱՍՆ ԱՌԱՋԻՆ

ՎԱՀԱՆԱՅՆ մեծ և մշտնջենաւոր՝ կատարինն փրկութեան աշխարհի Յն եկաց'ի սեղան խաչին, մինչև սպառեցաւ պատարագն : Ինքն քահանայ և պատարագ՝ մատոյց զանձն . կապեցաւ , զենաւ , կախեցաւ մեռեալ : Եւ զիարդ այդպէս վաղ մեռաւ , զարմանայ Պիղատոս :

Զի՞ ընդ այն զարմանաս , այր դու , ուր կամաւոր է մեռանելն . այլ զարմացիր , զի այնպիսուամ մահապարտելոյ ողորձաւոր խնդրակ յանդիման լինի

քեզ Յովսէփ, այր նախարարա-
զուն : Խնդրեաց զմարմինն տե-
րունական . առննկալաւ փա-
փաքմամբ . բայց մի թէ իբրև
մարմին մեռելոյ . թէ իբր գա-
զանաբեկի՝ համակ արորեալ և
արիւնաներկ :

Պատուասիրել զփուլ թայր
զնծացեալ մարմինն այրն մեծա-
հաւատ՝ պատանօք սուրբ կտա-
ւոց և խնկոց . այլ յորդագոյն
ևս աղբերօք աչացն զնա թա-
նայր . զի անդր առննթեր կային
բազում արտասուակցորդք՝ քան
խնկաբերք : Անդ կանաչքն պաշ-
տօնասէրք . անդ և մայր նորա
ցաւագին , կենդանի պահեալ
առ ՚ի տանելոյ զտագնապ մա-
հու : Ո՛վ ո՛րքան արտասուք , ո՛ր
կսկիծ սրտի , ո՛ր հառաչումն և
կոծումն , առաւել ՚ի սիրտս իւ-
րեանց ամփոփելով զՏիայն սի-
րելին քան յանկենդան տա-
պանի :

ՄԱՍՆ ԵՐԿՐՈՐԻ

ՀԱՆԳՈՒՑԵԱԼ եղաւ տէրն
բոլորից 'ի նոր գերեզմանի . նոր
արդարեւ՝ ոչ այնչափ զի այլ ոք
չէր յառաջագոյն եղեալ 'ի նմ՝
քան թէ զի մեռեալ այսպիսի
ոչ ուրեք երբէք լեալ է : Այն՝
որ ութ աւուրք յառաջ զՂա-
զարոս կոչմամբ և եթ կորզեաց
'ի զգուշացեալ գերեզմանէն ,
և այժմ ինքն 'ի գերեզմանի
փակեալ կայ :

Ա՛յլ գերեզման կենդանակիր ,
այլ մեզ տուն մ'թին սգոյ . զի-
ւորդ ազատն 'ի մեռեալս ընդ գե-
րեզմանականն անկեալ դնի ,
անայցելու 'ի սիրելեաց , և 'ի
թշնամեաց սգահարկեալ . զի
նուորք առ խաչին . զինուորք առ
գերեզմանին . անդ զկենդանին
թշնամանեն , աստ զմեռեալն
անգոսնեն . և որպէս թէ վիմար-
գել բանտաւոր ոք իցէ , զվէմն

աղխեն կնքով, իսկ զքեմ դա-
տաւորին կնքեն հայհոյանօք՝
Թէ մօլորեցուցիչ էր մեռեալն.
Թէ և ինքն հատաւ 'ի կենաց,
այլ մօլորու թի նորա կարէ ա-
ռաւել ևս զօրանալ:

Այսպէս անպարտն յամե-
նայնի Յս համարեցաւ ընդ այնո-
սիկ՝ զորս ոչ յիշէ տէր, և 'ի ձե-
ռանէ նորա մերժեցան, լքան
իբրև անարժանք և կենաց և յի-
շատակի: Թէպէտ և թաղեալ
ծածկեցաւ յաչաց, այլ ոչ 'ի
լեզուաց նենգաւորաց:

ՄԱՍՆ ԵՐՐՈՐԴ

ԻՍԿ արդ ո՛վ տառապեալ
դու անձն իմ, ո՛ւր է փրկիչ քո՝
զոր 'ի խաչին լայիր, և խաչակից
նմին լինել ըղձանայիր: Եթէ
երջանիկն Յովսէփ առննկալաւ
զնա, փուլթացիր 'ի սրտել ընդ
նմա, ողջագուրել, և լուանալ
արտասուօք: Այլ աւանդ զի արդ

Թաղեալ խակ է նա . վիմով ծածկեցաւ , պահապանօք կնքեցաւ :

Բայց զինչ . միթէ զողի արգելուցուն վէմք և կնիք . յառեայ մտացդ աչօք ընդ ծերպս վիժին , ճնշեայ և անց 'ի ներքս , և պատեցելոյ տեսուն քո եղիցիս գերեզմանակից : Լէր ընդ նմա մտացեալ յաշխարհէ , անարգեալ և կոխեալ 'ի մարդկանէ . անտես և անլուր կենցաղականաց ամենայնի . անխօսուն լեր որպէս մեռեալ ոք . տար անմառունչ իբր Թաղեալ . անարգեցիր իբր հոտեալ . մինչև զարթիցէ տէր քո 'ի նորոգել զքեզ յանմահական կենդանութիւն :

ԱՂՕԹԻ

Ընդ քեզ այսուհետև , ո՛վ մայր ցաւագին , ընդ քեզ և առ քեզ խօսեցայց՝ մենացեալդ 'ի զաւակէ . որ 'ի խաչին վերապին

ճնար զմիածինդ քո որդի ցա-
ւոց և վշտաց, և անմխիթար
սգով թաղեցեր զնա, և զսիրա
քո ընդ նմա: Ընդ քեզ ահա և
ես կամ 'ի գերեզմանի որդւոյդ,
քոց արտասոււացդ կցորդիմ,
ոչ անսպարա իբրև զքեզ, այլ
մահու սպարա երկոցունցդ:

Վայ ինձ ամաչեցելոյս 'ի յի-
շատակ անօրէնութեանց իմոց,
մասնաւորես ինձ, աղաչեմ, 'ի
քոց դառնակսկիծ ցաւոցդ,
խառնեալ զիմ զպղտորեալ ար-
տասուս ընդ քոյոցդ մաքրակա-
նաց, զի եղիցի լուացարան թա-
րախուս վիրաց հողւոյս, և յան-
ախտութի քո սիրոյդ սրբեալ
յօդեցայց անբաժանելի, և ե-
թէ ոչ եղէ քեզ որդի սիրա-
սնունդ, եղէց գոնէ որդի զղջա-
կան:

Ի ԶԱՏԿԻ

ՅԱՐՈՒԹԵԱՆ ՏԵԱՌՆ

ՄԱՍՆ ԱՌԱՋԻՆ

ՅԱՐԵԱՒ ՔԾ. գերեզմանին
 արտաքոյ կայ. 'ի զուր ապա կա
 փարիչն կնքեալ: Յարեաւ, և
 կենդանի շջի. պահապանքն
 զի նչ գործեն: Յարեաւ փա-
 ռօք հրաշալի, և ուր արդ ան-
 արգու թի խաչին: Հանախ խրա-
 խոյս առէք սգաւորքդ. ծափս
 հարէք՝ որք զմեռեալն կոծե-
 ցայք. ոչ ևս առ գերեզմանի
 խաչեցեւոյն զինուորքահրնկէցք.
 նոքա յերկիւղ մահու և ոչ 'ի
 քուն կան:

Այլ ահա հրեշտակք աւե-
 տաճայնք անտանօր փող հար-

կանեն . զի՛ լայք , հիմ՛ զկեն-
դանին և զկենդանացուցին ընդ
մեռեալսնգրէք : Արի՛ և դու ,
զարթիր , հողացեալդ Ադամ ,
քոյինազարմ հանդերձ մահա-
ցու սերնդովք . լացեր դու զա-
ռաջին անպարտ սպանեալն
զԱբէլ , արդ ցնծա՛ ընդունել
փոխանակ զառաջին իշխանա-
բար յարուցեալն Յս , որ զառ-
ի քէն առթեալն մահ ամենա-
գրաւ 'ի գոչիւն արեան իւրոյ
յանմահութի յեղաշրջեաց :

Ա՛ր է մահ յաղթութի քո .
ո՛ւր են արդ արբանեակք նախ-
կին մարդասպանին՝ քահանայք
և իշխանք , որք պահապանօք
զգերեզմանն կնքեցին , և այժմ
զնոցին զպահապանացն բերանս
աղխել հնարին դռնափակօք ար-
ծաթեօք , ոչ ևս ճշդելով 'ի կը-
շիս , որպէս առ մատնիչն , այլ
լիաձեռն , զի մի քարողք յա-
րուցելոյն , քան թէ պահանորդք
մեռելոյն երևեսցին : Բայց խո-

տան գտաւ և կնիքն և արծա-
թըն . գերեզմանն բացեալ , պա-
հապանքն ստանեալք , միա-
բարբառ ընդ երկնային աւետա-
ւորացն 'ի գլուխ ճանապար-
հաց քարոզեն , [Թէ կամաւ մե-
ռեալն՝ ահա ինքնիշխանաբար
կենդանի է . ցնծացէք հաւա-
տացեալք , յամօթ լերուք ան-
հաւանք :

ՄԱՍՆ ԵՐԿՐՈՐԴ

ՓՈՒԹԱՍՑՈՒՔ աղէ և մեք 'ի
ձայն աւետաւոր զուարթնոցն .
ընդ Պետրոսի ընթացուք , ընդ
Յովհաննու կանխեսցուք 'ի գե-
րեզմանն տէրունական . ոչ ևս
է մեզ իբրև զառաջին լսողս ան-
ակնկալ յարութեանն՝ խառն
ցնծալ , խառն երկնչել , և երկ-
բայաբար զարմանալ : Արդ հաս-
տատեալ է ամենայն . արդարեւ
յարեաւ տէր , և երևեցաւ ոչ
Սիմոնի միայն , կամ Կղէով-

պեանց, կամ երկուսասանից,
այլ և Պօղոսի, որ նախ դառն
հալածիչն էր, և այսօր դյարու-
թին աւետարանէ զՔրի, և մեզ
ևս խոստանայ երևեցուցանել:

Ո՛վ երանութեն, եթէ ար-
ժանի լինիցիմք ընդ մագդաղե-
նեանցն բուռն հարկանել զ՝
տիցն կենդանատուաց: Այլ ե-
թէ ողբոց նոցա և լալոյն կցոր-
դեցաք, եթէ ՚ի թաղումնն պատ-
րաստեցաք խունկս հոգևորա-
կանս, եթէ ՚ի խնդիր մեռելոյն
վասն մեր արհամարհեցաք զաշ-
խարհի զբօսանս, անշուշտ և
փառաց յարուցելոյն տեսող լի-
նիցիմք աներկիւղ խնդութի:

ՄԱՍՆ ԵՐԲՈՐԴ

ՉԱՐԹԵՆԻ ՔԻՄ ԱՆԱԼՕՍՈՒՄԸ
յաւերժական կենդանութի .
բայց առ աշակերտան ընդ երե-
կոյս ծագեաց լոյս զուարթա-
րար: Եկաց մնաց ժողովելոյ նո-

ցա 'ի վերնատունն ամրափա-
կեալ. հաճեցաւ ինքնին՝ և ոչ
'ի ձեռն հրեշտակի ցուցանել
նոցա զյարութի իւր, և զհա-
ւատիս յարութեանն՝ զանկից
վերան, զյաւէտախաղաց աղբե-
րակն իւրոյ անճառ սիրոյն :

Ա՛վ սրբան իննգութե՛զ զեղումն
յորդեաց յայնժամ 'ի սիրտ ա-
շակերտացն . սր հրճուումն ընդ
նորահրաշ տեսիլ վարդապե-
տին . սր զրոյցք կաթոսինք և
սրատկաւանաց . սր այնուհետե
երկիւղ սրտի, և տատանումն
մտաց, և ոգւոյ տխրութի : Ա՛չ
ևս գիշերոյ թուէր ժամն, այլ
մէջօրեայ յարատեակ՝ զՔ.ս ու-
նելով զանմուտ արեգակն : Այն
ոք միայն ընդ նսեմ թերահա-
ւատութեանն գայթակղէր, որ
արտաքոյ գտանէր վերնատանն,
իբր թովմաս յառաջնումն երե-
ման :

Մի՛ զատանիր, ո՛վ գու, 'ի
խմբէ աշակերտացն, զի լինիցիս

և դու աներկմիտ տեսող յա-
րուցելոյն, 'ի մի բերան աղաղա-
կել ընդ թողմայի, տէր իմ և
ած իմ :

ԱՂՕԹԲ

Ո՛վ ամենացանկալի փրկիչ
իմ և տէր Յս Բս, որ առ սէր
իմոյ անարժանութեանս մեռա-
նել յանձն առեր, և յարեար
վասն զիս արդարացուցանելոյ -
ահաւասիկ 'ի խնդիր իմոյ սիրո-
ղիդ ելեալ աղաղակեմ՝ ո՛ւր հո-
վուես, տէր, ո՛ւր հանգչիս : Ես
զքեզ 'ի խաչին լայի, առ գե-
րեզմանին ողբայի, իսկ այժմ
ո՛չ աստ և ո՛չ անդ գտանեմ :
Մի, ո՛վ փառաւորեալ տէր,
մի ծածկիր յանարժան քոյ
ծառայէս, մի այլով կերպա-
րանաւ անժանութանս յի-
նէն, որպէս առ Աղէօվպեանն -
ցոյց ինձ զդէմս քո 'ի մտացս
հայեցողութի, լսեցո՛ ինձ ըզ-
բարբառ քո՝ զքաղցրն 'ի քիմս

կամաց խնց . տ՛ւր ողջոյն խա-
ղաղութե՛ն յամբոխեալ հոգիս .
և քոյով ուրախութե՛ք զուար-
թացն՝ զսիրտ իմ տառապեալ .
որպէս զի աներկբայ հաւատով
զերկրպագելի ոտիցդ կախեալ
անմեկնելի , 'ի յոյս երանելի
յարութե՛նն անգեցայց , կերպա-
րանակից լինել մարմնոյ փա-
ռաց քոց :



Ի ՏՕՆԻ

ՄՐԻՈՅՆ ՅՈՎՍԵՓԱՅ

ԱՍՏՈՒԱԾԱՀՕՐՆ

ՄԱՍՆ ԱՌԱՋԻՆ

Երկուստ աւանդէն մեզ յիշատակարանք լծային գրոց արահաչակելիս՝ անուանեալս Յովսէփ. երկոքին ևս իշխանագունք, երկոքին ևս նահապետք, երկոքին ևս արդարք. այլ զանազանութի՛ի նոսա սրբան և որպիսի՛: Նախկինն Յովսէփ ոչ յազդէ սերեցաւ իշխան, այլ անձամբ իշխանացաւ Փարաւոնի հրամանաւ յԵգիպտոս միայն, առժամանակեայ մատակարարութեմ: Բայց երկրորդս ազդաւ

Տնեալ'ի Թագակալ զարմէ, ընդ
համօրէն արքայութի Իսրայէլի
Ժառանգութե՛ք արժանի տիրա-
կան իրաւանց :

Այլ 'ի վերայ այսր զմիւսն
տես զԼս նորանշան զանազա-
նութի . որչափ նա 'ի փառս, և
սա որչափ 'ի նուաստութե՛ք . նա
'ի գահոյս, սա 'ի գործատան
հիւսան . նա կարօտելոց կերա-
կրիչ, սա ինքնին կարօտեալ . նա
Եգիպտոս հրամանատար, սա
Եգիպտոս փախստեայ :

Եւ սակայն եթէ առ սովաւ
կենդանի կայր Յովսէփն առա-
ջին, Թողոյր Լքանէր արգարեւ
զգահոյսն, և աղքատի այսմ
հիւսան լինէր կենակից և պա-
տուադիր : Ազնուականութիւն
այնչափ առաւել մեծարոյ է,
որչափ ընդ քողով խոնարհու-
թեան պատասպարեալ :

ՄԱՍՆ ԵՐԿՐՈՐԴ

ՆԱՀԱՊ ԵՏ ըստ մարմնոյ բար-
 քաւածեցաւ Յովսէփն առա-
 ջին, բայց երկուց միայն աղգաց:
 Եթէ յայտմ պատճառէ աճե-
 ցեալն անունն 'ի գէւղ նմին պատ-
 շածեցաւ, որչափ նուազեալ
 թուիցի նա առ երկրորդս Յով-
 սէփ, որ համօրէն աղգաց և լե-
 զուաց 'ի Քս ծնելոց՝ խոստո-
 վանեալ է նահասկեա հոգևոր:

Որք միանգամ յեղբարս գրե-
 ցան Քսի, իրաւամբք ամենե-
 ցուն նոցա սա ճանաչի հայր-
 զայն գորով հայրական և զխը-
 նամս տանելով առ ամենեօին,
 զոր առ Քս ունէր: Ո՛չ տեղեաւ
 սահմանին գուժք նորա, ո՛չ
 ժամանակաւ, ո՛չ տնտեսութիւն-
 ամենեցուն խնամարկէ՝ որ 'ի
 հրէաստան, և որ յասորեատան:
 Եթէ առ կենդանութիւն բար-
 րեգորով, առաւել ևս այժմ

յերկինս . ըստ ամենայն պիտոյից
մարմնոյ , և յաւէտ ևս հոգւոյ՝
տեսուչ աննուազ :

Փարաւոնի գանձուցն ամբա-
րակ լինէր Յովսէփն առաջին
յրնչից ժողովրդեան . այլ բարէ ,
երկրորդս Յովսէփ բուն իսկ ւծ-
ային գանձուցն եկաց բաշխիչ
և մատակարար առ համօրէն
ժողովուրդս . ոչ ինչ այլ առ ՚ի
նոցանէ պահանջեալ , բայց զոր-
դիական ապաւինու թի և զհա-
մանմանու թիւն :

ՄԱՍՆ ԵՐՐՈՐԴ

ԱՊԱՔԷՆ բազում օրինակաւ
արտայայտեն ւծային գիրք զար-
դարագործու թիւնս Յովսէփայ
նահապետին ՚ի մանկու թէ մին-
չև յաման վերջին . զնորս զան-
նենգ բարեմտու թիւնսն , զհնաւ
զանգու թին , զուջատսն կեն-
ցազան , զառ ւծ հաւատսն ՚ի
մէջ անհաւատից , զհաւատար-

մութի առ տեարս գժնդակա՛,
 զանյիշաչարութիւն առ ինասա-
 պարտ եղբարս : Մեծամեծք են
 արգարեւ վկայեալքն զնմանէ
 գովութիք առ յոյ . բայց չգի-
 տեմ հաւասարիցի՛ն արգեօք
 միակ այսմ բանի՛ որ զերկրորդս
 Յովսէփայ վկայեալ . թէ ար-
 դար էր :

Արձակաբար կոչումն արգա-
 րոյ առանց սահմանի՛ զլրութի
 ամենայն արգարութեան յայտ
 առնէ : Սա ոչ ողջախոհ միայն .
 այլ և կոյս յամուսնութեան .
 հնազանդ ոչ հայրականաց մի-
 այն օրինաց, այլ և անօրէն բռ-
 նաւորութեց : Հաւատք ուրբան
 հզօր՝ Արդի նոյ հաւատալ զմա-
 նուկ՛ի խանձարուրս առ՛ի մահ
 խնդրեալ ՛ի մարդկանէ : Արպի-
 սի՛ անգորրամտուի անյիշաչար .
 տեսանել զինքեան խօսեցեալն
 յղի՛ և ոչ յիւրմէ . որ անո-
 ղորելի նախանձու է գրգռիչ .
 իսկ սա անցասումն՝ պատուոյ

Հարօինն խորհի լինել թևարկու :
 Յիրաւի ասլա սա արգար լի
 բովանդակ , արժանաւոր փե-
 սայ կուսին՝ ծնողի զարգարու-
 թի ամենեցուն զՔն : Եւ մի թէ
 տկարանայցէ ինչ նա , կամ ո՞չ
 խնամեացէ առնել և զմեզ ար-
 գար , ընտանի իւր ունելով ըզ-
 բուն պատճառս արգարութե ,
 և հայր գոլով բարեխնամող
 հաւատացելոց : Ա՛ր դու նմա
 որդի բարեյոյս և պաշտօնասէր ,
 յանձն արա 'ի խնամս նր զհո-
 գի և զմարմին , կեանց անարա-
 տութե , և 'ի մահու գտանիցես
 զպաշտպանութիւն նորա :

ԱՂՕԹԻՔ

ՀԱՅԵԱՑ 'ի կարօտեալքս
 հայրական քոց խնամոց , ո՞վ
 Էծահայրդ Յովսէփ , խնամածու
 կարգեալ Որդւոյն Իյ , բայց ա-
 ռաւել ևս տառապելոցս մեզ :
 Եթէ նա մինչ յարբունս հա-

սակին և եթ պէտս ունէր քու՛մ
խնամակալութե՛ն, մեք յամենայն
ժամանակս կենաց, և ՚ի մահու
խակ կարօտ եմք պաշտպանութե՛ն
քո յերևելիս և յաներևոյթս :

Գթա՛ն ՚ի մեզ հայրաբար ՚ի
քո որդիացեալքս . լէր միջնորդ
հզօր առ որդիդ Յս, որ յերկրի
հնազանդ քեզ եղեալ, նա և
յերկինս ոչ ստունգանէ հայ
ցուածոց քոց : Ի փորձութիւնս
մեր ընկալ արթնութի՛ն, ՚ի վիշտս
համբերութի՛ն : Արիացո՛ւ վաս
տակիլ ՚ի սէր եղբարց, ՚ի գայ
թակղութեանց մի սասանել
յառաջել կամակարութե՛ք յա
մենայն մասունս առաքինու
թե՛ն : Արպէս զի և ՚ի վախճան
կենաց մերոց ընտիր գտեալք,
պատուել կարիցեմք զքեզ յեր
կինս իբրև որդիք զուարճա
ցեալք ՚ի փառսն՝ յոր վայելես
ընդ որդւոյ քու՛մ Յսի, և ընդ
օգոստափառ հարսին քո կու
սին Մարիամու :

Ի ՏՕՆԻ

ՍՐԻՈՅՆ ՍՏԵՓԱՆՈՍԻ

ՆԱԽԱՎԿԱՅԻՆ

ՄԱՍՆ ԱՌԱՋԻՆ

ԻՐԿՆԱԽՈՐ ընտրու թեամբ յառաջագէմն Ստեփանոս՝ ընտրի և յեկեղեցւոյ տեսուչ կրրկնակի սեղանաւորութեան առ ժողովուրդս: Դիմէ զուարթուն նահատակն յասպարէզ քարազուծէ բանին, և ահա քարինք առ նա ձգին հակառակութեց և վիճմանց: Բարեգործէ առ ժողովուրդն նշանիւք զարմանալէօք, և ահա քարինք առ նա զսպարտանաց և ամբաստանութեց: Յատենի կացեալ, թէպէտ ՚ի գէման հրեշտականայ,

Թէպէտ զառ 'ի հարցն աւանդս
համառօտէ առ խորայեւեանս,
այլ փոխանակ՝ քարինք հայ-
հոյանաց և ատամանց կրճումն
զատեանն աղմկեն :

Չհրաշալին յայտնէ նց զե-
րևումն՝ զբանալ երկնից, և ըզ-
Քսի ընդ ալմէն թագաւորել .
այլ նոցա 'ի խցանել ականջաց՝
պատառին սիրտք, քարինս ա-
ղաղակաց արձակելով : Չողի
ապրապարէ յիծ, և քարինք ոչ
դադարեն : Ծուեր գնէ, քա-
րաձգողացն աղօթէ, և քարինք
և ևս թանձրանան : Ի հարուա-
ծոց անտի խորտակեալ՝ ննջեաց,
ապա քարինքն լռեցին :

Բա՛րէ, միթէ այս կատարած
իցէ Քսի աշակերտին, վն ճըշ
մարտութե թշնամանիլ, 'ի բա-
րիս գործելն ամբաստանիլ, և
հանգիստ ոչ գտանել յանո-
ղորմ քարանց, բայց 'ի փշել
հողւոյն : Այո՛ արդարեւ այս
է կերպարանակցութի առ Քս

կենօք չափ . և զնորուն խակ կըշ-
տամբանս 'ի դէմս Հրէիցն երկ-
րորդելով, բազում գործս բա-
րիս ցուցեալ ձեզ, ասէ, վասն
որոյ գործոյ քարկոծ առ 'ի
ձէնջ լինիմ: Եւ սոյն այս կեր-
պարանակցութիւն 'ի մահուն,
աղօթելով սակս չարչարողացն
մեռանել:

ՄԵՍՆ ԵՐԿՐՈՐԴ

ԻՍԿ արդ ո՞ր ինչ յաւէտ սըխ-
րալի քեզ երևելանայ յայս նա-
խամարտիկ պսակաւոր Քնի-
խմաստութեանն զեղումն, թէ
վասն ճշմարտութեանն գատիլ-
եթէ նշանս հրաշագործել, կի՞մ
թէ ինքն լինել նշան հակառա-
կութեց, տեսին արդեօք հրեշ-
տակակերպ, թէ կատաղի քա-
րանցն կիտուածք:

Ո՛ր, համայն գեղեցիկ նա՛ իւ-
րով արեամբն ներկեալ, քան
հրեշտակահանն անցաւոր երե-

Լուծիւ . որ զի այս 'ի գէման մի
 այն , իսկ այն ընդ բոլոր անձնն
 երջանիկ փայլեցուցանէր զգո-
 բուծինն ից : Եւ եթէ ընդ եր-
 կրորդն մարդիկ հրաշացան , այլ
 ընդ առաջինն հրեշտակք յեր-
 կնից 'ի զնին երատեցին :

Խիստ էին քարինքն , այլ համ-
 բերուծք ողորկեալ , և աղո-
 թիւք ընտիր քան զականս պա-
 տուականս յերկինս դանձեցան ,
 պասկ 'ի հրաշակերս գլուխ կա-
 պելով նահատակին : Սա նորոյն
 Աբամայ Աբէլ գովանի 'ննջեաց
 ընդ կառկառիւ քարանցն . այլ
 արիւն նորա մեծաբարբառ ևս
 քան զնախնայն Աբէլի բարե-
 խօս կացեալ առ իժ , 'ի քա-
 ռացելոցն սարանողաց ստացաւ
 որդիս եկեղեցւոյ , և աւետա-
 րանին քարոզ զՍողոս հայհոյիչ :

ՄԱՍՆ ԵՐՐՈՐԴ

ԵՒ մի՛թէ լռեաց ինքն յիւր
մէ հողիախօս յածարանու թենէ
երջանիկն Ստեփանոս : Ո՛չ լը-
ռեաց նա , և երբէք ո՛չ լռեսցէ .
խօսի լեզու նորա գրովք . խօսին
քարինք նորա . խօսի արիւնն .
տեղի թաղմանն խօսի . խօսին
աշակերտեալք նորա և նմանողք .
և քաջահնչիւն քան զքնաւս՝
խօսի գլուխ սպանողաց նո-
րա Սողոս , զնորայն վկայարա-
նու թի՛ ինքնին արձանագրեալ
կից ընդ Քնի քարոզութեն . և
զառ 'ի նա ընկեցեալն քարինս
յանձն իւր ընդունի , ցանկա-
ցեալ մեռանել զմահն՝ զոր ետ
նմա : Այլ 'ի խնդրոյն վերայեաց,
եկեաց 'ի քարանցն . այնպէս
իմն յազատութի նորա հող տա-
րեալ Ստեփանոսի , զի մի ար-
գեօք զիւրոյ մահուանն թուի-
ցի նա զվրէժ լուծանել :

Արդ եթէ Ստեփանոս խօսի
 տակաւին այսչափ քարոզօք,
 և եկեղեցի մեծապայծառ ուօ-
 նախմբու թէ յատենի զնա մե-
 ծարէ հաւատացելոց, զի՞նչ 'ի
 նմանէ լսել կարծիցես, ո՞ ուօ-
 նասէր դու, կամ զի՞նչ ուսա-
 նել: Չայս քեզ ասէ, փառօք
 մեծացուցանել զի՞ծ յանուհ
 իւր, զի հաճեցաւ բազմազեղ
 շնորհօքն զօրացուցանել զնա 'ի
 պաշտօն բանին, և իբր երախայ-
 ըիս նորոյ եկեղեցւոյ հանել 'ի
 սեղան արքայութե: Խրախոյս
 տայ քեզ իւրով օրինակաւ այն-
 պէս պաշտել զի՞ծ, և սիրել
 զնա, և քարոզել, և վաստակել
 յանուհ նորա, զի որք վս այնր
 ձգիցին 'ի քեզ քարինք վշտաց
 և հալածմանց, ազազակեսցեն
 թէ բացան քեզ դրունք երկ-
 նից՝ լինել պսակակից Ստեփա-
 նոսի:

ՅԱՆՎԱՄԻ և մէք, ո՛վ անդ-
րանիկդ 'ի վկայս, և 'ի քո բա-
րեխօսութիո՞ղ ապաստանք՝ պա-
ղատիմք առնուլ և մեղ մասն 'ի
պարգևաց Հոգւոյն. որով զօ-
րացեալք յընթացս քրիստոսա-
կան նահատակուէն, կարիցեմք
գոնէ յեփնս լինել 'ի խոստ-
վանողս ճշմարտութեան: Եթէ
քոց չարչարողացն թողութեան
մաղթեցեր, ո՞չ առաւել ևս մեղ
ուխտաւորաց քոց հայցիցես նե-
րումն պարտեաց, ուղղութիւն
'ի սխալմանց, պահպանութիւն
'ի փորձանաց, արիութի 'ի տա-
նել վասն ւոյ:

Եւր մեղ, աղաչեմք, ուխտի
մանկանցս՝ առաջնորդ յորդո-
րիչ, կանխել միշտ աչալըջութի
'ի պաշտամունս ւոյ, և համար-
ձակութի աւետարանել զխոր-
հուրդս Քնի առ յոյս փրկու-

Թէ ժողովրդոց . զի պարզ և ևեցի
 և մեզ ամենեցուն անարատ քա-
 ղաքավարու թք հաղորդել քոյ-
 ում պսակի . ուրանօր միա-
 բան ընդ քեզ տեսանելով զընդ-
 աջմէ հօր բազմեալն՝ փառա-
 ւորեցուք յաւիտեանս . ամէն :



Ի ՏՕՆԻ

ՍՐԲՈՅ ՀՕՐՆ ՄԵՐՈՅ

ԳՐԻԳՈՐԻ ԼՈՒՍԱՒՈՐՉԻ

ՄԱՍՆ ԱՌԱՋԻՆ

Եթէ շարիքոր նկատիցես
 զպահլաւիկն Պարթեւ, ածեալ
 զմտաւ՝ զի՛նչ նա էր, և զի՛նչ
 եղև, և այժմ՝ զի՛նչ է, տես-
 ցես զնա արգարեւ գործած իմն
 հրաշակերտ անձեղէն նախա-
 հայեաց իմաստութեան և կարո-
 դութե և բարեխնամութեան :
 Զաւակ հեթանոսածին, մի-
 այնակ մնացուած հօր մատնչի,
 աշխարհակորոյս մահապարտի-
 ոչ զայլ ոք՝ բայց զամ միայն
 ուսաւ իւր հայր ճանաչել և

անուանել անդամին յանբան
հասակէն :

Քնի ընծայեալ ազատագրոշմ
պաշտօնեայ, այլ իբր միայն պար-
տապան հայրենի աշխարհակոր-
ծանն արիւնհեղու թեան, ընդ
պաշտամամբ մտանէ խորովա-
ծին թագակալին Տրդատայ :
Անծանօթ յարքայէն ո ոք իցէ
նա, ազնուականութիւն լինի սի-
րելի, և հաւատարմութիւն բա-
րեկամ՝ քան թէ ծառայ :

Այլ սակայն ոչ սա, և ոչ նա
գիտակք՝ թէ յինչ ունիցի ա-
ւարտել միայն մտերմութիւն, և
միւսոյն ընդունելութիւն. բայց
զի յամենահնար խորհրդոցն այ
կարգեալ էր նա կործանիչ գի-
ցապաշտական թագաւորունն .
որպէս հայր իւր Անակ՝ աշխար-
հակալ տէրութենն եղև գործի
կործանման :

Ո՛վ խորք այ խնաստութենն,
ո՞ յառաջահայեաց խնամողու-
թիւնն, որպէս ՚ի բացուստ հիմն

արկանէ իւրոցն խորհրդոց . զեւրդ հակառակօքն վարի . իբր անվրէպ զոր կամին՝ կատարէ :

ՄԱՍՆ ԵՐԿՐՈՐԴ

ԱՐԴԵՐԵՄԻՏ պաշտօնեայ առ երկրաւորն աէր սքանչելին Գրիգոր . այլ արդարագոյն ևս առ Ճշմարիտն իՅԾ . այնպէս ծառայել յանձն առ Տրդատայ , որ ոչ միով իւրիք գիցակրօն պաշտաման նորա եղև կամակատար : Զարքայի զցասումն այսու յանձրն իւր շարժել քաջ գիտէր , և այնպէս իսկ կամէր զպարտահօրն մահապարտի ոչ մերկ ծառայութեն ընուլ , այլ և արեանն հեղուլ : Ո՛ր անպարտելի արիութեն , որով յասպարէզ չարչարանաց ընթացաւ Քնի նահատակն :

Այն Տրդատ՝ որ զԹումբոս սիգալուին աւերէր , որ զփղաց և զԵլուց փարտատէր զերամակա :

զեղջիւրան քանցէր, զՊարսս սա-
սանեցուցանէր, եթէ կարաց
սանանել իւիք երբէք արիակա-
նի անձինն Գրիգորի . ամենայնն
առ նմա 'ի դերև . տանջանա-
րանք, և քերանք, և հուր, և
սուր, և խորխորատ : Յաղթա-
կանն այն աշխարհաց և ազգաց
անկաւ 'ի Գրիգորէ յաղթեալ
ինքն՝ և որ 'ի նմայն բռնացեալ
կայր սատանայ . և հայաստան,
որպէս 'ի պարսկական բռնու-
թենէն, նոյնպէս 'ի գիցապաշտ
կրօնիցն ազատացեալ, եմուտ
ընդ թագաւորութիւն Քնի :

Ո՞ է որ յաղթեաց . ո՞ արար
զղորութիւն զայս մեծ : Ամենա-
զօրն աստուծո՞ կրիւք և վաստակօք
Գրիգորի . կերպարանեալ զնա
լստ ճշգրտագիծն պատկերի հա-
սարակաց փրկողին՝ նախ չար-
չարեալ, և ապա զչարչարիչան
վերընծայեալ նոյն :

ՄԱՍՆ ԵՐՐՈՐԴ

ՆՈՐ արարչութիւն սահմանեալ հայաստան ազանց, ուր արեգակն՝ խաւարի կռապաշտութեն վանիչ: Ահա ՚ի խաւարչուա գբոյ վերակոչի Գրիգոր՝ թաղեալն հնգետասանամեայ. ելանէ փայլեալ ընտիր արեգակնապէս, առնութեր ունելով լուսին գեղեցիկ զկուսանն հախիսխմէ, և ասանդաց պարս՝ զերամս կուսանաց: Ո՛րկին նորակերտ:

Ընթանայ իբրև սկայ ընդ կամարս աշխարհին անմուտ լուսաւորիչն Գրիգոր, միշտ տիգործելով, և գիշեր ոչ բնաւ: Բժշկէ զհարուածեալսն, զգօնացուցանէ զանզգայեալս, անդադար յուսուցանել, անքուն յաղօթել, ՚ի պահս բաղձօրեայ, տաճարաց հիմնարկիչ, անձային ապառնեացն նախատեսող: Ի

վերայ ամենայնի այսորիկ՝ առ
լուսաւորեալսն լինի թելագիր .
Առաջնորդ արթուն ձեզ, ասէ,
կարեօր է . խնդրեցէք արժա-
նաւոր զոք . զնա ընտրեցէք, և
ոչ զնա : Եւ ո՞ այլ քան զսո-
նարհ ոգին արժանաւորագոյն :

Ա՛ճ հրամայեաց, և նա հնա-
զանդեցաւ, կարգեալ հովիւ և
առաջնորդ, վարդապետ և ա-
ռաքեալ, ծնանելով ազգ մի ող-
ջոյն՝ ի ՔԾ, և դաստիարակելով
յամենայն մասունս քնական
կրօնիցն ընդ շրջանս ամաց բազ-
մաց :

Այլ սակայն փոքունք այդ
վաստակք և չհամարեալք առ
ԹԺՄԻՍ անձնն . իբր այն թէ
չև ծառայեալ արժանի Թ, լեռ-
նակեաց ընտրէ վարս, յԹԺ մի-
այն ստորապեալ անդուլ ճրգ-
նութի : Եւ աշխարհին հոգևոր
նախաճնող, ծածկի մովսիսա-
բար ուր էրն, և ուր վախճա-
նեաց զի այն միայն էր նմին

փափաքելի, ծածկիլ յաճ երա-
նու թքն յաւիտենից :

ԱՂՕԹՔ

ԱՅԼ մուանայցես արդեօք
զքո ստացեալս ժողովուրդ, ո՛
հայր բազմախնամ : Եթէ յեր-
կրի ծածկեցար 'ի մէնջ մարմ-
նով, ո՞չ ևս յիշեսցես յերկինս
քով բարեխօսութք : Հայեաց,
աղաչեմք, 'ի քո լուսաւորեալքս,
'ի քե խրատեալքս - որոց վասն
զարիւն հեղեալ նախ, ապա
քրտունս վաստակոց, արտա-
սուս աղօթից հեղեր անդադար :
Եթէ յառաջնորդութե քում
ընդ անխրատան վշտանայիր, արդ-
կարող ես քով միջնորդութք
զանխրատան զգաստացուցանել,
զմօլորեալս ուղղել, վտանգե-
լոց հայցել ազատութի, զնե-
ղեալս մօխթարել, և յամենայն
'ի մեր պէտս հոգւոյ և մարմնայ
լինել աչցելու հզօր :

Առատացի, աղաչեմք, զհայ-
 բախնամք քո տեսչութի տու կա-
 բօտեալքս յամենայնի. զի ե-
 ղիցի և մեզ քաղաքավարեալ
 ըստ լուսաւոր քոց ճանապար-
 հաց՝ հասանել ՚ի մասն վիճակի
 երանաւէտ քումդ հանգստեան,
 և ցնծալից ձայնակցութք որ-
 դ իքս ընդ հօրդ փառաւորեա-
 ցութք զամենամբ Երրորդութին
 յաւիտեանս. ամէն :



ՅՕՐ ՅԻՇԱՏԱԿԻ

ՍՐԲՈՅՆ ՂԱԶԱՐՈՒ

ՄԱՍՆ ԱՌԱՋԻՆ

Երանտ՝ որ ոք բարեկամ
 կոչեացի Քնի . վասն զի ըստ իս-
 կութե արդեամբք լինի այնպի-
 սի , և ոչ յանուանէ ևեթ . զոր
 օրինակ առ մարդիկ է երբէք զի
 բարեկամ ոք կոչի թագաւորի ,
 արդեամբք թշնամի գողով : Քն
 ինքնին պատուասիրաբար իմն
 զՂազարոս անուանակոչեաց իւր
 բարեկամ , թէպէտ և ծանօթս
 այլ բազումս ունէր :

Եւ ահա այս սերտ բարեկամ
 հիւանդանայ , մեռանի տարա-
 ժամ . մեռանի՝ բայց յառնէ
 անկարծելի : Տէս և 'ի միտ առ

զորէնս բարեկամու թէն Քսի :
 Աչտագնէ՛ զոր միանգամ սիրէ -
 և զազգունն սիրոյն մեծացու-
 ցանէ, հրաշապէս ՚ի վչտաց ան-
 օի ազատելովն :

Քորքն Ղազարու ընտանեբար
 ազգ առնեն զհիւանդանալ եղ-
 բոր իւրեանց, միջնորդ աղեր-
 սարկու առեալ զսիրելու թինն :
 Այո, ասէ, սիրեմ զնա և զձեզ,
 և սիրոյ իմ նշանակ՝ զմահ եղ-
 բոր ձեր առից՝ օյ փառաւորու-
 թէն պատճառ, ՚ի կենդանու-
 թի զնա փոխելով :

Ո՛վ դու հաւատացեալ, թէ
 բարեկամ իցես Քսի, կամ լի-
 նել ըղձանաս, մի օտարոտի քեզ
 զվիշտս և զմահ իսկ համարիցիս .
 հզոր է սէրն Քսի քան զամե-
 նայն մահ :

ՄԱՍՆ ԵՐԿՐՈՐԴ

ՍԻՐԷՐ Քս առանձին բարե-
 կամու թք զերջանիկն Ղազար .

և մի թէ վայրագար, կամ ըստ
մարդկան ինչ ըղձականութիւն :
Չասէ աւետարանագիրն Յով-
հաննէս՝ ուստի՞ արդեօք այնչափ
սիրելութիւն, բայց այն լռութի
յայտնէ՛ ի Ղազար զամենայն
արժանիան սիրոյ : Փոխադարձ
էր և նորա առ Քն սէրն, և սէր
այնչափ եռանդուն աննուազե-
լի, որչափ տեսանէր ատեցեալ
զնա յազգայնոց անտի :

Եթէ արտասուք քերցն զՔն
արգահատէին, սէրն Ղազարու
՛ի գերեզմանէ անտի ճմլեցու-
ցանէր զաղէաս սիրելոյն : Տե-
սէք որչափ սիրէր զնա՝ Հրէայքն
վկայէին յարտասուել Քնի, այլ
ունէին ասել ևս, տեսէք որչափ
և Ղազար սիրէր զՔն :

Ե՛կ լեր և գու երրորդ յազ-
նուական սիրելութեա, սիրեա՛
զՔն անմեղկելի, սիրեա՛ ի կեանս
և ՛ի մահու, զի լինիցիս նորա
սիրելի անմահ յարութեամբ :

ՄԱՍՆ ԵՐՐՈՐԴ

ՈՉ շատացաւ սէրն Քրիստոսի զյարուցեալն զՂազար 'ի սփոփումն քերցն մատուցանել ասելով մի լայք, ահա եղբայր ձեր կենդանի: Առ ինքեան ունի զնա սեղանակից՝ ոչ միայն զկենդանութիւն ճշգրտելոյ վն, այլ և զկարօտանան ընու չորեքօրեայ բացակայութեն:

Այլ բարէ համադամոցն 'ի սեղանի անդ սիրոյն: Չի գու, Մարթա, զի բազմաց հոգասուր զի մի ինչ կայ առաջի՝ ամենայն ճաշակաց լցուցիչ: Սակաւ ինչ առ 'ի պէտս խնդրի մարմնոյ, յորժամ սէրն փոխադարձեալ 'ի Քն և 'ի Ղազար՝ էր նոցա կերակուր և ըմպելի: Աչք նոցա առ միմեանս կառուցեալ անթարթափ. ունկն և լեզու անդադար տալ և առնուլ զմեանց բարբառս:

Ո՛ւ աչք գորովական՝ իմոյն Յսի,
 խօսէր ՚ի սրտի Ղազար, որ վա՛
 իմ արտասուեցեր. ո՛ր ձայն փա-
 րեւի, որ ինձ մեռելոյս եղեր լսե-
 լի. բայց ո՛ր մղձկումն սիրոյ ա-
 ղետիցս, զի կենդանութի՛ն ինձ
 շնորհեալ, ձայն սրտանաց ա-
 հա լսեմ իմոյ յարուցչիս, զմե-
 ռելութի՛ն զիմ յանձն իւր ընդ-
 ունել: Ո՛ր սէր, ո՛ր բարեգթու-
 թի՛ն, որ զկեանս և զմահ ընդ մի
 համարի վասն սիրելւոյն:

ԱՂՕԹՔ

Ե՛ր արդ ընկա՛լ և վասն մեր,
 ո՛վ սիրեցեալդ յիսկապէս սիրո-
 ղէն՝ սուրբ հայրապետդ Ղա-
 զար, զհաղորդուի՛ն սիրոյն Քսի-
 մեզ՝ որք հրաւիրեալքս եմք ՚ի
 վայելումն սիրոյ նորս, այլ ՚ի
 մերմէ հեղգութի՛ն մնամք ան-
 ճաշակ: Հայցեա՛ ՚ի նմանէ, որ-
 սէս և քորքդ վասն քո, զառող-
 ջութի՛ն յախտից հոգւոյ, զկեն-

դանութի՛ի մեռելութէ՛ մեղաց ,
 զարձակումն՝ի մոլեկան սովո-
 թութէց , որպէս զի համարձակ
 ընթանալ կարիցեմք՝ի շաւիղս
 սրբութե՛ , և մատչել անարա-
 տութի՛ի հոգևորական սեղան
 Բրիատոսի :

Ներ հանստրազորդ պաշտպան
 ապաւինելոցս՝ի տան քում
 ընդդէմ երևելի և աներևոյթ
 թշնամեաց . պահեա՛ զբնակու-
 թի անուան քո անստանելի ,
 առաւելեալ միշտ յիմ բարե-
 կարգութեա . զի լիցի մեզ առ-
 նողացս զօր յիշատակի քո՝ փա-
 ռաւորել ցնծութի՛ զսրբակա-
 տուն ամենայն բարեաց յաւի-
 տեանս . ամէն :



ՍՈՒՐԲ ԶՕՐՆ ԱՆՏՈՆԻ

ԱՐԲԱՅԻ

ՄԱՍՆ ԱՌԱՋԻՆ

ՅՈՐԺԱՄ զԱնտոն յիշատա-
 կեմ զերջանիկն 'ի սուրբս' նա-
 խահայր միանձանց' 'ի հիացումն
 ընթանայ սրտիս աղաղակ: « Ո՛վ
 է սա որ ելանէ յանապատէ » :
 Ելանէ բարձրանայ, և անդէն
 մնայ խոնարհ 'ի Թագստի . մարդ
 մենաւոր և շուրջ զնովաւ բիւ-
 րաւորաց պարք . հրեշտակաց
 խմբակից, և դէք առ նմա պա-
 տերազմողք : Ո՛վ է սա՛ հիա-
 նամ, և զԵսայեայն յիշեմ .
 Այր՝ զոր յառաջգիտութիւնն
 ւայ պատրաստեաց տալ 'ի վրդ-

կութի ոչ եղիպտացւոց միայն ,
այլ համօրէն ազգաց հաւատա-
ցելոց : Եթէ սքանչացեալ է լծ
'ի Ծբս իւր , սքանչելագոյն ևս
մեծացաւ յայս այր , որ տկար
բնութիւն քան զգերաշխարհիկան
առաւելաւ 'ի խոնարհութեան
և 'ի բարձրութեան :

Ընորհք և առաքինութի հու-
կառակաբար ներդործեցին 'ի
նմա . նախ յանապատ խորին
վտարել յանձանօթս , և ա-
պա 'ի տեսիլ ամբառնալ հրեշ-
տակաց և մարդկան : Այնպէս
անապատային՝ որ և զքաղա-
քայինս զարմացուցանէր . այն-
պէս անձանօթ՝ որ 'ի թագա-
ւորաց անդամ՝ ոչ ծածկեցաւ :
Մաշեալ 'ի Ճգունս , և իբրև
զբարեկեցիկան զուարթատեսիլ .
հարուածք գիւաց չարաչարք 'ի
մարմնին , և ընդ ոտիւք նորա
սատանայ խորտակեալ անվարժ
'ի գրոց , և գպիր խորհրդազգաց
վերնումն արքայութե : Ո՛վ է

այրս այս, մանաւանդ ո՞ր սքանչելիք զօրութենն ից :

ՄԱՍՆ ԵՐԿՐԱՐԴ

Եթէ զպատճառան խնդրիցես զանհամեմատ գերազանցութե՛ հօրս մեծի, մի զսքանչելագործութիս նորա կարծեսցես, մի զառ ՚ի յից յայտնութիան մեծամեծս, մի զխատաբեր ճգանցն ժուժկալութիւնն : Այլ զի՞նչ : Խոնարհութի նորա անզուգական, սէրն առ ի՞ծ, ատելութի անձիննն և երկրաւորաց ամենայնի արարին զնա մեծ առ ի՞ծ, որչափ յանձն իւր փոքրիկացաւ : Ընտրեաց զնուատութի, որով և բարձրացաւ սիրեաց զի՞ծ որչափ կարող էր, և սիրեցաւ յից՝ որ ամենակարողն է • ատեաց զամբարտաւանութի, և եղև ատելի գիւացն ամբարտաւանից : Այս է որ զանապատասէրն՝ զվայրաբնակն ա

բար նոր Աբրահամ, սկզբնա-
հայր ազգաց զլատականաց նո-
րոյս Իսրայէլի: Հրաժարումն նո-
րա յաշխարհէ եցոյց զանապատն
ցանկալի քան զքաղաք բազմա-
ժողով. և զանգնալի կողմանա
երկրի եզ ճանապարհ արահետ:
Երանի անձանց տային իշխանք
աշխարհակալք, եթէ 'ի տեսու-
թի նորա միայն հասանէին, կմ
բանիցն լինել վերընդունող:

ՄԱՍՆ ԵՐՐՈՐԴ

ԱՅԼ երանի՛ այնմ, որ արժա-
նապէս մեծարել զնա յորդո-
րեացի. նա՛ երանելի ևս որ զնո-
րայն աշակերտութի յանձին կեր-
պացուցանիցէ ճշգրտաբար: Ե-
թէ 'ի խստամբերութին չեմք
ժամանողք, ահա խոնարհութի
նորա, ահա սէրն, ահա հեղա-
համբոյրն քաղցրութիւն. զոր
գործովք կատարեաց նա գե-
րագոյն քան զօրինակ, և բա-

նիւք աւանդեաց զլափով հե-
 տեռւմն: Յանկան արդեօք զփորձ
 առնուլ 'ի քում անձին զսքան-
 չելեաց նորա. հայցեալ նորին
 բարեխօսութիւն զխոնարհութի
 ճշմարիտ, զսէր անմեղկելի, զօ-
 տարութիւն 'ի կամաց մարմնոյ:
 Առաւել ախորժէ նա հրաշա-
 դործել 'ի մեզ զպատկեր իւրօցն
 առաքինութեց, քան մեռելոց
 ընդունել կեանս կամ կուրաց
 լոյս:

Դիր սանձ խորհրդոցդ, և
 դուռն բերանոյ, և լուծ հնա-
 զանդահան 'ի կամս, և եղիցիս
 աշակերտ մտերիմ նախահօր
 քում Անտոնի, հայրենականացն
 օրհնութեց նորա ժառանգա-
 ւոր, որով և երկնաւոր փառացն
 բաժանորդ: Արձան յօժողիժ
 կանգնեցաւ նա 'ի սահմանս Ե-
 գիպոտոսի՝ որ յաշխարհ առակի,
 կոփեալ նախ կռանաւ ճգանց
 և պատերազմաց, և ապա մա-
 տանք յոյ գծողրեալ օրէնք հո-

գևոր ճամապարհին՝ որ 'ի ճըշմարիտ աւետեացն երկիր հանգուցանէ : Օրհնութի է 'ի նմա առ այնտսիկ՝ որք ըստ օրինացն առաքինանան, և անէծս՝ որոց հետտենն և ծուլանան :

ԱՂՕԹՔ

Ա Ռ քեզ, ո՛հ հայր պատուական, են խնդրուածք մեր, առաջնորդ միանձնականացս դասուց. հայեաց գթասիրաբար 'ի փառաւորեալդ քում հանգրտենէ 'ի տառապեալքս՝ և 'ի վտանգեալքս քոյոյ սրբութեաշակերտքս : Տէ՛ս, ո՛հ անպարտելի զօրագլուխ հոգևորականս զինուորութե՛ն, ո՛րքան յաջմէ և յահեկէ նեղիմք 'ի թշնամեաց յերևելիս և յաներևոյթս. հաս տկարացելոցս յօգնականութի, կործանելոցս 'ի կանգնումն, արիացելոց 'ի քաջալերութիւն :

Փարատեա՛ ՚ի մէնջ զգազտնի
մարտս անմարմին ակոյանին. զօ-
րացո՛ քոյով բարեխօսութի՛ ըզ-
հանդիսացեալքս ՚ի քրիստոսա-
կան յայս աստարէզ առաքինու-
թէ. զի մի որ ՚ի քէն պարտեցաւ
անամօթ թշնամին՝ պարծեցի ՚ի
վերայ քոց աշակերտաց : Զքեզ
որ վարուք անսխալ օրինակդ
ես, և բանիւք օրինադիր, ա-
ռաւել ևս այժմ արագահաս
խնամակալ մեզ հաւատամք և
թախանձեմք. որպէս զի ան-
սայթաքելի կրօնաւորութեամք
ժամանեալք ՚ի կէտ վերին յաղ-
թանակին, փառաւորեցուք
ընդ քեզ զպսակիչն առաքի-
նեաց՝ զփառաւորեալն ինքնու-
թի՛ յաւիտեանս յաւիտենից.
ամէն :

Ի ՏՕՆԻ

ՍՈՒՐԲ ՀՕՐՆ ԲԵՆԵՒԻԿՏՈՍԻ

ՄԱՍՆ ԱՌԱՋԻՆ

ՕՒՆՐԴ սքանչելի է իմաստութիւնն ւոյ յընտրել զոք ՚ի մարդկանէ, և ըստ ընտրութեն ճահողասպէս զանունն սահմանել, որով մի է առ ւած անուանել ինչ, և առնել այնպիսի: Յառաջախնամ տեսչութիւն ընտրեաց նա զերանելին ՚ի հարս ըզբենեգիկոսս լինել նախահայր միանձնական կարգաց, անուն էզ նմա բենեգիկոսս, Օրհնեալ, զլրումն երկնաւոր օրհնութի նմա յայտ առնելով: Արչափ առաւելութի է ըզ-

հասարակաց անունն արդարոց ,
որով օրհնեալք կոչին ինչ , նմա
միայնում սեփական իմն առ-
դնել : Արար զնա ի՞նչ օրհնեալ
յինքեան , և օրհնեալ վն այլոց :
Ի մատաղ աիոց եցոյց զնա զա-
ւակ օրհնութն , և ՚ի կատարեալ
հասակի՝ հայր օրհնութն ազ-
գաց բազմաց :

Տղայ էր ըստ հասարակածին
բնութենն , այլ անիծելոյ բնու-
թենն նշմարանք ՚ի նմա ոչ երե-
ւէին : Աճեաց մարմնոյ հասա-
կաւ , և փոխան ախտից վերա-
ճէր ՚ի նմա անարատութի և ի-
մատութի , խայրիք երկնաւոր
օրհնութն : Սատանայ զիւրան
արկանել ՚ի նա ջանայր զանի-
ծապարտ սերմանս , զմարմնոյ
գրգիռս , այլ նա փշովք զնախա-
հօրն գործեցեալ տատասկս՝ ՚ի
վարդս օրհնութն փոխադրել
զօրացաւ , մաք բութի անուշա-
հոտ բուրեղով ՚ի խայթուած օց
փշոցն :

Բարեւ . զայն՝ զոր տէր օրհնեաց 'ի մշտնջենաւորս , զիարդանիծանել կարիցէ սատանայ , յիւր 'ի չարութե կաման զնա որսալով :

ԾԱՍՆ ԵՐԿՐՈՐԴ

ԱՐԾԱՏՍ 'ի խորս արձակէր տունկն օրհնութե , և շառաւիղս 'ի վեր յանբեր անասրատի անդ ճգնութե : Գունադոյն 'ի նմա պայծառացեալ առաքինութեցն ծաղիկք՝ ոչ թօթափեալք և ոչ թարշամեալք , սիռեցին 'ի վայրս հեռաւորս ըզբուրումն սրբութե , առ ինքն ձգելով զածսպաշտութե քաղցեալն և զծարաւիս , որք աղաղակէին ըստ գրեցելումն : « Զհեաքո 'ի հոտ իւղոց քոց ընթացուք » :

Տեսիլն ևեթ հրեշտակակերպ վարուց նորա զմայլումն էր անձանց բարեսիրաց , և բանք բե-

րանոյ նորա տգիտաց վարժու-
մըն, մուտրելոց ուղղիչ, զար-
թուցող անզգաստից, վշտագնե-
լոց գիւրիչ. և կարօտեալք իւ-
րաքանչիւր հոգևորական պի-
տոյից՝ որք սովէին՝ ՚ի քաղաքս՝
յանապատի գտանէին դար-
մանս ՚ի յագուրդ անձանց ՚ի
Բենեգիկոսէ՝ իբրև յանգոյ
լիոյ, զոր օրհնեաց տէր:

Իսկ սատանայ միթէ ժուժայր
ընդ այս. որ ՚ի սկզբանէ մար-
դասպանն էր, հնարս խորհեցաւ
ապականել դեղովք մահու ըզ-
ձեռատունկն ւայ. այլ ՚ի զուր
ջանացաւ, զի օրհնութի տեառն
յաղթեաց մահու, որպէս և
սատանայի. և որ յայլ մարդ-
կանէ զմահ հալածեաց, ևս ա-
ռաւել մնաց ինքն առ ՚ի նմանէ
անըմբռնելի:

ՄԱՍՆ ԵՐՐՈՐԴ

Ո՞՞ մարթ է թաքչել քաղաքի
 'ի գլուխ լերին կառուցելոյ . և
 ոչ որ զճրագ լուցանէ , ծածկի-
 ցէ զայն ընդ գրուանաւ , ինք-
 նին տէրն իրաւարանեաց 'ի
 մարդկայնոց աստի . յայտ ա-
 րարեալ՝ թէ նովին կանոնաւ և
 յածայինան վարիլ սովորեցաւ
 իոյ նախախնամութիւնն : Իբրև
 քաղաք հաստահիմն բարձրա-
 ցոյց իծ զԲենեդիկոսս յանա-
 ստի և 'ի լեռնավայրս . նոյն
 վառեաց զնա ճրագ մշտալոյս 'ի
 սրբութեան և 'ի վարդապետու-
 թեան :

Եւ ահա որ մենակեացն էր
 և ինքնուրոյն , տեսաւ յանկար-
 ծակի շուրջ պատեալ 'ի բիւրա-
 ւոր աշակերտեւոց : Ի Կասինո-
 նէ սկսեալ , ընդ ծագս արևմտից
 հրաշացաւ անուն նորա կրօնաս-
 տանաց բազմութիւն : Հայր ազ-

նեցեւոյ ծառայի քո հօրս մերոյ ,
 և 'ի նորա անձապարզ և մեծութեն
 զքո սքանչելիսդ մեծացուցա-
 նեմք : Դու ամենապարզ և , մի
 առ 'ի մէնջ խնայեր մասն յօրհ-
 նութէ անտի , որով զերանելի
 զհայրն ճոխացուցեր 'ի փառս
 քո . շնորհեա՛ մեզ յանձինս բե-
 րել զնորայն տիպ զմաքրութեն
 և զերկնակրօն քաղաքավարու-
 թէ , զի մի ստտանայի փորձա-
 նացն լինիցիմք ողորմելի նշա-
 ւակ . այլ զօրացեալք 'ի հոգևոր
 պատերազմի , յաւիտենից օրհ-
 նութեն լինիցիմք ժառանգա-
 ւորք , փառակիցք գրեալ մեծի
 հօրն Բենեդիկտոսի , ցնծալ ընդ
 նմա , վայելել ընդ նմա , և ընդ
 նմա օրհնել զքեզ յաւիտեանս :

Դ Ի Ր

ՄՏԱԽՈՒԹԵԱՆՑ ԳՐՈՑԾ

	Էջ
Ա . Ի Ծնունդ սրբոյ հուսին	1
Բ . Գարձեալ 'ի նոյն խորհուրդ	8
Գ . Ի վերայ հրաշալի անուան ամէնօրհն նեալ Կաթողիկոսն	14
Դ . Ի տօնի ընծայման սրբի հուսին	21
Ե . Ի տօնի Աւետեաց	28
Զ . Կաթողիկոսն սէր տի- րամօրն առ ման- կացեալն Յիսուս	36
Է . Ի տօնի Պաշտպա- նութե տիրամօրն	44
Ը . Ի նաւակատիս սրբոյ խաչին	52
Թ . Ի կիւրակէի խաչ վերացի	57
Ժ . Յերկուշաբաթի խա- չին	61
ԺԱ . Յերեքշաբաթի Ե- կեղեցոյ	65

- ԺԲ. Ի չորեքշաբաթի Ե-
 կեղեցւոյ 70
- ԺԳ. Ի հինգշաբաթի Ե-
 կեղեցւոյ 75
- ԺԴ. Յուրբաթու խաչի . 81
- ԺԵ. Ի շաբաթու խաչի . 86
- ԺԶ. Ի տօն Վարագայ
 սբ խաչին 91
- ԺԷ. Դարձեալ 'ի նոյն
 խորհուրդ 97
- ԺԸ. Ի տօնի Երեման
 սբ խաչին 101
- ԺԹ. Ի շաբաթ օրն յա-
 ռաջընթաց Ծաղ-
 կազարդին յիշա-
 տակ յարութեան
 Ղազարու 107
- Ի. Ի կիրակէի Ծաղ-
 կազարդին 114
- ԻԱ. Յաւագ երկուշա-
 բաթի 'ի խորհուրդ
 արարչուէ և անկ
 ման Ադամայ . . 122
- ԻԲ. Յաւագ երեքշաբա-
 բաթի յառակ տանն
 կուսանաց 131

- ԻԳ. Յաւագ չորեքշաբա-
թի՛ի մասնուի Յնի. 139
- ԻԴ. Յաւագ հինգշաբա-
թի՛ի վերայ խորհրդ
դական վերնատանն. 147
- ԻԵ. Յաւագ ուրբաթու
՛ի խաչելու թի ան. 155
- ԻԶ. Յաւուր աւագ շա-
բաթու ՛ի թաղումն
Քրիստոսի 162
- ԻԷ. Ի Զաակի յարու-
թէ տեանն 168
- ԻԸ. Ի տօնի սբյն Յով-
սեփայ անճափն . 175
- ԻԹ. Ի տօնի սբյն Ստե-
փանոսի նախավը-
կային 182
- Լ. Ի տօնի սրբոյ հօրն
մերոյ Գրիգորի
Լուսաւորչի 190
- ԼԱ. Յօր յիշատակի սբյն
Ղազարու 198
- ԼԲ. Ի տօնի սբ հօրն
Անտոնի արքայի . 204
- ԼԳ. Ի տօնի սբ հօրն
Բենեդիկտոսի . . . 211





